

ISAACI BARROW

Mathematicæ Professoris Lucasiani

LECTIONES

Habite in Scholis Publicis

Academiæ Cantabrigiænsis :

An. Dom.

M. D C. L X I V.



L O N D I N I,

Typis J. Playford, pro Georgio Wells
in Cœmeterio D. Pauli. 1683.

ISAACI BARROW

Mathematicæ Professoris Lucasiani

LECTIONES

Habite in Scholis Publicis

Academici Cantabrigiæ:

An. Dom.

M. DC. LXXV.



L O N D I N I ⁂
Typis J. Playford, pro Georgio Wells
in Cœmeterio D. Pauli. 1683.

MATHEMATICI
PROFESSORIS
LECTIONES,

P R O

Anno Millesimo Sexcentesimo
Sexagesimo Quarto.

Ἀρχαί, εἰ τὰ μὲν ἔχειρον. *Arist. Metaph.*

J. B.

B

MATHEMATICI

PROFESSORIS

LECTIONES

P. D.

Annus Milleſimo ſexcentiſſimo
Sexageſimo Quarto.

Amstelredamum, Apud J. B. de Woeſt.

J. B.

ORATIO

PRAEFATORIA.

Mart. 14. 1664.

UT conquieverit paulò solennium negotiorum astus, & restituta tantisper rebus vestris tranquillitas dandis accipiendisque novis animos apparaverit vobis, aures patefecerit; attendite sultis, Academici, insolita rei quiddam, & prodigii non absimile denarrare gestienti. Affulsit nuper: quidnam inquietis? an dirus cometes funestorum casuum prae-nunci-
cius, cujusmodi plusculos indies, vel invito calo, fanaticorum capitum distorta contuetur acies? imò novum; at benefic-
cum sydus, vero pariter ac fausto jubare scintillans, quale nullum constat à multis annis supra Academicum horizontem emerfisse; cujus ego nunc ut dimetiar magnitudinem, motus explicem, praesagiam eventus, haud vanus utique huc pròdeò Astrologus. Vultis edisseram cla-

Oratio Præfatoria.

rius? quàm iniquum sit in literas, erga
 literatos invidum; ingratumque audiat
 hoc seculum, ignorare nemo potest, qui
 vel ad illarum calamitosam sortem ob-
 verterit oculos, aut ad crebras horum
 querelas non prorsus obsistuerit. Quò
 demiremini magis, qui tristes hâc tem-
 pestate camenas respiceret, istam infami
 seculo labem abstergeret, elanguentibus
 studiis vigorem inspiraret, obductam
 longâ desuetudine, nullisque jamdudum
 vestigiis signatam benefaciendi semitam
 retegeret, eximium tandem comparuisse
 Mecenatem; nedum titulo tenus, ut sit,
 sed ipsissimâ re Mecenatem; non qui
 nudam ostentârit gratiam. ast solidam
 operam impenderit literis; non ipsas be-
 nevolo tantum affectu complexus, sed
 munificâ quoque manu sit persecutus.
 Cujus ego viri ut laudes efferam, ut vir-
 tutes deprædicem, utinam mihi congrua
 tantis meritis verba, par tali materia
 eloquium obligisset, neque de adeò pralu-
 stri argumento tam mihi arduum esset
 dignè fari, quàm nefas est omninò ta-
 cere. Utcunque cum publica gratitudi-
 nis inter sit, meique præsertim id exigat
 officii privati ratio, etsi facultatem præ-
 stare non possum, voluntatem tamen osten-
 dam.

dam, aliquo saltem, imperfecto licet & inconcinno, elogio præclari Benefactoris memoriam cohonestandi. Fuit is (assurgite quotquot estis Academici, tantoque debitam nomini reverentiam exhibete) Henricus Lucas; Lucas, inquam, Martiam simul virtutem effulminans, & Palladium sapientiam expirans nomen; belli togæque laudibus utramque paginam historiæ repleturum; futurumque apud posteros an heroica fortitudinis nescio vel divina munificentia exemplis celebratius. Henricus Lucas; vir à profapia dignitate prolixè commendandus (utpote qui prænobiles familias proximâ sanguinis agnatione contigerit) nisi quod amplitudini generis potior animi magnificentia detraxerit, & virtutum excellentiâ natalium quasi splendorem obumbrârit. Modicæ illi facultates nascenti sors attribuit, quas etiam pupillo litigiosi fori subtraxit importunitas, jurisque injuria surripuit; prosperâ fati iniquitate, nè scilicet inconsulta fortuna potius quàm laudabili solertia sua vel honestè vivendi copia, vel gloriosè benefaciendi facultas posset imputari. Et enim à parentibus transmissas possidere divitias pura felicitatis est, acquirere

sibi perfectæ laudis; quæ aliunde quis acceperit aliis impertire, justæ restitutionis speciem habet; suo autem labore parta comiter largiri, titulum meritò præ se ferat liberalis beneficii: maximam inde partem gloriæ casus decerpat, integrum hinc sibi virtus adjudicat. Talis noster, sortis auctor propriæ, suæ virtutis heres, privata soboles industria, ex angusta re ad amplas opes enisus, ab humili statu in spectabilem gradum evehctus est. Quo pacto sciscitemini, quibûsve fretus ad miniculis? an rapinis grassando, fovendo lites, merces commutando, illiberales quæstus exercendo? nullâ harum, sed innocentissimâ ratione, probatissimis artibus, quibûsque natura homines ad propulsanda vitæ incommoda sanctissimis armis instruxit, elegantiam ingenii, linguæ suadâ, morum probitate. Amplissimo nempe collegio Sancti Johannis (quod cum innumeros addiderit Ecclesiæ, permultos accommodârît Reip. insignes viros, nullum, opinor, Academia enutrivit utiliorem alumnum) huic inquam feraci seminario implantatus, adeò feliciter adolevit, ita bonis artibus ingenium excoluit, probis animum imbuivit moribus; ut cum nulli non aptus muneri, quâvis

Oratio Præfatoria.

v

quâvis promotione dignus videretur, id saltem maturè assequutus est, ut in Illustrissimi Comitiss Hollandiæ (viri præcipuâ apud serenissimum Regem gratiâ florentis, & Cancellarii vestri summis etiam proceribus invidendo tunc honore præfulgentis) familiam adscitus, secretioribus ejus consiliis & litteris (qui potissimus est & perquam honorificus apud Optimates clientelæ locus) admoveretur; quam adeò singulari dexteritate, sinceritate, diligentia spartam exornavit, ut neutiquam mirandum sit, dum patroni res procuraret optimè, suis ipsum non pessimè prospexisse, bonaque frugis aliquid è tam copiosa messe proprium in horreum reportasse. Sic amplificato per honestam solertiam censu, pari prudentia decrevit uti, nec egregii laboris fructum sibi passus est elabi turpiter, infeliciter abortire: non in splendidos illum luxus erogavit, nec in fœdas profudit voluptates; non (sicut plerisque nunc usu venit opulentis) otiosorum vernularum stipavit se frequenti satellitio, nec magnificos conviviorum apparatus adornavit; non popularem impendiosè captavit auram; nec politicis semetipsum factionibus immerisit: at vitæ genus frugale, modestum, tranquil-

lum amplexatus, sapientia ac pietati vacans unice, modici temporis erga se parsimoniam coluit, ut sempiternam versus alios liberalitatem exerceret. De prole suscipienda, vel stirpe sua propaganda parum sollicitus patrem se egenis præstitit, suis Musas penetibus ascripsit, universos sibi posteros velut adoptavit; neutiquam id sibi pensi datum arbitratus, ut unum aliquem efficeret segniter locupletem, sed ut plurimorum necessitati subveniret, omnium industriam compensaret; nec ut privatam domum adimpleret copiâ, sed ut totum genus humanum scientiâ collustraret. Quanquam haud videri debet vel familia sua neglexisse decus, aut fama sui nominis ullatenus offecisse, quibus adeo durabilia constituit monumenta, quarumque memoriam immortalibus Musis commendavit. Nam accuratâ modò lance rem perpendamus, non aliâ quâcunque viâ generosæ propaginis gloria seipsam disseminet latius, aut radices suas altius infigat aternitati, quàm literarum sibi favorem demerendo; quibus ipsum scilicet tempus suarum rerum custodiam assignare, conscientiam solet accredere, quarumque semper indefesso spiritu canora fama buccina inflatur. Intereant oportet

tet litera, lumen extinguatur omnis me-
 moria, diffusissimâ barbarie rerum facies
 obruatur, quàm Lucasianum cesset incla-
 rescere nomen, inque hoc perpetim illustri
 gloriæ theatro solenni cum laude perso-
 nare. Sed neque justitiæ minus in hoc
 proposito, quàm prudentiæ specimen elu-
 cescit. Aliquid à prosapia sortitus est
 lucis, plus in illam splendoris refudit;
 tenue patrimonium à majoribus accepit,
 larga cognatis munera redonavit; ami-
 corum benevolentia fanus amplum retulit;
 neminem de se bene meritum non vicissim
 benefaciendo superavit. Quod si litera-
 rum præsertim auspiciis suprema cùm
 fortuna suæ præsidia, tum animi orna-
 menta consecutus est; si Academiae pa-
 renti vitæ melioris initium, magistræ
 virtutis quâ emicuit disciplinam, cul-
 tûmque quo excelluit ingenii, fantrici de-
 mûm eximium dignitatis suæ debuerit in-
 crementum; quamobrem non meritissimo
 jure parem illis rependeret gratiam, mu-
 tuis hanc officiis devinciret? quid enim,
 Academia nomine semel atque iterum ad
 suprema Regni comitia destinari, sena-
 toriâ purpurâ decoratum literati populi
 causam agere, tutelam suscipere, perso-
 nam sustinere; vestrum, hoc est ipsissi-
 mum

mum sapientia, corpus representare;
 vestro gravissimo iudicio probari, deligi,
 claris competitoribus anteponi, num par-
 vi pendendum decus est? imò quolibet
 pretio pluris æstimandum, nullis non fa-
 stuosus titulis præferendum. Atque uti-
 nam Academici, sic perpetuò cum rebus
 vestris comparatum esset, quos educatio
 sua in sublimiorem extulit gradum, quos-
 que consimili benevolentia testimonio
 afficitis, ut ii pariter evadant erga vos
 animati; ut sapius iudicia vestra tam
 auspiciatò colliment, beneficia vestra tam
 rectè collocentur: non ità liberales sci-
 entia pabuli inopes, honoris exsortes
 marcescerent, nec dignis modò præmiis,
 at necessariis etiam subsidis destituta stu-
 dia languerent. Enimverò solus ille jam
 à plurimis annis ab injuria literas pro-
 texit, à contemptu asseruit, ab inopia
 liberavit, operâ suâ adjuvit, opibus ad-
 auxit scientias. Iniquis siquidem istis
 & infauſtis temporibus, cum proventibus
 Academicis avida barbaries inhiaret;
 onera cum imponeret omnibus, & gra-
 vissima undicunque tributa corrogaret;
 causam ille vestram tutatus est acriter,
 immunitates vestras strenuè propugnavit;
 annisus est vehementer, & multam effe-
 cit,

cit, quâ consilio quâ eloquio suo, nè toga
sago fieret vectigalis, nè Martis furor
Minerva fundum depasceret, nè honestis
artibus fovendis dicata opes ad sustentan-
dam nefariam tyrannidem, ad improbos
ausus promovendos perverterentur. Ità
clypeum se vestrum tunc objecit importuna
nequitia, gladium postea vobis adversus
inscitiam accinēturus; averruncavit à
vobis exitiale damnum, max insigne lu-
orum adjecturus. Quippe mortalis cur-
riculi cū extremam penē metam se atti-
gisse præsentiret, ut beneficio saltem per-
duraret superstes, nec prodesse vobis ces-
saret, etiam cū vivere desisset, capite
animo versare secum, & cum amicis
consilium inire, quâ potissimum ratione
studiis vestris quā optimè posset consu-
lere; cūque quā parte debiles essetis
maximè, idoneis illam præsidis firmare,
vulneribus vestris oportuna remedia appli-
care, defectus supplere, damna resarcire
statuisset, omnia circumspicienti suc-
currit imprimis dignissima beneficentiæ
materia Mathematica disciplina; quas
cū insignis commendet utilitas ingenue
delectationi adjuncta, cū ipsarum pe-
culiaris difficultas auxilii plurimum effla-
gitet, cū ipsas veteres sapientia Ma-
gistri

Oratio Præfatoria.

gistri præcipuâ curâ excoluerint, omnis ævi homines ingente plausu exceperint, præsens autem ætas in extremis deliciis habeat, mirandum nescio magis an dolendum sit, in hac omnium disciplinarum facunda matre, omnium studiorum benigna nutrice Academia nullum ferme hætenus illis concessum fuisse locum, nullum assignatum premium, nullum patrocinium indultum. Tantum dedecus amoliri studens, & quò jacentes scientias instauraret, adjutricem illis subministravit manum, Professione Mathematicâ suis auspiciis institutâ, suis opibus liberali stipendo dotatâ. Quinetiam cum bibliotheca vestra sublatis libri Lambethani acerbissimam plagam influxissent, persanavit illam, saltem valdè mitigavit substitutâ suâ, minùs lautâ quidem nec perinde magnificâ, sed æquè lectâ, pariter pretiosâ supellectile librariâ, insigni illo tam eruditionis suæ monumento, quàm adjuvamento vestra. Quæ benefacta cum nullis amplificari verbis, nullis queant coloribus illustrari; idémque planè sit illa simpliciter recensere, ac fusè celebrare, vobis potiùs committam gratifico mentis sensu recolenda, quàm mihi desumam rudi encomio temeranda. Adnotare saltem liceat,

liceat, obiter atque strictim, quum (sicut assolet fieri quod prætermittit matre benignius tractentur filia) plures in singula collegia prouum affectum contestati sint, prae grandia dona contulerint; nulum haecenus uniuersae Academiae tam officiosum filium, gratum alumnum, munificum patronum obuenisse; quorum tamen illud tanto angustioris animi, tanto exilioris est meriti; quanto publicus sol domesticae lampadi prae lucet, quantoque angustius est beneficium influxum ad omnes diffundere, quam in paucos derivare. Itidem ut alii maiora præstiterint; nostrum sua prudentius dispensasse; siquidem opportunissimo tempore, cum res uestra, diutius neglecta, conspicui favoris indigeret, & deplorata conditio literarum validam opem imploraret; ad usus summopere necessarios, quibusque nescio turpiusne fuerit an damnosius vos haecenus caruisse: alios denique beneficio plurimum, neminem aequè de uobis exemplo meruisse; quando nimirum illi pro temporum ingenio, seculique sui moribus obtemperantes vigentibus gratia literis acclamarent; hic aduerso suae ætatis genio obnitens inuidia laborantes, & expositas opprobrio literas ausus est favore complecti,

plecti, dignatus est prosequi reverentiâ.
 Trium illi callem ingressis comites se vel
 pedissequos adjunxerunt, per aviam hie
 solitudinem dux sibi, nemini socius in-
 cessit: spes isti vegetas foverunt studio-
 rum, hic prostratas erexit, pessundatas
 restituit, penè sepultas exsuscitavit: flo-
 rentem illi demum suorum temporum for-
 mam sustinuerunt. aliquatenus, aut tan-
 tillum promoverunt; suum hic seculum
 nedum insigni honore affectit, quin à gra-
 vissima infamia vindicavit; à vulgari-
 bus adeò benefactis vulgarem illi laudem
 adepti sunt; singularem verò noster à sin-
 gulari beneficentia consecutus est, certè
 commernit, gloriam. Antecessorum is
 utique merita supergressus est longè, pal-
 mam certò præripuit Accessoris: ei iux-
 ta debemus quæ fecit ipse, quæque dein-
 ceptis aliis similia facturi sunt debebimus;
 quibus ut patrocínio sublevarent literas
 faustum omen præbuit, lucidam faciem
 prætulit, apertam viam præmonstravit;
 neminem ut posthac pudere possit impense
 Musis liberalitatis, omnes verò pudere
 debeat viri talis auctoritatem non sequi,
 tanti ducis vestigiis non insistere. Verùm
 in immensa orationis pelagus improvisò
 devehor longius, & plane sentio quanto pro-

proclivius sit, argumentum nactus tam nobile, tam splendidum, tam liberale, nimium dicere quam satis. Contraham igitur vela, sic tamen ut vestram prius, praestantissimo iuramento, suppliciter implorem veniam, tuas quod ego privatae laudes, eximiam in Deum pietatem, versus amicos observantiam, in omnes benignitatem; illibatam candorem animi, inculpatae morum probitatem; singularem in conversando comitatem, in agendo peritiam, in iudicando perspicaciam, in differendo facundiam; in officiis colendis fidem, in factis equitatem, in dictis modestiam, in proposito constantiam; sincerum amorem veritatis, ardens sapientiae studium, excelsam indolem, & consummatam eruditionem, reliquas & innumeras tuas divinae animi virtutes, praeclaras dotes ingeni, egregia vitae facinora verecundo potius obtegam silentio, quam importuno praconio dehonestem. Quas ego certe omni ut radios non directo cursu delatos, sed medii densioris interjectu refractos & debilitatos, acceperim; non usui proprio perspexerim, ast alienam fide subnixus, & solius fama beneficio cognoverim (fama licet certe & indubitata, multorumque optimorum & sapientissimorum viro-
con-

consonis suffragiis communita) si dicendo persequi vellem, quid aliud quam cæcus clarissimam lucem depingendam, surdus suavissimam harmoniam suscipere emolulandam? ô si viventis intueri vultum amenâ luce circumfusum, si contemplari gestus placidâ severitate compositos, si degustare sermones tuos melleâ salubritate conditos, istoque guttulas aliquot ab inexhausto gurgite facundie mihi depromere licuisset! tuo forsan pectus imprægnatum afflatu quiddam concepisset simile tui, tuo os imbutum nectare te dignum aliquod profudisset. Nunc satius esse duco tantas virtutes omnino non attingere, quam injuriâ malè pertractatas afficere, vel inficeto sermone contaminare. Una tantum superest laus (nec illa tamen postremis accensenda) quam nullâ ratione debeam ego intactam præterire; felicissima dico laus prudentiæ, illis in deligendis & deputandis adhibita, quibus supremam (sue voluntatis exequenda dicam, an dispensanda charitatis?) curam commendaret. Quippe cum irrita sepe fiant, & sperato excidant successu vel optimè ab hominibus destinata, istorum quibus committuntur vel improba perfidiâ, vel ignavâ supinitate, vel insipientie

piente vecordâ, id abunde cavit nè
 sibi eveniret, cum testamento suo præs-
 ceret duos incorruptâ fide, invictâ dili-
 gentiâ, spectatâ prudentiâ viros, quo-
 rum utcunque non gratâ recordatione pro-
 sequi nomina flagitiosum esset mihi, ipso-
 rum cum erga vos summam observantiam,
 tum singularem in meipsum humanitatem
 experto. Unus haud perinde forsitan
 cognitus vobis (dignus tamen qui pernos-
 catur ab omnibus colaturque) ornatissimus
 & spectatissimus vir, Robertus Ra-
 worth, Alio illi Sexto, jurisconsulto
 Ciceroniano, geminus ac persimilis: Egre-
 giè cordatus homo, cautusque, qui cum
 insigni juris peritia non inferius justitia
 studium conjunxit, cum magno rerum usu
 raram mentis integritatem sociavit; in
 eo præcipuè mirabilis & felix, quòd cum ad
 æquitatis normam dirigat omnia, nec un-
 quam honestè faciendi voluntatem bene
 audiendi gratia postponat, optimi tamen
 viri apud omnes consequi potuit opinionem,
 & cum recta conscientia integram famam
 conservare. Quadratus homo planè, in-
 que eo, cui ipsum ratio affixit, situ in-
 concussus; antiqui moris, aperta sincè-
 raque indolis, nullâ involatus nube, nullo
 fuce incrustatus, in dijudicandis rerum

C

momen-

momentis acer & perspicax; in ample-
 ctendis consiliis maturus & circumspe-
 ctus; in retinendo proposito constans &
 gravis, ut qui nec temerè suscipiat ali-
 quid, neque se facile patiatur à probabili
 instituto dimoveri. Talis denique, cui
 cum tutò summa fides haberi, & gravis-
 sima negotia rectè committi possint, tum
 in hac administranda provincia tam fide-
 liter, dextrè, sapienter se gessit, ut non
 ego tantum, & qui mihi in hoc munus
 successuri sunt, sed & universa Acade-
 mia, boneque adeò omnes literæ sint im-
 mortales illi gratias debitura. Alter
 autem nemini vestrùm non ab honesto
 quem tot annos, imò tot lustra, sustinuit
 apud vos loco notissimus, à virtutibus
 suis commendatissimus, ab egregiis erga
 vos meritis colendissimus, Thomas
 Buck; idem ille, cujus quotidie vestris
 oculis augusta species corporis, & oris ve-
 neranda dignitas obversatur; cujus in-
 dies promptissimam humanitatem persen-
 tiscitis, cujusque toties in procurandis
 gravissimis negotiis vestris, asserendo
 honore, commodis provehendis gnarum
 fidam, prosperamque operam experti estis.
 Vir sanè, qui cum omnibus bonis arti-
 bus haud mediocriter excultus sit, cum
 pru-

prudentiâ & fide (per tot amplissimorum virorum approbatis judicia, per tot experimenta gravissima demonstratis) primas concedat nemini, tum verò laudibili industriâ plerosque, penè dixissem omnes, longo intervallo post se relinquit mortales. Difficile mihi sit, imò prorsus impossibile, quos ille vestrà causâ exantlârit labores, quales pertulerit molestias, quanta devorârit tadia verbis explicare, vel ipsius in agendo diligentiam meâ assequi diligentia dicendi. Testis eram, (quatenus inquam admiratio permiserat, testis) quanto ille dum rem vestram typographicam urgeret, cum sua sanitatis, & rei familiaris dispendio, honori vestro prospiceret, commodo deserviret; qua nempe laus ejus nitidis impressa characteribus ad infimos usque posteris perennabit, ipsique adeò cum sacris, quibus pretium adanxit quodammodo, & gratiam adjecit, Bibliis aternitati permanebit consecrata. Caterum in hoc ipso, quod præ lingua habemus, negotio, non absque vegrandi stupore mihi licebat observare, virum ætate ingravescentem, nec firmâ satîs mentem valetudine tantas aliena rei vigilias impendere vel potuisse si veller, aut si posset voluisse,

quantas nemo forsitan alius, etiam ætate
 validus, & corpore robustus, sue præsti-
 tisset. Tantus illum ardor inflammavit
 de vobis bene merendi, tale perficiendi
 quod occupasset egregii facinoris incessit
 desiderium, ut cum annis accrevisse vi-
 res corporis, cum ætate vigor animi pro-
 vectior evasisse, & quò ad vitæ centrum
 propius accederet, eò ferri videretur in-
 citatius. At quid ejus in hac confici-
 enda re commemoro sedulitatem, quum in
 auspicianda potius enixum studium, & im-
 pensam erga vos benevolentiam debeam
 prædicare? siquidem illi tantum non pri-
 mas ingentis hujus beneficii partes referre
 debetis acceptas, cujus excitatus admo-
 nitu, consilio persuasus, hortatu compul-
 sus mirificus ille Mecænas noster cum
 Mathematicam hanc instituerit profes-
 sionem, tum lectissimo librorum thesauro
 Bibliothecam vestram ditavit, ornavit-
 que. Quid enim, annon jure beneficii
 auctor censendus est, qui benefactorem
 ipsum conciliavit, & quasi donavit vo-
 bis; qui alienam re, suam verò sapientiâ,
 suam profuit voluntate; qui aliorum ex-
 undantes munificentia rivos in aream
 vestram deduxit? absque quo certè fuis-
 set, non esset hodiè quòd tantum ego stu-
 diis

diis adminiculum, tantum Academia ornamentum, tantum seculo exemplum gratularer accessisse. Hæret profectò lingua, deficit ingenium, collabascit animus verba perquirenti tanto beneficio quadantenus adequata; cuius magnitudinem vos cogitando facilius aestimare, quam ego dicendo possim exprimere. Ab insuperabili proinde conatu subducam me, postquam id unum fuero protestatus, illius in me viri eximiam benignitatem pulchrius longè atque uberius commoveruisse gratitudinis testimonium. Huic igitur obeundo officio designati par illud virorum tale tantumque, quid? an adhibitam sibi fidem violârunt, de se conceptam spem deluserunt? num pro more nimis quam recepto, privato compendio intenti, vel desidia sua indulgentes speratum beneficii fructum in plures annos distulerunt? imò nec unum permiserunt excurrere non liberatæ fidei suæ, non absoluti propositi testem. Quin ad opus semetipsos accingunt ocius; libros properè curant ad vos deportandos; professoris exolvendo salario terras redimunt, officio definiendo leges præscribunt, nihil non expediunt quo minus tanti beneficii sensum expectandi mora corrumperet; at verò potius

Oratio Præfatoria.

ut spem vestram sua celeritas anteverteret, vix ut prius sciretis habituros, quam habere sentiatis. Leges dixi præscripserunt; illas verò quam ex se equas, quam studiis proficuas, quam rerum circumstantiis accommodatas, sententiam proferre nolo, neque tanta rei mihi temere censuram arrogabo. Illud saltem auctum affirmare, liquidò mihi compertum, è viris qui viderunt, iudicio valentibus, & nullo præiudicio occupatis (viderunt autem permulti dignitate juxta ac sapientiâ præcellentes) modicè dicam, plerosque omnes admodum probasse; nec paucos illas qualicunque laude dignas censuisse; dignas utcumque visas quas reclamante nemine authoritas Regia sanciret, & ratas faceret. Ità partibus suis absolutissime perfuncti, non tamen eò processisse contenti subsisterunt, at voluntate bene merendi potestatis sue limites quodammodo prætergressi, privilegia bene multa huic loco seu valde utilia, seu planè necessaria, que præstare non possent ipsi, à Regia clementia ultro impetrarunt; quò nomine quicumque posthac hujusce professionis munus amplectentur, tenebuntur eos ceu fundatores alteros, certè fautores palmarios, libenter agnoscere, gratà profiteri. De illis

illis porro, quorum præcipuè res hac gesta est, & ordinata consilio, reverendis Collegiorum præfectis, mihi quantum ætate præcedentibus, & antestantibus dignitate, tantum judicio prævalentibus, & elogio superioribus meo, nihil andebo quicquam enarrare; id unum dixero fecisse illos, quod rem publicam spectat, ut tales viros decuit, sapienter ac moderatè; à me autem cunctos haud exiguam iniisse gratiam -- duobus præsertim, cum elapsi tum instantis anni, dignissimis Procancelleis pro sua erga me propensa comitate, benevolentia, favore quas possum maximas debeo, ago, habeo gratias. Ità qualitercunque persoluto grata commemorationis debito, de meipso forsan expectatis, ut nescio quid edisseram; quibus præsertim causis inductus priori isto me abdicârim munere, novum hoc denuò assumpserim; quippe cum propterea cæcæ desultoriæ levitatis, aut fluxæ fidei homo, mei decoris nimium incuriosus, vestrique parum reverens arguar forsitan aut insimulè à quibusdam; quos tamen (si qui sunt) rectius facturos autumno, si judicii sui acrimoniam maturiori consilio temperent, nec alieni animi statum Lesbîa sortis regulâ metiantur; cum

subinde vel firmissima rupes reciprocos
 astus subeant, & constantissimi plerique
 viri variis rerum vicibus exagitentur.
 Rem ipsam quod attinet; Græcam ego
 provinciam, nemini sanè tunc optabilem,
 & immane quantum laboris exiguâ, imò
 nullâ, mercede compensantem qui reni-
 tenti animo suscepissem, cum in melius
 demutatâ loci conditione plures augurerer
 futuros, qui id muneris cum aggredi vel-
 lent lubentiùs, tum digniùs exequi pos-
 sent, nil planè quicquam obstare depre-
 hendi, quo minùs, nullo vestro incommo-
 do, genio meo prorsus obsecundarem; per-
 molestum onus leviculo penso commuta-
 rem, è Grammatico pistrino in Mathe-
 maticam palestram me subducerem. Et-
 enim sicuti nunquam à Philologia prorsus
 abhorruerim, ità nè dissimulem philoso-
 phiam semper impensius adamavi; ut vo-
 cularum ludicrum aucupium morosè non
 despiciam, ità seriam rerum indaginem
 magis cordicitus amplector; omnis tadii
 non usquequaque impatiens, modici verò
 otii appetentior sum; omni versus alios
 injuriâ sic abstinere studeo, salvum ut
 velim mihi legitimum mei arbitrium;
 voluntatis denique vestrae cum observan-
 tissimus perstiterim, & studiosissimus
 digni-

dignitatis, libertati tamen mea nunquam renuciâram penitus, non insolubili seruitutis nexu domina me Grammatica obstrinxeram, nec aures ultro meas Linguis obtuleram perforandas, ut non licuerit honestam occasionem arripere metipsum emancipandi, nedum ut debuerim amicis, ad munus inuitantibus, minùs equidem honorificum, at multo commodius, genio meo acceptius, & liberali otio abundantius, refragari. Quid multa? jure meo usus sum, non alienum invasi; possessione meâ decessi, neminem extrusi suâ; honore meipsum exui meritum meum excedente, non indignâ quenquam affeci contumeliâ, nedum ut vobis, charissima mihi colendissimâque capita, dedecus inferre meditarer, quos pronissimo semper affectu complexus, devotissimo cultu adveneratus sum, quorûmq; honori, siquis alius, pro exili modulo virium, cupidâ mente, promptâ operâ, diētis factisque nunquam non attentissimum me præstiterim, addictissimum demonstrârim. Nec è consuetudine vestrà longè mihi dulcissimâ exoptatissimâque, nisi fonticâ quadam necessitate adaectus, prae-durâque constrictus inopiâ vel ex parte recessissem. Nullis certè machinis impulsus

pulsus à vobis divelli penitus, nullis conditionibus allectus perducì poteram, ut è vestris omnino castris transfugerem; neque sub aliis uspiam gentium quàm insignibus vestris militavi. Quinimò non tam fines vestros derelinqui, quàm ditionem prolatavi, nomen vestrum protuli longius, haud ignominiam vobis accersui; neque tam sponte meà deum, quàm fato quodam abreptus videor futuri provido, præsa-
gòque, ut in alia quadam obscuriore arena, quod in hoc celebri circo nunc initurus sum, certamini praluderem. Me quisquis igitur hanc ob rem ceu perfidum desertorem aut fugitivum mancipium sugillat inclementius, viderit ipse quàm justas, quàmque probabiles ira sue causae prætexat. Utcunque nequeo non effusa mihi metipsi cum lætitiâ gratulari, tot erroribus defunctus, tot ereptus fluctibus, tot vicissitudines permensus quòd in hunc tandem placidissimum portum appulerim, in hac tutissima statione requiescam; nec enim fere votis meis congruentius quicquam potuisset evenire, quàm in alma matris sinu, omnimodis innocuis deliciis refertissimo, in vestro (hoc est hominum indole perquam sincerâ, candi-
dòque pectore, sublimi capto, & excel-
lente

lente doctrinâ prædicatorum) Regibus, opinor, ipsis invidendo consortio; in pulcherrimo Musarum palatio, sanctissimo templo virtutis, amplissimo bonæ mentis gymnasio, illustrissimoque præstantium exemplorum theatro; ingenio expoliendo, moribus efformandis, componendis affectibus, liberalibus scientiis unâ vobiscum condiscendis intentam; satis honestâ nec admodum onerosâ servitute mancipatum vobis, & minimè aspernandâ conditione perfruente atatem agere; id quod sanè, libera modò concedatur optio, centies malim quàm aut aulicas inter pompas, aut tumultus urbanos, aut rusticas solitudines, in re quantumvis laeta, quibuscunque seu copiis affluens, seu diffluens voluptatibus, seu titulis insignitus commorari & consensescere. Quam proinde felicitatem, non sine propitii numinis, meis meorumque rebus per nuperas istas calamitates gravissimè afflictis benignè providentis, singulari misericordia mihi concessam, quâ par est erga divinam majestatem humili reverentiâ, ac piâ mentis devotione percipio. Tum verò optimorum virorum ambitu nullo conciliatam, nullâ sollicitatam prece, sed purissimâ sponte mihi delatam benevolentiam
grato

grato sensu mentis amplector, & agnosco; cui cum nequeam omnino parem, hanc saltem adnitar referre gratiam, ut efficiam scilicet quadantenus, demandatum mihi officium gnaviter exequendo, nè aut collati in me beneficii peniteat ipsos, aut concepti de me pudeat iudicii. Quod non eò dico quasi tenuitatis mea parum conficius sim, aut aliquid arrogem mihi (quum imbecillitatem propriam intimè sentiam, indignitatem palam confitear) at quò stimulos addam industria mea, labantem animum sustineam, auctor fiam mihi ipsi, nè desperem ingenii mei defectum studio supplere, quòdque ab usu mihi deest curâ compensare. A vobis autem, Ingenui quotquot estis literarum alumni, nihil non spero, non polliceor mihi candore vestro, vestrâ humanitate dignissimum; nec ullatenus addubito, quin & faventibus me votis hætenus persecuti, nunc & alacri porro gratulatione sitis excepturi; minime scilicet immemores, quam ante plures olim annos indicâram bonæ voluntatis Mathematica hæc studia seu in exilium procul ablegata revocandi, seu profundis tenebris demersa in apicum retrahendi. Enimverò si tunc privatus homo nec alioquin obnoxius,

&

Et solâ rei pulchritudine accensus, ita me comparaverim, ut scientias istas qualicumque studio meo vobis exoptaverim summo opere commendatæ, non est quod nunc ambigatis pro ratione publici muneris, & sanctiori vinculo constrictum, iis pro tenui facultate mea promovendis acrius incubiturum, quando nimirum quod tum propendebam animo, eò jam propellar officio. Quod autem à me jam leges districte postulant, id quovis injussu præstare quam liberrimè semper fui paratissimus, ad familiares vos congressus ut non modò promptè admitterem, verum ultrò cupidè invitarem; utque non semel tantum vel bis quâlibet septimanâ cubiculi fores aperirem, sed vel intimi cordis indies penetrabilia recluderem, & patulum adituris pectus exhiberem. Quin accedite sultis jugiter, adolescentes studiosi, nullo metu cohibiti, nullo pudore retardati; quod jure vestro potestis, & me facietis haud invito, imò adlubescente gaudentèque, consilium audacter experite, exigite, præcipite & imperate, jussis utique vestris non aversum me vel refractarium, sed officiosum atque morigerum percepturi. Siqua vos studii Mathematici salebrosus iter ingredientiæ obstacula præpediant, difficultates

ficultates avertant, dubia remorentur,
 facite me, obtestor, participem, illud
 omne (quousque vel usu valeo vel indus-
 triâ consequi possim) quicquid est offen-
 sionis submoturum. Hisce verò disci-
 plinis ut strenuam navetis operam, inque
 pulvere Mathematico hand segniter de-
 sudetis, si nil aliud impelleret, illud sal-
 tem honestarum mentium vos calcar exti-
 mulet, inflammâtque vehementius qui
 generosis semper animis altè insidet ardor
 illustria quaeque exempla persequendi.
 Nam ut veteres illos praeferam, mirifi-
 cum Pythagoram, sagacem Democritum,
 divinum Platonem, subtilissimum pru-
 dentissimêque doctum Aristotelem, quos
 nimirum omnis hactenus aetas agnovit &
 suspexit meritis sapientia antistites, ar-
 tum coryphaeos; quorum quantopere ju-
 diciis arriserint hac studia cum luculenta
 proclamant historia, tum ipsorum argu-
 unt praeclara monumenta Mathematicis
 passim interspersa ratiociniis, Mathema-
 ticis exemplis, ceu stellis, illustrata; quae
 proinde frustra speret quispiam non in
 hisce literis mediocriter versatus penitus
 intelligere, vel illorum abditos sensus
 non adhibitâ clave Mathematicâ rese-
 rare. Ecquis enim Aristotelicum nisi
 plectro

pleetro Mathematico feliciter organon
pulset; aut ad philosophi physicas auscul-
tationes Geometria ignarus non prorsus
obsurdescat? quis Platonicum Socratem
capiat expertus (Geometria dicam an)
Arithmetica de quadratis numeris vel
cum puerulis balbutientem; aut ipsum as-
sequatur Platonem nedum de mundo ad
Geometricas rationes conformato, sed de
Rep. dissertantem, & politicas etiam le-
ges ad Mathematicam amussim exigen-
tem? nec ut recentiores illos comeme-
morem acumine similes antiquis, &
prope pares, Galilaum, Gassendum,
Gilbertum, Mercennum, Cartesium,
quosque alios præsentis ævi fert fa-
ma Matheseos unico fretos subsidio
naturalis scientia pomeria præscos ultra
terminos extendisse; ad quorum scripta,
Geometricorum diagrammatum radiis
ubique collucentia, harum rerum impe-
riti, cœu ad solis lumen coruscantis no-
ctua, exhorrescunt. Quin ad illas po-
tius scientiar, quales hodie se ostentant
conspiciendas obtutum dirigite, magna-
rum purpurâ redimitas, principum se ti-
tulis venditantes, ipsorum regum solis
insidentes; neminis ferè generosâ stirpe
prognati, qui vel ingenii laudem ambiat,
aut

aut operam philosophiæ seriam devoteat; non opinione magnificam studio quasi-
tam, præconiò celebratam; quos omnes in
genere quolibet ingenuæ literaturæ indecorum sit equiparari vobis, turpissimum antecellere. Præsertim cum Universitatis quod profitemini nomen adimplere, de-
cûsve sustentare non aliâ ratione valeatis, quàm si omnigena scientia liberali ingenio digna non vulgarem vobis peritiam vindicetis; & nisi vel invidentibus felicitati vestra, vel famam æmulantibus ansam detrahatis obtrectandi, quod vel in linguis ediscendis cœu semper infantes ætatem conteratis; vel ex obsoleta vetustatis ruderibus putidas fabellas eruentes veritatis indaganda curam respuatis; vel inconsultâ rerum naturâ, sinceraque rationis usu posthabito verborum inanes phaleras, & fucati sermonis præstigias affectetis; vel sophisticis dæmum tricis, & futilibus argutiis impliciti, steriles rixas conferentes, lubricis inherentes conjecturis, & incerta dogmata ventilantes otium abutamini, operam ludatis, ingenia miserè vestra vexetis & torqueatis. Quæ in vos (improbe fateor & immerito, sæpe tamen & serio) congesta opprobria vel eluatis facile, vel omnino devitetis, divi-
nam

nam modo *Mathesin* quâ par est diligentiâ consecutemini : *Mathesin*, subtilitate non spinosâ, difficultate neutiquam perplexâ, disquisitione minimè contentiosâ studiosos animos exercentem validè, non vanè deludentem, non anxie discruciantem; sine pugna vincentem, sine pompa triumphantem, absque vi cogentem, citra jacturam libertatis absolute dominantem; non imbecille fidei subdole struentem insidias, sed armata rationi apertum Martem inferentem, integram palmam extorquentem, inevitabiles catenas injicientem; quot verba, tot fundentem oracula; quôtque opera, tot miracula patrantem; nihil effutientem temerè vel ineptè molientem; sed universa perspicue demonstrantem, promptè peragentem; non scientiæ fallaces umbras obtrudentem, sed ipsissimam animo scientiam ingerentem, cui adhærescat firmiter, quam continuo possideat, à quâ nunquam aut sponte suâ decedat, aut ullâ vi depellatur: *mathesin* denuò, principiis menti clavis, experientia consentaneis suffultam, certas conclusiones elicientem, utilibus regulis instructam, jucundas quæstiones enodantem, mirabiles effectus producentem; artium, penè dixissem omnium, facundam

D

paren-

parentem, scientiarum inconcussam basin, in rem humanam emergentium commoditatum uberrimam scaturiginem; cui saltem uni equum sit, ut præcipua vite oblectamenta, præsidia salutis, incrementa fortune, compendia laboris accepta referamus. Quod eleganter & commodè habitamus; decoras ades extruimus nobis, angusta numini delubra statuimus, admiranda posteris monumenta relinquimus. Quod tutè ab hostili incursione vallis protegimur; arma dextrè tractamus, aciem scitè disponimus; arte quâdam, non ferinâ rabie belligeramur. Quod securâ per infidos fluctus commercia transigimus; recto per cecas maris vias itinere progredimur, incerto ventorum impetu propulsi designatos ad portus pervenimus. Quod rationes nostras verè subducimus; censum familiarem rectè conijcimus, negotia versamus expeditè; numerorum dispalatas phalanges in ordinem redigimus, tabulis includimus, calculo supponimus; arenarum quamlibet ingentes cumulos, imò vel immensas atomorum congeries facile computamus. Quod agrorum fines pacificè dispecimus, momenta ponderum equâ lance perpendimus, justâ suum cuique mensurâ dispensamus. Quod vastas

vastas hinc inde susque deque quò volumus
 levi digito moles protrudimus, & im-
 manem rerum perpusillâ vi resistantiam
 profligimus. Quòd terreni faciem or-
 bis delineamus accuratè, rêmque mundi
 publicam nostro simul universam conspe-
 ctui subijcimus. Quòd temporis fluxam
 seriem aptè digerimus; rerum vices a-
 gendarum debitis intervallis distingui-
 mus, tempestatum varios recursus, an-
 norum & mensium statas periodos, alter-
 na dierum & noctium incrementa, dubia
 lucis ac umbra confinia, exquisita hora-
 rum & minutorum discrimina, ritè per-
 censemus & internoſcimus. Quòd ra-
 diorum solarium in usus nostros subtilem
 efficaciam derivamus; visus spheram in
 immensum exporrigimus, vicinas rerum
 species ampliamus, semotas adducimus;
 occultas detegimus, latebris suis naturam
 excutimus, & sua callidè dissimulantem
 arcana revelamus. Quòd concinnis si-
 mulachris oculos nostros oblectamus, arti-
 ficia natura peritè emulamur, opéra pul-
 chrè exprimimus: emulamur dixi? imò
 superamus; dum nusquam existentia ju-
 cunde effingimus, absentia sistimus nobis;
 præterita representamus. Quòd harmo-
 nicis concentibus animos reficimus, aures

emulcemus; ærei fluctus inconstantiam certis modulis attemperamus; arido stipiti, festivam vocem indimus, & à rigido metallo dulcem elicimus facundiam; non dissonâ laude concelebramus Deum, & beatos cœlitum choros haud absurdè imitamur. Quòd inaccessibleis nubium sedes, dissitos tractus terrarum, devias æquoris plagas, elatos vertices montium, radices infimas vallium, profundas marium voragine, abstrusos telluris recessus attingimus & perscrutamur. Quòd ipsos mente superos accedimus, imò superos admoveamus nobis; æthereas arces conscendimus, per caelestes campos liberè spatiamur; astrorum emetimur magnitudines, interstitia definimus; leges ipsis præscribimus inviolabiles cœlis, & vagos syderum circuitus strictis cancellis coercemus. Quòd mundana denique machina portentosam molem animo comprehendimus; opificii divini stupendam pulchritudinem rectius æstimamus, sapientiùs admiramur; nostræ mentis incredibilem vim & perspicaciam certis experimentis addiscimus, ut pio affectu agnoscamus. Ut omittam rationem nostram in palestra hac Mathematica cum ad validè intorquenda argumentorum tela, tum ad cautè declinandos sophis-

*sophismatum ictus; tam ad nervosè dis-
ferendum, quàm ad solidè dijudicandum,
ad promptè inveniendum, ad rectè dispo-
nendum, ad perspicuè explicandum uti-
liter excitari. Nec non ad attentæ
meditationis perferendum radium, ad
alacrem cum objectis difficultatibus con-
flictum, ad pertinacem in studiis soler-
tiam usu componi mentem, robore confir-
mari; quinetiam hisce disciplinis assue-
factam à credula simplicitate penitus libe-
rari, contra scepticam vanitatem for-
tissimè muniri; à temeraria præsumptione
validè cohiberi, ad debitum assensum
facillimè inclinari; legitima rationis im-
perio perfectè subjici, iniquæ fallacium
præjudiciorum tyrannidi contumaciter
obluetari. Instabilem porrò phantasi-
am hâc veluti saburrâ librari, hâc fluctu-
antem anchorâ retineri; obtusum inge-
nium hâc cote exacui, luxurians hâc
falce castigari; præfervidum hoc frano
reprimi, torpidum hoc stimulo excitari.
Nullâ clariùs lampade per naturæ cali-
ginosas ambages, nullo certius filo per
intricatos philosophici labyrinthi anfra-
ctus incedentium regi vestigia; nec aliâ
demùm bolide veritatis fundum felicius
explorari. Nè dicam quàm variâ per-*

cognitarum rerum supellectile ditetur, quàm multiplice poliaturn ornatu, quàm salubri pabulo nutriatur animas, & quàm sincerâ voluptate perfundatur. Sin præterea dicam, dum à materiâ sensibili mens abstrahitur & attollitur, puras formas distinctè speculatur, pulchras ideas concipit, congruas proportionales investigat, ipsos mores corrigi sensim & concinnari, affectus componi & compurgari, phantasiam sedari ac serenari; ad diviniore intellectum contemplationes erigi atque excitari, nec solus id nec primus dixero, sed maximorum in philosophia nominum sententiam meam autoritate defendero, suffragiis confirmavero. Dies me, vox, & spiritus deficerent vel summa rerum capita cursim perstringentem. Nam illius quæ cælos, quæ terras, quæ maria pervagatur & permeritur, scientia nulla justè limites describat, nulla plenè complectatur utilitates, nulla perfectè laudes exhaustiat oratio. Et alioquin in re decantatâ ab omnibus, verbisque, reor, satis intimè perspectâ, improbè desipiens sim, si aut meam immoderatiùs abutar operam, aut vestram importuniùs exagitem patientiam. Quamquam band abs re, nec præter instituti
mei

mei rationem fecisse videor, quòd vestram modò patientiam strenuè exercuerim; cùm ipsâ patientiâ nulla sit ad Mathesin aut aptior aut utilior introductio, nec alius quisquam sit ad has disciplinas optimè comparatus, quàm cujus aures, orationis nec insipida fastidio devictæ, nec jejuna tadio delassatæ, per integrum ad minus bihorium, toleranter ac obstinatè, vapulare didicerunt. Orationis meritò dixi jejuna, eoque magis tempestivæ (quis enim ab esu mutorum piscium evadat eloquens, aut immunis culpæ sermone jam luxuriet?) quam si vobis scîero vehementer displicere, facile me consolabor, imò magnopere congratulabor mihi, validum indè deducturus argumentum, certum augurium desumpturus, quòd optimum me hodie præstiterim Mathematicum, hoc est pessimum Oratorem. Dixi.

MATHEMATICI PROFESSORIS LECTIONES.

L E C T. I.

Mathematicas scientias pro muneri instituto tractaturus, antequam ipsarum ingrediar penetralia, in vestibulo paulisper consistam, iisque qui ad hæc studia minùs accedunt parati seu morem gesturus, seu gratum opinor, facturus eo spectantia generalia quædam *ἐξωτερικά* prælibabo. Id quod, omnibus prætermisissis ambagibus, continenter aggrediar facere, hac ferme méthodo. Primum de nomine pauca disseram, tum de objecto ipsarum, & inde subnascente partitione; proximè de modo versandi circa objectum, hoc est ejus proprietates investigandi & demonstrandi (ubi de principiis quæ assumunt; de propositionum quas eliciunt differentiis; de methodo duplici demonstrandi per analysin, & synthefin, deque

déque aliis affnibus materiis se præbebit occasio disquirendi.) Postremo de ipsarum origine, progressu, incremento nonnulla forsân historica subjungam.

Nomen primò quod attinet, cùm disciplinæ vocabulum, ex proprio & primario significatu, commune videatur scientiæ cui-libet acquisitæ, & discere nihil aliud vulgò sonet, quàm in rei, quàm ignoravimus, notitiam devenire; (quo sensu Sextus Empiricus contra quolibet artes pervulgatas (Grammaticam, Rhetoricam, Logicam, & cæteras) disputationem instituens, libros inscribit suos contra Mathematicos; nec non præcipui auctores τὰ μαθήματα, & τὴν μάθησιν pro quavis doctrina usurpant. Plato. Οἱ φύσει λογιστικοί, εἰς πάντα τὰ μαθήματα, ὡς ἐπ' αὐτῷ εἰπεῖν, ὁρῶντες φαίνον;) Qui ad computandum naturâ bene comparati sunt, ad quidvis discendum promptos se exhibent. Aristoteles. Πᾶσα διδασκαλία, ἢ πᾶσα μάθησις διανοητικὴ, ἐν προπαραχέσθῃ γίγνεται. Apud eundem in Politicis habetur μαθησις ὁλοποιουμένη ὀψονία conficiendi disciplina. Sed quid ista, cùm sexcenta passim occurrant talia? Unde igitur hæ scientiæ peculiari modo nuncupantur Mathematicæ, hoc est, disciplinales; & τὰ μαθήματα, per disciplinam comparatæ scientiæ (nonnunquam singulariter τὸ μαθημα; ut Aristoteli: ὅτι, inquit, τὸ περὶ τῆς ἰσότητος τὸ μὲν γὰρ ἐστὶ ποσὸς εἰδέναι, τὸ δὲ δίδωμι ὀπτική, ἢ ἀκρόασις, ἢ γὰρ τὸ μαθημα) Iridis rationem Optici est ostendere, vel simpliciter à se, vel ex Mathematica scientia (Geometriam innuens, ex qua Opticus suarum conclusionum rationes desumit)

7. de Rep.

2. Post. Anal. initio.

Lib. I. Politic. cap. 7.

1. Anal. Post. c. 13.

sumit) denique per metonymiam quandam actionis pro objecto frequenter appellantur, ἡ μαθηματικὴ, disciplina? quamobrem, inquam, istæ scientiæ his nomenclaturis insigniantur, ambigitur, & plures, aliæ ab aliis, adsignantur causæ. Quidam propter ipsarum eximiam evidentiam, certitudinem & constantiam hoc nomine donatas arbitrantur, cum alia nulla cognitio, qualitatibus istis destituta, disciplinæ nomen mereri videatur; nec videri debeat quispiam aliquid didicisse, quod non & clare percipiat, & firmiter amplectatur, & * pertinaciter retineat. Qui velut in tenebris palpat, aut opinione fluctuat, aut à sententia dimoveri potest, haud quaquam didicit. Itaque cum conditiones istæ scientiis, quæ dicuntur, Mathematicis vel solis vel excellentiori modo convenient, propterea volunt istis disciplinarum titulum adpropriari merito. Alii sic denominatas idcirco putant, quod non adeo sint obviæ, sed præcipuè difficultatis aliquid contineant, & proinde Magistri cujusdam præeuntis, vel interpretis opem desiderent; & impensiori quadam attentione ac studio debeant addisci. Juxta Platonis illud: Οὐδεμία πόλις ἐννέμους αὐτὰ ἔχει (mathematica scilicet) ἀδελφῶς τε (ἡτοι) χαλεπὰ ὄντα, ἐπιστάτην τε (ἡτοι) οἱ ἑπὶ οὐκ ἔχοντες, ἀνεύθ' ἐκ αὐτῶν ἐλπίσιν. Nuppiam in pretio sunt, & languide illis incumbitur, propter difficultatem, & quia duce opus est studiosis, absque quo non assoquantur. Proclus verò (sub finem primi in primum elementum commentarii) hujusmodi videtur rationem adsignare (quam ideo præsertim refero, quoniam acerbius carpi, quàm penitiùs intelligi solet

* Δεῖ
ἀπλῶς
ἐπιστάμενον
ἀμετα-
πώτων ἔν).
Arist.

|| 1. Post.
Anal. c. 2.

7. de Rep.

solet à nonnullis) scilicet cùm triplex sit modus (ex ipsius sententia) ad rerum cognitionem perveniendi; per impressionem forinsecus accedentem, per interiorē motum phantasie; perque discursivam operationem mentis in seipsa reconditas species eruentis, & quasi sopitas excitantis; quorum primus sensus, secundus opinio dicitur, tertius appositè vocari potest disciplina; utpote quædam ἀνάμνησις (vocabula verò *μανθάνειν* & *μυμνήσκειν* ab eadem videri possunt origine profecta, & significatu cognata) & quia μάθησις utcunque talem notitiā propriè respiciat, ad quam arripiendam nedum idonei, sed quodammodo parati accedimus; ex prævia quadam, subobscura licèt, ediscendæ rei notione. Quo casu sibi Mens quasi magistræ defungitur officio, seipsam erudiens, ac instituens. Hæc autem cognitionem adipiscendi ratio cùm hisce scientiis præcipue congruat (quippe quæ sint ut ipsius Procli verbis utar, *κίνητικαὶ τῇ γνώσεως, καὶ ἐγχετικαὶ τῇ νοήσεως, καὶ καθαρτικαὶ τῇ διανοίας, καὶ ἐμφαντικαὶ τῇ κατ' ἐστίαν ἡμῶν ὑπαρχόντων εἰδῶν, λήδους τε καὶ ἀγνοίας ἀφαιρετικαὶ, καὶ ἀπολυτικαὶ τῇ ἐκ τῆ ἀλογίας δισμῶν*; hoc est, verum notitiā promoveant, contemplationem exsuscitent, rationem expurgent, insitas species eliciant, oblivionem ac inscitiam amoveant, errorisque vincula dissolvant) & cùm hæc animadverterent Pythagorei, qui hasce scientias vel invenerint primi, vel imprimis excoluerint, idcirco Μαθηματικῶν ὀνόματι Illis nomen indiderunt, propter modum scilicet illas inveniendi, & acquirendi disciplinæ titulo dignissimum. Ità ferè Proclus, equidem subtiliter, & ingeniosè.

Verum

Lect. I. *Mathematica.*

Verum elegantius forsitan conficta, quàm verius adserta sunt hæc omnia. Nec enim hoc vocabulum (ut nec alia pleraque) tam argutà ratione conquisitum, quàm ex communi usà, probabili causà nixo, depromptum videtur. Itaque sic dictas potiùs arbitrator has scientias; quia cùm Græci primitus inciperent ad artium studia animum appellere, solæ hæ in Scholis traderentur; quum nec dum aliæ inventæ essent artes, quas edificerent pueri. Hisce solis, inquam, artibus incubuerunt, nec aliud quid illis innotuit sciendum, exceptâ philosophiâ, quæ non tam disccebatur à pueris, quàm à senibus anxie quærebatur, (nec enim primis istis seculis inter eos, qui ad eruditionis qualèmcunque gradum adspirarent, fere repertus est quisquam arrogans adeò, ut sapientiæ se Magistrum auderet profiteri, quisque id primò videntur ausi circumforanei isti Sophistæ iustas ideò Socrati pœnas dederunt.) Artes autem aliæ scribendi, dicendi, differendi posteriore temporis decursu subnatæ sunt: Et quidem scribendi ars (Grammaticam intelligo) à plerisque ad ipsum Aristotelem refertur authorem; saltem circa illius tempora sumplisse videtur initium; quod enim apud Platonem in *Philebo* γραμματικῆς τέχνης succurrat mentio à Theuth Ægyptio repertæ, id de literarum solummodo descriptione ac usu (utili sanè cum primis, & mirabili artificio) dictum accipio, neutiquam verò de præceptis Grammaticis in artis formam concinnatis, de qua nihil fere quicquam, opinor, Platoni suboluit. Artem verò dicendi (seu Rhetoricen) à Siculis duobus Co-

race,

race, & Tisia, tantillo ante Platonem tempore, scriptis coeptam consignari ex Aristotele denarrat Cicero; qui tamen ipsi non nisi quædam exilia adumbrasse videntur istius artis rudimenta; id quod ipse subiunxit Aristoteles sub finem libri de Sophisticis Elenchis; de illis verba faciens: *Οἱ τὰς ἀρχαὶς σὺρόντες* (inquit) *παιτελῶς ἐπὶ μικρὸν τι προήζον.* Differendi demum ars (Dialectice) ab Eleate Zenone, Socratis contemporaneo ac congerrone, qualecunque (sicuti perhibent) principium sortita, vix tandem Aristotelis operâ (nobis ipse author est) in artis methodum excrevit: Saltem à Pythagoreis & aliis plerisque Platonis antecessoribus philosophis penitus ignoratam & intactam exerte contestatur idem Aristoteles: *Οἱ δὲ πρότεροι* (inquit, hoc est Platone antiquiores) *διαλεκτικῆς ἢ μετεῖχον.* Scilicet in illa studiorum infantia nondum adoleverant artes istæ populares: Nondum venerat illis in mentem è præceptis hauriri posse vel peritè scriptitandi, vel eloquendi facundè; vel argutè disputandi facultates; quas forte vel naturâ cuique putabant infinitas, vel è quotidiano facilius usu, quàm ex operosa institutione crederent comparari; nec opinione suâ multum deceptos ipsa fermè coarguit experientia. Omne igitur studium primis istis seculis circa hæc duo occupatum est, Mathematica scilicet & Philosophiam, quorum illa solebant in scholis à peritioribus Magistris tenerè ætati instillari, hæc proveciorum in suis recessibus contemplationem exercebat; illa ad hanc præparabant animos, & viam muniebant. Quo spectare potest, quod Laertius

I. Metaph.
cap. 6.

Le&.I. *Mathematica.*

7

tius à Pythagora triplicem memorat con-
scriptum commentarium, institutivum, ci-
vilem, naturalem (μάθησις); inquit, τὰ
Πυθαγόρου συγγράμματα γ, παιδευτικόν,
πολιτικόν, φυσικόν) quo scilicet trino com-
mentario universa temporum istorum do-
ctrina comprehensa videtur: nec ferè dubi-
um est, quin παιδευτικόν idem designaverit
quod μαθηματικόν; quâ scilicet institutione
præviâ ad utramque philosophiæ partem,
civilem & naturalem, aditum præstruebat
ille primus (certè tum primarius) antistes
Sapientiæ Eodèmq̃ pertinere videtur
triplex illa, quam Gellius tradit, Pythago-
ricæ doctrinæ gradatio; juxta quam nem-
pe illius instituti sequaces ἀκυστικοὶ primò,
proximè μαθηματικοί, denuò φυσικοὶ dice-
bantur; hoc est linguam primò compescere,
aurèsque exercere, ceu rerum omnium ig-
nari; tum aliquid discere; qualemcunque
scientiam captare; postremo sapere, hoc est
præcipuarum rerum notitiam indipisci stude-
bant. Huc saltem respexit Plato, quum has
scientias πρὸ παιδείας, (præviâ erudi-
tionem, hoc est philosophiæ quasi præludi-
um) appellat (in politicis); & cum Pla-
tonis Timæo dicitur Mathesis ἢ καὶ παιδε-
υσιν ὁδὸς (apud Proclum * primo libro). Eò-
que Xenocrates elegantur Mathematica voca-
vit λαβὰς τῆ φιλοσοφίας (ansas philosophiæ):
Et alius non nemo κλίμακας καὶ ἐπιβάθρα,
gradus ac scamna vocat, quibus ad rerum
sublimium cognitionem ascenditur; juxta
dictum Platonis: Τὸ αὖτις ὄντι ἡ γεωμετρικὴ
γνώσις ἐστίν· ἔλκον ἄρα πρὸς ἀλήθειαν ἡ-
γεῖν εἰς αὐτὴν καὶ ἀπεργαστὸν φιλοσόφου δια-
γίγνεται;

Lib. 1.
cap. 9.

7. de Rep.

* Pag. 6.

7. de Rep.

Et. I.

tem-
aristo-
i non
istius
t Ari-
Elen-
ἐργα-
γόν π
Diale-
ntem-
e (fi-
x tan-
or est)
à Py-
tecef-
& in-
teles:
ne an-
cilicet
oleve-
nerat
ffe vel
uandè,
s forte
è quo
nstitu-
tione
nit ex-
is illis
Mathe-
um illa
gistris
rum in
cebat;
viam
Lacti-
tius

*νίας, πρὸς τὸ ἀνω χεῖν. ἃ νῦν κάτω, ἔ
 δέον, ἔχουσιν.* Ex antiquiorum denique sen-
 tentia Theon Smyrnæus, ille Platonice Ma-
 theseos vetustus expositor, totam exquirendæ
 sapientiæ rationem, per sacram antiquitus
 consuetam mysteriorum perceptionem pul-
 chrè repræsentat; cujus cùm omnino quin-
 que gradus vel partes extiterint, *καθαρμὸς,
 τελετὴ, ἐποπτεία, ἱεροφαντεία, εὐδαιμονισ-
 μος*: Et quidem cùm philosophia (rationalis
 nempe, civilis; & naturalis) τῇ τελετῇ,
 institutioni in sacris, bene comparetur;
 Theologia verò ἢ ἐποπτείας, sacrorum in-
 spectionem, appositè referat; Mathesis τῇ
καθαρμῷ, præparatoriæ purgationi, haud
 incongrue assimilatur, quâ minimè imbuti,
 ceu profani & inhabiles procul arcendi vide-
 bantur à mysteriis sapientiæ. Verùm de his
 satis; ut concludere liceat has scientias opti-
 mo jure dici Mathematicas (vel τὰ μαθη-
 ματα, disciplinas) quoniam primitus solæ
 discerentur: cùm nedum res, at vocabula
 quoque sint primò occupantis. Quod impri-
 mis ex ipsa rei veritate nomen obtinuerunt;
 id postea retinuerunt meritò (usu possessione
 nem corroborante) utinam non frustra reti-
 neant, quâque par est solertiâ à studiosis ado-
 lescentibus perdiscantur.

Nescio verò, de Mathematicum nomine
 dum dispicio, operæ ne fuerit pretium ad-
 notare turpissimum ejus, qui apud Romanos
 sequioris ævi scriptores, invaluit, abusum;
 ut scilicet id pessimo; vanissimòque generi
 hominum Astrologis (Astromantis potius,
 vel ἀστρομαντεῖν) Genethliacis, Conjectori-
 bus, divinis, & istius malefani furfuris reli-
 quis

quis propudiosis nebulonibus attribueretur vulgò. Unde Tacito Mathematici, *Genus I. Hist.*
hominum potentibus insidum, sperantibus fallax,
quod in civitate nostra semper verabitur, & sem-
per resinebitur. * Legiturque facta fuisse de

* *Annal. i.*

Mathematicis Magisque Italiâ pellendis senatusconsulta: [Mathematicis, Magisque; & dispar conjugium! Simili planè jure, Serpentes avibus gementur, tigribus agni]

Seneca in ἀποδοκυντώσει Claudiana: *Patere Mathematicos aliquando verum dicere* (geniini Mathematici, & ceteri, nunquam non verum dicunt) *qui illum ex quo princeps factus est omnibus annis, omnibus mensibus efferunt.*

Sed hujusmodi penes Suetonium, Tacitum, aliosque illius ævi degeneres historicos, sexcenta succurrunt exempla; unde Gellius:

Fulgus autem quos gentiliis vocabulo Chaldeos dicere oportet, Mathematicos dicit. Quæ vocabuli nobilissimas & honestissimas disciplinas designantis improba profanatio temporum

Lib. i.

cap. 9.

istorum in extremam barbariem impetu citato delabentium crassam demonstrat inscientiam: Siquidem confusio nominum nunquam non rerum arguit imperitiam. At meliori ævo, cum apud Quirites plus vigeret eruditio melius audiebant Mathematici, quos ab ista sæce circulatorum sibi futurorum præscientiam arrogante sollicitè dirimit Cicero:

Num, ait, censes eos, qui divinare dicuntur, posse respondere Soli majore quam Terra sit; an tantus quantus videatur; Lunaque suo lumine an Solis utatur? &c. Sunt enim ea Mathematicorum, non Ariolorum: Dignum hercle Cicerone judicium, — dignum sapiente, bonoque. Sed de nomine satis dictum superque; nè

De Divina

E

phi-

I.

, &
 sen-
 Ma-
 nez
 itus
 pul-
 uin-
 uos,
 vis-
 malis
 etn,
 tur;
 a in-
 s tu
 naud
 buti,
 vide-
 le his
 opti-
 a dñ-
 solz
 abula
 n pri-
 runt;
 effio-
 reti-
 ado-

omine
 m ad-
 nanos
 ifum;
 generi
 otius,
 etori-
 s reli-
 quis

philologum potius agere videar, quam Mathematicum, — *verumque antiquo mathematico iudicio.* Igitur

Ad rem veniamus, & de Matheseos proxime dispiciamus Objecto; & cuius seu varii speciebus, seu diversimoda consideratione, Mathesis ipsa varias in partes dividitur. Quam super re primo secundum aliorum placita, communique ferme sententiae consona trademus, postea de re ipsa disquiremus curiosius; & quale re ipsa Mathesis objectum contempletur, quousque se extendat, quomodo determinetur aut distribuatur in partes, quid nostrae sit sententiae enucleabimus; nec non omni seposita autoritate, quadam subinde *μαθηματικά*, (non adeo fortasse *μαθηματικά*) proferemus in medium: Nec enim omnia de trivio petere, vel quidvis temere suscipere constitutum est mihi; sed quaecumque se obtulerint quaestione digna liberè discutere, quaecumque veritati videbuntur consentanea, strenuè affirmare non verebor; vestri tamen candoris & acuminis, quae dixerem cuncta, iudicio examinanda & decidenda submissurus. Quod igitur attinet objectum Matheseos generale, prout id vulgo statuitur, mirum videri poterit nullum ei, in utraque lingua, proprium vocabulum congruere. Siquidem *ἀκυρολόγος* Aristoteles *τὴν ποσὴν* magnitudinis & multitudinis communē genus constituit. (*ἡ ποσὴν ἢ, μέγεθος ὃ ἐν μετρητῶν εἶναι. Multitudo quā numerabilis est ποσὴν π; & magnitudo, quatenus mensurabilis.*) At verò propriè *ποσὴν* quantitatem significat, & solum respicit numerum. E contra quantitas, quod vocabu-

V. Metaph.
cap. 13.

cabulo τὸ ποσὺ Aristotelicum exprimere so-
lent Latine, magnitudinem indigitat, nec
ad numerum proprie referri potest. Qui
defectus nominis magnitudini & multitudi-
communi argumento forsan sit nullum illis
communem conceptum veterum animis inse-
disse; an sit ullus ex parte rei, postea diffe-
remus. Quicquid verò sit de generali ob-
jecto, satis convenit Mathesin circa duo potis-
simum versari; τὸ πηλίκον & τὸ ποσόν (strictè
dictum), hoc est quantitatem & quotitatem;
scu malitis, circa τὸ μέγεθος & τὸ πλῆθος,
magnitudinem & multitudinem (continuam
alii appellant, discretamque quantitatem,
quam appositè etiam posthac forsan discepta-
bimus.)

Quoniam verò species utraque (magni-
tudo dico & multitudo) duplici pacto consi-
derari potest; vel quatenus ab omni speciali
materia, materiaque circumstantiis, & acci-
dentibus mente separatur vel abstrahitur (hoc
est in se generaliter, illis omisiss, concipitur)
vel quatenus inhaeret alicui speciali subjecto,
cumque aliis quibusdam physicis qualitatibus,
actionibus, circumstantiis conjuncta, & com-
missa reperitur; hinc emergit divisio Ma-
theseos in puram (vel abstractam) & mix-
tam (sive concretam). Quam & Plato vi-
detur agnoscere (in Philebo); alias enim
disciplinas κατὰρὰς, πρώτας, ἡμερονικάς
(Arithmetica disertè significans, & Geo-
metriam) alias verò ἀκατάρτους, impuras,
secundarias, minùs exactas asserit. Et puræ
quidem, vel abstractæ Matheseos partes
magnitudinis ac numeri generalem naturam,
& proprias affectiones absolutè contemplan-
tur;

Auscult.
Phys. Lib. 2.
cap. 2.

|| Anal. Post.
Lib. 1. cap.
13.

tur; Mixtæ verò, vel concretæ, considerant eandem, ut certis corporibus & subjectis specialibus applicatas, cum vi motiva & aliis physicis accidentibus copulatas; (unde φυσικομαθηματικὰς appellat Aristoteles; & αἰσθητικὰς; alii Physico-Mathematicas vocitare solent.) Pura consequenter Mathesis duplex statuitur; Geometria, quæ magnitudinis abstractæ naturam speculatur, species distinguit, proprietates investigat; & Arithmetice, quæ multitudinem, seu numerum, ejusque species & affectiones pari modo contemplatur & pertractat. Mixta verò Mathesis pro materiæ, cui magnitudo & multitudo inesse possunt, varia specie, vel qualitate differenti multiplex est, nec unò proinde modo seu à veteribus, seu à recentioribus philosophis dispersita est, ut mox ostendemus: interim de modo considerandi diverso quæ diximus exemplo uno, vel altero dabimus utcunque illustrata. Itaque exempli gratiâ; Recta linea, quæ est species magnitudinis, concipi potest vel absolutè, & universalissimè, juxta definitionem ipsius, ut simplicissima dimensio, brevissimum inter duo quæcunque puncta designans intervallum; quo pacto considerata generales quasdam proprietates habet, à Geometria vel præsuppositas, vel demonstratas; aut aliàs; quatenus scilicet. e.g. à centro Solis ad Telluris centrum protensa corporum istorum distantiam signat; vel ut lucis repræsentans radium in hoc corpus impingit, ab illo resilit, per tale medium trajicitur, hinc vel inde deflectitur aut incurvatur; vel ut uno extremo defixa pondus annexum circumferre potest, aut ipsum sustentare;

Lect. I. *Mathematica.*

13

tare; ejusque pro varia ab immobili centro distantia, momento determinando inservire: vel ut chordam materialem, seu canonem, repræsentans divisione suâ multiplices exhibere potest sonorum proportionēs. Quibus illam variis modis, suo quisque respectivè, Astronomus, Opticus, Mechanicus, & Musicus considerant & contemplantur. Simili pacto, Sphæra considerari potest ut figura talis plani rotatu producta; tali superficie terminata; taliter secabilis, aut divisibilis; certâ ad alias magnitudines homogeneas proportionē prædita; quo pacto naturam & affectiones ejus Geometria perscrutatur: Vel prout in tali distantia collocatâ, per tale medium (uniforme vel difforme) tali lumine collustrata talem intuiti speciem exhibet sui; quomodo versant illam (aut circa illam versantur) Opticus juxta atque Astronomus: Vel aliter, ut cuivis immersa materiæ vim obtinet versus terræ centrum descendendi (quam pondus aut gravitatem vocant) pro varia dispositione & situ partium, connexionē cum aliis materiis, sustentatione vel suspensione diversa conquiescit omnino, vel inclinatur ad certas partes, aut ad talem terminum promovetur; quâ ratione mechanicus illam cogitat & perpendit. Numeros denique alias tractat Arithmeticus, ut ipsorum generales affectiones rimetur; alias Musicus, ut ipsos sonorum exprimendis proportionibus accomodat. Sed hæc sufficiant exempla. Cæterum ista, de qua diximus, abstractio mentalis nedum Mathematicis scientiis propria, sed omnibus scientiis est communis. Omnis enim scientia sui sub-

jecti naturam speculatur, à specialibus sub-
jectis abstractam; præcepta & theorema-

Πᾶς γὰρ λόγος, καὶ
πάντα ὁπσημένη τῇ κα-
θόλου, καὶ ἐστὶν ἐκείνων.
Arist. Metaph. XI. 1.

Arist. Metaph. XI. 3.
Ὁ μαθηματικὸς θεωρεῖ
τὰ ἐξ ἀφαιρέσεως τινὶ
θεωρίαν ποιεῖν. περὶ
λὼν γὰρ πάντα τὰ αἰ-
σθητὰ θεωρεῖ. ὅς τε βάρ-
υς, καὶ σκληρότητα,
καὶ κρυφύτητα, καὶ τὰς ἄλ-
λας αἰσθητὰς ἐναριθμέ-
σεις μόνον ὃ καταλεί-
πει τὸ ποσόν, καὶ συνε-
χὲς καὶ τὰ πᾶσι τὰ
τέτων ἢ ποσὰ ἐστὶ καὶ
συνεχῆ, καὶ ἐκαστὸν ἐπι-
ροῦν πὶ θεωρεῖ. *Sc. Per-*
oprimè.

taque pote generalia format;
genuinas ejus proprietates ab
alienis accidentibus disjungit;
has pensitat, illas dimittit. e. g.
Physice corporis universe sum-
pti constitutiva principia, ma-
teriam & formam, vel simile
quid, exquirat; tum commu-
nes quibuscunque corporibus
affectiones (quantitatem, lo-
cum, motum, quietem, hisque
affines) persequitur; tum dis-
pescit ipsum in proxime subje-
ctas species; harumque pariter
speciales naturas ac proprieta-
tes investigat; de singulis vero
corporibus vel individuis, quæ
vocant, nihil quicquam fatagit;
tum quia numero prorsus infi-
nita sunt, & innumeris invicem
differentiis distincta, tum quia
generatim tradita possunt illis

adaptari. Haud secus Geometria magni-
tudinem (non huic vel illi corpori peculia-
rem; cœli nempe, vel terræ, vel maris mag-
nitudinem, sed) universe acceptam sibi pro-
ponit excutiendam; generales ejus affectio-
nes (divisibilitatem, congruentiam, propor-
tionalitatem, sitûs & positionis diversæ capa-
citatem, mobilitatem, alias quasunque) vena-
tur; quod ei insint, & quomodo declarat;
Tum varias ejus species (lineam, superficiem,
corpus) definit, earumque distinctas proprie-
tates elicit ac demonstrat singillatim; nec
non

non has species in alias dirimit contractiones, istarumque similiter indagat, & probat passionem (idque continuo donec totam sui subjecti propaginem exhauferit, & ad infimas usque species descendendo pertigerit) invenit, inquam, & probat, per universales propositiones, regulas & theoremata legitimo discursu demonstrata: Quæ theoremata utcumque (pro materia natura) magis vel minus generalia sibi subjectis singularibus verè & congruè possunt accommodari. Talis (nec alia, quicquid de illa nonnulli mirifice prædicant) videtur vera abstractio Mathematica, qualis nimirum reliquis omnibus convenit scientiis & disciplinis; abstractio scilicet à specialibus & singularibus subjectis; vel consideratio distincta quarundam rationum magis universalium, aliis non consideratis, & quasi neglectis. At de illâ satis: ad Matheleos divisionem distinctius evolvendam recedamus oportet; quam tamen, ni fallor, tempus admonet ut in sequentem lectionem reservemus.

LECT. II.

Quam, in superiori lectione, de Mathematicarum scientiarum divisione proponere coepimus disquisitionem, nunc exequi conabimur distinctius, aliis placita primo loco, tum quæ nobis videntur, tradituri. Pythagorei (ὅς τὴν μαθημάτων ἀξίαντες πρώτον, ut ait Aristoteles, qui scilicet è *I. Met. 5.*

Græcis omnium primi Mathematicas scientias attigerunt) non nisi quatuor Matheseos partes agnoverunt, puras ac primarias duas Arithmetica ac Geometria; alteras duas mixtas & secundarias; Musicam & Sphæricam (hoc est Astronomiam) cujus divisionis hæc, ex eorum mente, à Proclo requiritur ratio, quod cum duæ sint objecti generalis species multitudo, & magnitudo; dupliciter autem considerari possit utraque; multitudo quidem simpliciter & quatenus in se subsistens, vel respectivè ad sonos, quorum exprimit rationes: Magnitudo autem vel prout consistere potest, vel ut motu circumfertur; hinc emergunt istæ quatuor partes Matheseos. Sed ipsum fortè præstet audire Proclum sic enunciantem: Τοῖς μὲν ἐν Πυθαγορείοις ἐδόκει τετραχὰ διαθεῖν τὴν ὅλην μαθηματικὴν ὁπσημῶς; τὸ μὲν αὐτῆς περὶ τὸ ποσόν, τὸ δὲ περὶ πλῆκον ἀφορίζουσιν, καὶ τῶν ἐκαστὸν διπλὴν πεποιημένοι. Τότε τὸ ποσὸν ἢ καθ' αὐτὸ τὴν ὑπόστασιν ἔχειν, ἢ πρὸς ἄλλο θεωρεῖσθαι καὶ θέσθαι. Καὶ τὸ πλῆκον ἢ ἐσὸς ἢ κινούμενον ἔχειν. Καὶ τὴν μὲν ἀριθμητικὴν τὸ καθ' αὐτὸ ποσὸν θεωρεῖν, καὶ τὴν μουσικὴν τὸ πρὸς ἄλλο. Eodémque respiciens Boethius, initio Arithmetices, *Illam* (inquit) *multitudinem, quæ per se est Arithmetica speculatur integritas, illam verò quæ ad aliquid, Musici modulaminis temperamenta pernoscent.* *Immobilis verò magnitudinis Geometria novitiam polliceatur; mobilis scientiam Astronomica disciplinæ peritia vindicavit.* — Hoc illud quadrivium est, quo ille viandum sit, quibus excellentior animus a nobiscum procreatis sensibus ad intelligentia certiora perducitur. Istà ratione Pytha-

Pythagorei antiquitus Mathematicam dividerunt; ideo, reor, quia nondum ad alias (Opticam, Mechanicam, & reliquas) ap-
pulerant animum; quas nempe posterioris ævi curiosa sedulitas, & ὁ πάντων εὐρητής
Χρῆστος^Θ peperit ac adinvenit. Cæterum
quid impedit quò minùs de hac ipsa Mathe-
matum quadriga τέτρακτυν illam Pythagore-
am ex aureis carminibus tantopere celebra-
tam intelligamus? Præsertim cùm admo-
dum fuitiles absônæque videantur aliæ pleræ-
que quas interpretes commenti sunt, eam
explicandi rationes. Liceat igitur mihi sic
decantatum istum versiculum enucleare: Ναὶ
μὲν ἡμετέρα ψυχὰ παραδόντα τέτρακτυν,
hoc est, Assevero per illum (Pythagoram
scilicet præceptorem nostrum) qui nostræ
animæ tradidit (hoc est, qui nos docuit &
præmonstravit) quaternarium (quatuor dis-
ciplinas Arithmeticam, Geometriam, Musi-
cam, Astronomiam) subjicitur παρὰ δὲ τοῦ
θεοῦ; id est quarum subsidio ad altiores
speculationes (physicas & theologicas) præ-
paramur & disponimur; vel, ex quibus
æternâ veritate præditis scientiis tota rerum
natura dependet & derivatur (nam ex nume-
ris & formis Mathematicis, ceu principiis,
constare cuncta, penes Pythagoreos, nemini
non notum, ex Aristotelis & aliorum testimo-
nio). Sed hæc obiter & vix serió.

Ab ista verò antiquissima divisione Mathe-
seos nil fere distat illa Platonis quinas in par-
tes distributio (in Arithmeticen sc. Geome-
triâ, Stereometriam, Musicam, Astrono-
miam) ad quas etiam Theon Smyrnæus om-
nia apud Platonem Mathesin spectantia rede-
git.

7. de Rep.

git. Hæc, inquam, diviso Platonica non aliter differt à Pythagorea, quam quod in hæc Geometria strictius sumpta solam *ἡμετέραν* (scilicet *τὴν ἀπὸ τῆς μαθηματικῆς*, ut isthic habetur, hoc est de planorum dimensione doctrinam) significet; illic verò latius protensa totam *μετέραν* (metiendi scientiam) denotet, ipsamque adeo stereometriam comprehendat. Quamobrem verò Plato, eruditionis adeo diffusa vir, tam angustos Mathesi limites præstituat, nec alias his disciplinas accenseat, inde factum arbitror, quod aliæ suo tempore necdum inventæ, vel non satis excultæ fuerint, aut saltem nondum in Mathematicum censum relatæ. Nec adeo mirum ab Aristotele plura Mathematica (Opticam scilicet Mechanicam, Geographicam) adnumerari, cum ista studia pauculo post Platonem tempore, viguerint admodum, & immensum brevi progressum fecerint, ipsius præsertim Platonis commendatione excitata. Accedit, quod adscititias istas ipse Aristoteles nunc accenset Mathematicis, nunc illis abjungit, quia nempe medium obtinent locum; nec Physicæ minùs quam Mathematicos sunt participes. Exemplo sit, ubi Opticam dicit Iridis causam reddere *ἢ ἀπὸ τῆς μαθηματικῆς*; vel absolute, vel quatenus Mathematicos. (hoc est Geometriæ) opem adsciscit; Opticam à Geometria districte secernens: Et porro subjicit; *τὸ μὲν ἐν τῇ ἀστρονομίᾳ εἰδέναι, τὸ δὲ διὰ τῆς μαθηματικῆς*; scientias sensibiles, qualis optica, distinguens à Mathematicis. Postea verò latius exporrectam & succedentium temporum diligentiori studio adauctam, fuisseque vehem-

I. Anal.
Post. cap. 3.

Lect. II. *Mathematica.*

39

numeris absolutam Mathesein Geminus (qui circa Pompeii M. ætatem insignis floruit Geometra) aliique ὁμοδοχοι hoc modo distribuebantur, auctore itidem Proclo. Mathematicum alia circa τὰ νοητὰ (res intellectu solo percipiendas) alia circa τὰ αἰσθητὰ, (res sensibus obnoxias) versari censebant; & ad primum quidem genus pertinere duas longe primas & præcipuas partes (τὰ πρῶτα καὶ κυριώτατα μέρη) Mathematicos Arithmeticen, & Geometriam; alteri vero sex partes competere, Geodasiam, Logisticen (id est computatricem vel calculatricem) Opticam, Canonicam (id est Harmonicam, vel Musicam) Mechanicem, & Astrologiam. Hisce terminis includi, ex his veluti membris coagmentari volebant totum corpus Mathematicarum; quæ membra rursus sublecebant in alios minutiores articulos: Geometriam scilicet dissepcentes in Empedometriam, & Stereometriam (Grammometriam forsitan haud male adiecissent): Arithmeticen consimiliter in theorias numerorum linearium, planorum, & solidorum. Geodasiam à Geometria distinxerunt, eò quòd hæc non mente solâ spectabiles, ut illa, sed involutas materiæ figuras, per instrumenta quoque materiata, dimittitur: Ut (Procli exempla sunt) pro copis acervos in acumen assurgentes, pro cylindris puteos; idque per funiculos, amusses, perpendicularia. Logisticen pariter ab Arithmetica secreverunt, utpote quia hæc non abstractos numeros consideret, at rebus ipsos applicet sensum incurrentibus; ut cum dato tempore quot sui circuli partes sydus aliquod peragat; ad pha-

phalangem instruendam quot requirantur milites; quibus impensis ædes extrui possint, exploratur. Opticam porro, Geometria sobolem (radiolas quippe lineas, & visuales angulos ab illa mutuantes) in tres diffidentur furculos. Opticam propriè dictam (adspectivam dixeris haud inconcinne) quæ directu obtutu adspectabilium rationes evolvit (ut quamobrem longius excurrentes parallelæ lineæ coincidere videantur, & cur quadratum è longinquo spectatum circuli speciem ostendet): Catoptricam, quæ ex radiis ab opaco corpore reperluctis, vel in diversi pellucidi mediū transitu detortis resultantes apparentias scrutatur (Catoptricam nempe latius accipiunt, ut eam quoque, quæ nunc dicitur communiter, Dioptricam comprehendat, aliud quiddam Dioptricæ vocabulo designantes, ut mox videbimus): Et, Scio-graphicam (Perspectivam hodie, & Scenographiam, nec non Projecturam, & Projectionum artem appellitant) quæ ab aspectabili quovis emissorum radiorum quolibet objectâ superficie intercepta vestigia delineans, ejus figuram, positionem, distantiam, & reliquas circumstantias congruè concinnèque representat. Canonicam proximè (hoc est Harmonicam vel Musicam) puncparunt illam disciplinam, quæ conceptuum apparentes rationes dijudicat, & canonis (hoc est regulæ sonoræ) sectione dimetitur, aurium etiam adscito suffragio. Mechanicæ verò, molis corporeæ pondus, & potentiam motivam perpendenti, varias species subjecerunt: *Ὀργανοποιτικὴν*, quæ instrumentorum, præsertim militarium, fabricam ac usum com-

commonstrat: *Θαυμαστοποιητικῶν*, quæ spiri-
rituum impetu, vel ponderum nisu, vel ten-
sione nervorum (animales subinde motus
æmulantium) multa patrat admiranda (ad
quam proinde referuntur Pneumaticæ, Isor-
mopice, Centrobaryce, Automatopoëtice)
& *Σφαιροποιία*, confectio Sphæræ materia-
lis cælestes circuitus exhibentis. Astrolo-
giam denique, quæ mundani Systematis ordi-
nem, cælestiumque corporum motus, figuras,
magnitudines, distantias, influxus contem-
platur, partiti sunt in Gnomonicam, gno-
monum umbris horaria spatia discernentem;
Meteoroscopica, elevationum differentias,
astrorum intercapedines, & his cognata pro-
blemata discutientem; Dioptricamque quæ
per dioptras (hoc est instrumenta quædam
visuales radios trajicientia, & dirigentia)
syderum apparentes magnitudines, & inter-
valla rimatur. Tacticam verò (id est aciem
bellicam ritè disponendi facultatem) consultò
rejecerunt, & abjudicârunt Mathematicis
disciplinis, etsi Logislices ac Geodæsiæ bene-
ficio legiones supputet, & castra metetur;
sicut nec (arguunt) historicus idcirco Mathe-
maticus est, quia regionum climata refert,
aut urbium ambitum edisserit. Ejusmodi Ge-
minus (aliis adstipulantibus coætaneis)
Mathematicum instituit partitionem, Pytha-
goræam quidem & Platonicam aliquanto uberio-
rem, & talem utcumque, quæ præcipuas ex-
hibeat, & complectatur partes, Mathema-
ticarum nomine vulgò donatas; meâ tamen
sententiâ non probam satis, aut accuratam.
Nam imprimis fundamento nititur ista divi-
sio perquam infirmo, lubricoque; Mathema-
ticam

*Arist. Met.
Lib. II. c. 3.*

ο ὅτι τῶν
καθόλου
(ἀποδεί-
ξις) ἔχον,
οἷδε καὶ τὸ
χρὶ μερ
*Anal. Post.
Lib. I. c. 24.*

ticam scilicet vel circa res intelligibiles, vel circa sensibiles versari, cum revera nullum obiectum ipsius non simul intelligibile sit, & sensibile, diverso respectu; intelligibile quidem, quatenus universalem ipsius ideam mens apprehendere potest & intueri; sensibile verò, quatenus inest & convenit singulis subjectis sensum incurrentibus (quis enim non singulas quasque corporum dimensiones oculo perlustrat, attrectat manu?) Nulla verò ratio est, quamobrem generalium doctrina separetur à consideratione singularium, cum hanc illa penitus includat, & ex primaria intentione respiciat. Cur alia v. g. scientia sphaeram intelligibilem tractet, alia sensibilem? Cum hæc re ipsa prorsus eadem sint, & quoad actum mentis subordinatæ; nec intelligibili (hoc est universaliter intellectæ) sphaeræ quicquam tribui possit, quod sensibili (hoc est singulari cuivis) potissimum jure non accommodari possit, & congruat perfectissimè. Unde Geodesiam & Geometria, Logisticen ab Arithmetica perperam disjungi liquet. Verum stante isto fundamento, saltem accurata non erit, sed manca prorsus & imperfecta reperietur illa partitio; siquidem rerum sensibilibus, quibus applicari possint numerus & magnitudo, multo diffusior est copia, quam ut limitibus istis circumscribantur; unde vel admissa ista hypothesi longè latèque potentior evadet Mathematicæ campus; id quod statim clariùs apparebit. Sed de Geminiana partitione satis; quam tamen plerique ferme recentiorum amplectuntur, nisi quòd plures Geodesiam ac Logisticen hinc exterminant; nomi-

nominatim Blancanus in libello de natura Mathematicarum scientiarum; Petrus He- rigonus in antecedentis ad cursum suum; Guldinus in Prolegomenis ad Centrobary- ca, Mathematicarum divisionem prosequentibus. Duas nimirum puras & primas constituunt partes Matheseos, Geometriam & Arithme- ticam; quatuor mittas & subalternas gene- rationes, Opticam Mechanicam, Musicam, Astronomiam; quas itidem variis modis in plures subdividunt contractiones particulas. Succurrunt & alie, à recentioribus exco- gitatæ harum disciplinarum partitiones, ple- niores alie & accuratiores, alie graciliores dilutioresque; quarum sanè vel inire nume- rum (nedum omnes exquisitè persequere) difficile sit, nec admodum utile, cum ut pluri- mum multiplex ista sectio rerum & subsectio præcisior in partes minutissimas, confusio- nem potius inducat, quàm amoveat (*τὴν γὰρ αὐτὴν περὶ τῆς ἀριθμητικῆς καὶ γεωμετρικῆς διαιρέσεως οὐκ ἔστιν ὡς ἐν τῇ φύσει τῆς ἀριθμητικῆς καὶ γεωμετρικῆς*) præsertim cum earum pleræque omnes iisdem obnoxie sint argu- mentis, quibus ostensum est prædictam Ge- mini divisionem impugnari. Quare præ- termittis istis, rem consulemus ipsam, & no- stri quid sit iudicii aperiemus.

* Pag. 21.

Ego sic existimo: Primò, non aliam re ipsa quantitatem existere diversam ab illa, quæ magnitudo dicitur, vel quantitas continua; hanc proinde solam Matheseos objectum me- rito reputari, cuius illa generales imprimis proprietates, tum species proximas, & his congruas passionis inquirat & demonstrat. Hoc jam supposito (postea rursus compro- bando)

bando) quod mixtas attinet, quas appellant Mathematicas, pro naturalis scientiæ partibus omnino habendas censeo; & totidem esse quot ipsa Physice partes agnoscit (nisi quod plures fortè sint, si merè *continuas* quales Pictura, Sculptura, Statuaria, Architectura, hisque affines artes à Physica discerptæ his adjungantur.) Nec enim hæ mixtæ Scientiæ aliâ ratione Mathematicæ dicuntur, quàm idcirco quod consideratio quantitatis ipsis intervenit; & quod in Geometria demonstratas (vel propriè demonstrandas) conclusiones adiscunt & applicant suæ particulari materiæ, quâ ratione nulla pars est naturalis Scientiæ, quæ Mathematicæ titulum sibi non queat arrogare; cum planè nulla sit, à qua consideratio quantitatis penitus excludatur, adeoque cui non liceat lucis aliquid aut firmamenti de Geometria mutuari. Est enim magnitudo communis affectio rerum Physicarum, corporum naturæ penitus illigata, corporeis omnibus accidentibus permixta, & quasi substrata, nec non in effectuum quorumcunque naturalium productione primas ferè partes ferens. Suas quæque corpora figuras obtinent, suas obeunt locales motiones, quarum interventu si minùs omnes, plurimi saltem & potissimi (& quicunque ferè philosophicam explicationem admittunt) effectus peraguntur, quibus determinandis & inter se conferendis Geometrica subinde theorematà deservire possunt & conducere. Quid si calculum hoc ritu ponimus, & Mathematicam nuncupamus quamcunque doctrinam, Geometriæ adminiculo vel egentem, vel utcunque utentem, eateus ipsa Medi-

Medicina Mathematicæ pars erit, quia sicuti notat Aristoteles, ἐν τῇ ἰατρικῇ τῇ ἀρχῇ ἡ γεωμετρία ἐφαρμόζεται ὡς ἐπὶ τῆς ἰατρικῆς ἐπιστήμης, ὅθεν ἡ γεωμετρία h. e. ex Geometria causam desumit medicam, cur orbicularia vulnera, utpote capaciora aliis, difficiliora sanentur; & quod propterea filio suo præcipiat Hippocrates, quo osium situm, luxationes, contritiones, exemptiones accuratius perspiciat, ut Geometriæ incumbat. Politicæ quoque pari ratione Mathematicis adscribetur, quod in ornamentum pacis, & salutem in bello protegendam Geometriæ deposcat auxilium; ad ædes nempe publicas eleganter extruendas, urbes validè muniendas, aquas commodè derivandas; nec non ad militiæ munia quævis rectè obeunda, castra locanda, aciem ordinandam, machinas excogitandas, & usui adhibendas, unde Plato: Ἡδὲ τὸ τὰς στρατοπέδους, καὶ καταλήψεις, χαρίων, καὶ συναγωγῶν, καὶ ἐκπαιδείας στρατιῶν, καὶ ἑστῶν ὅλλα ἀνημάρτυροι τὰ στρατόπεδα ἐν αὐταῖς τε ταῖς μέγαις, καὶ πορείαις, διαφίξεις αὐτὰς ἐκ τῆς γεωμετρικῆς τε καὶ μὴ αὐτῆς, h. e. Latine: Ad castrorum metationes, & occupationes locorum opportinorum, & ad acies denso ordine struendas, aut longius exporrigendas, ceterasque id generis figuras representandas, quibus disponi debent exercitus in pugnis vel in itinere, peritum sane distat, utrum quis peritus sit, an imprudens Geometria. Unde saltem Tactice, & Poliorceticæ, nec non Architectura quælibet adnumerari debeant Mathematicis. Sed ut redeamus ad Physicam, hujus nullam esse partem dico, cui non implicatur quantitas, non applicari possunt theoremata Geome-

I. Anal.
Post. c. 13.

7. de Rep.

trica; & quæ consequenter non aliquo modo subalternetur Geometria; nec ipsam quæ remotissima videtur, Zoologiam excepero. Quid enim? an non in corporeæ machine compage perscrutanda certa membrorum figura, apta præportio, debita positio veniunt consideranda? non animalium gressus, velatus, natatus, corpora sua cum promovendum sustentandi, librandique ratio Geometricas ad leges, exigi expendique possunt? Neque non aliam quamvis naturæ partem talia multa se objecerint examinanti. Haud diffiteor aliquas esse præ aliis partes Physicæ, quarum negotiis seipsam quantitas frequentius intermiscet, & quæ proinde Geometria subsidium vehementius efflagitent; ut nimirum illa, quæ de cælestibus agit corporibus, quoniam ob nimiam à nobis distantiam præter ipsorum apparentes figuras, magnitudines, intervalla, progressus, & periodos motuum nil fere quicquam de illis planè compertum habere possumus; quo fit ut universè fermè scientia syderum videatur Mathematica; quoniam omnis, quam de illis assequi valeamus, cognitio quantitatem respicit, ad inde dependet. Hinc Astronomia cum suis partibus, Systematica, (quæ principalem corporum mundanorum dispositionem, & situs inter se comparatos indagat) Sphærica (quæ communem omnibus cælestibus apparentem motum diurnum, ejusque conjuncta & accidentia persequitur) Theorica (quæ singulorum planetarum motus & passionibus inde præcedentes contemplatur); Quibus subiaci possunt ex his deductæ & dependentes Chronologia (vel ejus saltem pan

pars *nocturna*) quæ ex ſyderum periodicis
curſibus temporum intervalla riſe diſpescit
ac digerit: Gnomonica, quæ ex opacorum
corporum umbris diurnæ revolutionis parti-
culas diſcernit, nec non ipſorum lucidorum
altitudines, & declinationes rimatur. Co-
metologia quoque, de quæ novis ſtellis extra
ordinem aliquando comparentibus agens do-
ctrina huc referantur. Quinetiam, cur di-
verſorum locorum incolis ſyderum lux quoad
moram temporis, aut ſpeciem ſuam, aut
ſitum differenter obveniat, quia telluris for-
ma Sphærica prorsus in cauſa eſſe deprehen-
ditur, ideo Geographia quoque Mathematicis
acceſſetur; utpote cui bene conſtituenda,
intelligendaque Geometricæ de ſphæra con-
cluſiones omnino neceſſariæ ſunt. Liſdemque
pari ratione Nautice (vel ars navigandi)
uttextitur, quæ ſc. ex angulis cum Meridiano
factis navis iter dirigit; & e celeſtibus pha-
nomenis ejus, in vultu pelago locum & diem
tempus determinat. Porro, quoniam ani-
malis viſio per radios à quovis objecti (lu-
centis aut illuſtrati) puncto designabili, re-
ſtarum ad inſtar linearum verſus oculi pun-
ctum aliquod ubicunque collatum progredi-
entes effici concipitur, & proinde quæ de
rectis lineis (& figuris per illas conſtitutis
ſeu comprehenſis) demonſtrat Geometria,
radiis iſtis poſſunt adaptari; inde in Matho-
maticum cenſum Optice redigitur, cum ſuis
partibus, Optica propriè dicta (quæ directæ
viſionis accidentia perluſtrat) Catoptrica
(quæ ex radiis ab opaco corpore reflexis pro-
venientes apparentias ſpeculatur) Dioptrica,
(quæ radiationis à diverſo medio infractæ

consequentias elicit.) Quibus adnectuntur ad visum spectantes artes *mnem* Perspectiva, quæ visibilibus objectorum in tabula quavis (præsertim planâ) speciem congruè concinnèque representandi methodum edocet; Graphice, vel Pictura Perspectivæ colorem & umbram adjiciens; Sculptura, Cælatura, Statuaria, aliæque cognatæ. Quod si perinde comperta foret undulationis aeris figura, quâ sonus efficitur, & audiendi sensus impellitur, inde nova proculdubio pars emergeret Matheseos, Acoustices nomine celebranda. Maptice quoque, & Geustice, & Osphrantice pari jure mererentur in hunc ordinem cooptari; si cujusmodi motibus peraguntur istæ sensationes conjecturâ subodorari possent philosophantes. Saltem quod auditum attinet, quoniam ex chordæ sonoræ certâ sectione, vel ex duarum pariter tensarum longitudine juxta certam proportionem differente, si plectro feriatur utraque, sonorum productorum reperitur secundum gradum acuminis & gravitatis habitudo determinata chordarum proportioni mislice respondens, & proinde numeris (vel saltem rectis lineis) explicabilis, hinc exoritur pars Mathematicæ, quæ Musica vel Harmonice, vel etiam Canonice dicitur, Arithmeticæ (sicuti loqui amant) subalterna, rectius fortassis Geometrix subordinanda. Adhæc, cum vis indita plerisque magnitudine sensibili præditis corporibus versus terram directè progrediendi, quæ pondus dicitur, ex quacunque proveniat efficiente causa, de facto limitetur & gradus suos sortiatur ex conspirantibus inter se partim mole propriâ, partim situ partium spæ-

rum,

rum, partim diſtantiâ ab immobili centro
motûs ſui, circa quod rotantur: Et conſimili
ratione cum potentia corporibus illis ponde-
roſis reſiſtendi, illa ſuſtinendi, vel elevandi,
vel utcunque loco dimovendi determinetur
& dependeat ab iſdem cauſis; hinc diſciplinæ
de quiete vel motu ponderum illorum ſeu ab-
ſolutè, ſeu comparatè (h. e. quatenus ſibi
mutuò contranitantur) conſideratorum (Sta-
tice ſc. & Mechanice, iſſique ſubjectæ vel an-
nexæ Centrobaryce, Iſorrhopice & conſimi-
les) Mathematicis adſcribuntur; utpote quæ
ad iſtas magnitudines dimetiendas, poſitiones
determinandas, diſtantias exquirendas Geo-
metriæ ſubſidium implorent. Quo referri
poſeſt ars *ἀντιστατική*, organorum
nempe non ab extrinſeco impulſu, ſed ex in-
nexa gravitate, vel elãſtica virtute mobilium
conſectio, & conſideratio. Imò, quoniam
univerſè motio localis tum quoad duratio-
nem, tum quoad impetum, & intenſionem;
itémq; quoad directionem, & quoad omni-
modas ipſius differentias haud aliter æſtimari
poſeſt in ſe, vel cum altera motione compa-
rari, niſi ex ſpatiis, hoc eſt ex lineis rectis
aut circularibus, quas deſcribere vel pertran-
ſire poſſit, ideò pleræque partes phyſicæ,
iſſique agnatæ artes, in quibus motus localis
partes obtinet præcipuas, inter Mathemati-
cas cenſentur; quatenus linearum (vel ſpa-
tiorum) adhibent dimensionem, Geo metriæ
appropriatam; unde Mathematicis accreſcit
ſcientiarum ſecunda ſeges. Hinc enim de
motu naturaliter deſcendentium doctrina,
quæ ſc. illa proportionè accelerantur; de
motu projectorum, qui ex naturali & violen-

to componitur, quam lineam curvam describunt; de jactu telorum, & missilium tormentis exploforum impulsu, quas vires habeant, & quomodo disponendæ sunt iis inservientes machinæ, destinatum ut scopum feriant validissime, certissimeque item de aquis per aëris, vel spiritus impetum (compressione, rarefactione, attractione, evacuatione, vel quacunque causa) conceptum in sublime evehendis: Quæ, inquam, de his rebus & similibus dispi-
ciunt. scientiæ particulares Mathematicarum amplificat numerum: (quales Belopoëtice, Balistica, Pneumaticæ, Hydraulicæ; hisque affinitate conjunctæ.)

E quibus autumo satis liquidò constare (quod mihi propositum fuerat ostendere) Mathematicam, habitam dictamque vulgo, ipsi Physicæ quasi coextendi & adæquare. Nec non simul indicavi (velut obiter, ut datæ opera) quo suo merito qualibet scientia particularis ad Mathematicam dignitatem titulumque adspiret; & qua ratione Matheseos ambitus eousque excreverit, ut jam (quod de Romana Rep. dictum olim) magnitudine laboret sui. Quinimò jam effectum, ut in vulgi errorem etiam docti consensisse videantur; atque ut quicquid ut-
cunque diagrammate possit exprimi, veluti-
que ad sensum imagine proposita adumbrari, id ad Mathesin, ipso facto, censeatur pertinere. At revera mixtæ illæ vel concretæ scientiæ Mathematicæ, quas vocant, unius Geometriæ totidem potius exempla sunt, quam tot partes ipsius Matheseos: Quippe quam post exutas particulares circumstantias, admissasque suas hypotheses fun-
damentales

damentales & præcipuas. (ſeu probabili ratione nixas, ſeu gratis aſſumptas) evadunt purè Geometricæ. v. g. Poſito ſtellam (hoc eſt punctum aliquod caeleſte) in cœlo (h. e. in ſpatio indefinite quanto) per lineam rectam, circularem, ellipticam, vel aliam quamvis, deferri motu reſpectu puncti alicujus determinati uniformi, vel apparenter æquali, in certò tempore (h. e. cum certa velocitate per numerorum aut linearum rectarum proportionem determinabili) his, inquam, poſitis, qui conſequitur omnis diſcurſus in Aſtronomia uſurpatus evadit purè Geometricus. Quòque ſimpliciores, & evidentius poſſibiles ſunt adſumptæ hypotheſes, eò artes iſtæ ad Geometriam propius accedunt: Unde è. g. pars illa mechanicæ, quæ agit de centro gravitatis; & pars Opticæ, quæ vulgò dicitur Perſpectiva, inter Geometriæ partes haud malè numerentur; quia nil fere poſcunt non conſeſſum & comprobatum in Geometria; nec aliis utuntur quàm Geometricis aut principiis aut ratiociniis. Verùm de his ſatis pro præſenti inſtituto. At miretur fortè quiſpiam cum Matheseos partes omnino cunctas (aut certè præcipuas) recensere ſtuderim, quamobrem de Algebra, quam vocant, vel Analytica facultate plane conticuerim. Reſpondeo non temere factum. Quia nimirum Analyſis (eatenus intellecta, quatenus à Geometriæ vel Arithmeticæ pronuntiatis & regulis diſtincti quid innuit) non magis ad Mathematicam, quàm ad Phyſicam, aut Ethicam, aut aliam quamvis ſcientiam videtur ſpectare. Eſt enim duntaxat pars quædam aut ſpecies Logicæ, ſeu modus qui-

dam utendi ratione circa quæstionum solutionem, inventionemque vel probationem conclusionum, qualis in aliis omnibus scientiis exercetur haud raro. Quare non est pars, aut species, sed instrumentum potius Mathematicæ subministrans; ut neque Synthesis, quæ modus est theorematum demonstrandi analysi contradistinctus, inversusque. Sed de his posthac differemus luculentius, cum de modis inveniendi, ac demonstrandi Mathematicis agemus de industria. Suppar causa præstitit, ut Logisticen quoque consultò præterirem; nec inter partes Mathematicos computarem; quia scilicet hæc nullum habet distinctum, & sibi proprium objectum, sed artificium solummodo quoddam tradat, in Geometria (vel Arithmetica) fundatum, quæ magnitudines & numeros certis notis, vel symbolis designandi, quæ summas ipsorum & differentias colligendi ac comparandi. Unde minimè constituit partem aliquam Mathematicos a Geometria, vel Arithmetica distinctam, sed in ipsis omnino continetur. At graviolem mihi dicam intendi posse sentio, propter ipsam Arithmeticam (hactenus scientiarum habitam ferè potissimam) è mathematicis quasi finibus eliminatam; saltem omnino prætermittam; fecisse non infior, at quo jure, quoniam jam opportuni non licet, proximà in lectione disceptabo.

L E C T. III.

L Ectione præcedente, cùm de Mathe-
maticarum ſcientiarum partitione diſ-
quirerem, quãdantenus aſtruxi Matheſin
omnem Geometriæ terminis contineri & cir-
cumſcribi. Et quidem de reliquis tum me-
moratis neminem arbitror vehementer re-
pugnaturum, quin ad Geometriam illæ ſatis
commodè reducantur. Ipſam verò Arith-
meticam quod è Mathematicum cenſu diſpun-
xerim, & nobiliſſimam ſcientiam ſuo, quem
tot ſecula poſſedit, gradu quaſi deiecerim,
nunc difficilius incumbit mihi provincia cau-
ſas obtendendi probabiles, atque idoneas.
Quancquã obtectari poſſunt me neutiquam
id agere, numerorum ut ſcientiam, ſanè pul-
chram & perutilem, è Matheſi tollam peni-
tus, aut ſecludam. Abſit. Ipſam verò po-
tius ut ſede propriâ dimotam legitimum in
locum reponam, nativæque Geometriæ, à qua
divulſa eſt, ſtirpi rurfus inferam & coadunem.
Quinimò ne tam illuſtri verendæque refrag-
arer auctoritati, adeoque immane vobis
paradoxum obtruderem, religio mihi foret,
niſi cùm ſuſceptæ cauſæ conſiderem admo-
dum, tum magnopere putarem ex re futu-
rum ipſius Matheſeos, ut Arithmetice Geo-
metriæ nedum naturâ ſimilis & affinis (vel
ſoror ejus, juxta vetuſtiſſimi illius Philoſo-
phi Pythagorei Archytæ Tarentini eſſatum,
Ταῦτα τὸ μαθηματικὸν δοξῶντι ἑμμελὲς ἀδελ-
φόν)

*Apud Ni-
comachum
I. Arith.*

quæ) sed intimius conjuncta, imò planè eadem, prorsus indistincta habeatur. Etenim evicto numerum (illum saltem quem Mathematicus contemplatur) à quantitate, quam vocant, continua nil quicquam rèverà differre, sed ei tantum exprimendæ declarandæque consistum esse, nec Arithmeticam proinde ac Geometriam circa diversam materiam versari, sed communes uni subjecto proprietates utramque pari quasi passu demonstrare, plurima liquebit inde maximæque in rem Mathematicos publicam commoda derivari. Eo quippe

I.

primùm perspicietur nullum Geometrix vel axioma generale, vel specialem conclusionem (quæ scilicet magnitudines respiciant non absolute sumptas at collatas inter se juxta certas æqualitatis vel inæqualitatis proportionales, hoc est ut mensuris designabiles, & comparabiles inter se) non etiam Arithmeticæ simili ratione convenire: Et vicissim nihil de numeris affirmari, discursu colligi, vel demonstrari posse, quod magnitudinibus non pariter accommodetur & congruat unde cùm affulsura sit eximia lux utrique scientiæ, tum ingens provenient compendium, sublata nempe causâ theorematum suapte naturâ prorsus eadem supervacaneè repetendi, plûsque unâ vice demonstrandi; nec non eadem problemata sæpius ac diversimodè solvendi; quam ad rem innumera produci possent instantiæ, & tota proportionum doctrina luculento sit exemplo simul & argumento. Quinetiam, hac admissa numerorum & magnitudinum coalitione, locuples utrique disciplinæ succrescet accessio, lautum accedet incrementum. Etenim permulta, Geometriæ beneficio

II.

ſcio & ſubſidio; circa numeros theorematum
reperire faciliſimum erit ac demonſtrare, alio-
quin intra vulgares Arithmetice limites
ſiſtendo vix aut nē vix perveſtigabilia, vel
demonſtrabilia; per multa quoque brevius
& clariuſ hinc inveniri poterunt & demon-
ſtrari. Ac reciproce numerorum perſpectæ
rationes multa Geometriæ theorematum com-
municabunt perſpicuè explicata, validèque
confirmata. Exemplo rem illuſtrabimus uno
vel altero. Quod ſumma vel ſeries infinita
(ſeu indefinita) numerorum à nihilo creſcen-
tium ad certum maximum terminum, juxta
rationem radicū quadraticarum numero-
rum ſe paſſiter unitate continuè exceden-
tium (hoc eſt, ſe habentium ut 0, 1, $\sqrt{2}$,
 $\sqrt{3}$, $\sqrt{4}$, &c. ad infinitum) ſubſeſqui-
altera ſit ſummæ totidem æqualium diſto
maximo termino; eſt arithmeticum theo-
rema, ſed quod in ipſa arithmetica, nullā
opinor ratione poterit exactè demonſtrari;
verū ex Geometria perſpicuè deducitur.
Nam ſi diameter parabolæ cujuſvis in partes
æquales diviſa concipiatur indefinite multas,
quæ per puncta diviſionum ad diametrum
ordinatim applicantur rectæ lineæ (vel pa-
rallelogramma æquè alta illis inſiſtentia) iſtā
ratione progredientur, ſicut oſtenditur in
Geometria; ex iſtis verò, ſeu rectis, ſeu pa-
rallelogrammis, conſtata parabola etiam ibi,
dem ſubſeſquialtera demonſtratur parallelo-
grammi ſuper eandem baſin & æquealti; hoc
eſt ſummæ compoſitæ ex totidem rectis vel
parallelogrammis æqualibus maximæ rectæ,
vel maximo parallelogrammo: Unde, ſup-
poſito quem aſtruere cupimus Arithmetice
cum

cum Geometria consensu, satis clare sequitur ejusmodi seriem numericam subsequi alteram esse summæ totidem æqualium maximo termino. Sed facilius, nec admodum dissimile, proponemus exemplum. Series, vel summa numerorum ab unitate (inclusive) decrescantium ad infinitum vel usque ad nihilum, in ratione tripla continuò (hoc est ut 1, $\frac{2}{3}$, $\frac{4}{9}$, $\frac{8}{27}$, &c.) se habet ad unitatem ut 3 ad 2, vel, eadem series, exclusâ unitate,

* Sic;

$$Z - 0 : Z - a :: a : c.$$

$$Zc = Za - ad.$$

$$aa = Za - Zc.$$

$$\frac{aa}{ac} = Z.$$

æquatur semissi unitatis. Hoc theorema (quod facilitatis & perspicuitatis causa in certa ratione, tripli sc. proposui) etsi demonstrari possit * universaliter; multo tamen clarius opinor, & expeditius,

pulchrius saltem & elegantius, adhibendo quantitatem continuam sic ostendetur.

A

E

F

G

H

Æ

Z

Mobile punctum A ponatur ferri per rectam A Z uniformi motu; & punctum E, per eandem rectam decurrat etiam uniformi motu, sed velocitate subtripla velocitatis, quæ fertur mobile A. Ergo quo tempore mobile A percurrit rectam A E, eo tempore mobile E percurreret ipsius A E tertiam partem, puta E F. Item quo tempore prius mobile percurreret rectam E F, eodem postterius percurreret ipsius E F tertiam partem, puta F G; & sic continuò in infinitum, donec mobile A assequatur ipsum E in puncto Æ. Posito jam quòd A E sit unitas. erit E F, $\frac{1}{3}$; & F G, $\frac{1}{9}$; & G H, $\frac{1}{27}$; & sic porro ad infinitum juxta pro-

propositam hypothefin; liquet verò, quoniam mobile A triplo velocius ponitur mobili E, quod recta A E decursa ab A tripla fit rectæ E A eodẽm tempore decursa ab E. Ergo E A se habet ad A E, hoc est series decrescens, exclusa unitate, ad unitatẽ, ut 1 ad 2: Et A E se habet ad A E, hoc est series decrescens inclusa unitate ad unitatẽ, ut 3 ad 2. Quod erat demonstrandum. [Generaliter verò conceptum hoc theorema tale fuerit, Series numerorum ab unitate, inclusive, continuo decrescantium infinite, seu ad nihilum, in quavis proportionẽ, se habebit ad unitatẽ, ut antecedens (vel major terminus) proportionis ad excessum antecedentis supra consequentẽ. Vel, eadem series, exclusa unitate, se habebit ad unitatẽ, ut consequens (vel minor terminus) proportionis ad excessum antecedentis supra consequentẽ. Nam supposito precedente discursu, quodque ratio data sit quæ inter R, & S; & quod, ut isthic, A E sit unitas, quoniam A E . E A :: R . S. erit dividendo A E . E A :: R - S . S. hoc est, unitas ad propositam seriem, ut excessus terminorum proportionis ad minorem terminum: Et rursum, ob A E . E A :: R . S. erit per rationis conversionem, A E . A E :: R . R - S; hoc est, proposita series, inclusa unitate, ad unitatẽ ut major terminus proportionis ad excessum ejus supra minorem.] Ad quod facile deduci possunt ex consideratione Geometricæ Arithmeticæ conclusiones, alioquin ex se satis intricata, & investigatu difficilẽs. Alterius sic Altera poscit opem res, & conspirat amice. Aliud porro commodum ex hac emer-

*dignoscitur autem quantum, quod quantum, vel
unus, vel numero.* Itaque si Geometria
nomine suo numerum involvit, quidni debeat
ipsum reverà continere? Accedit quod *re
modo*, quo sc. unico vocabulo designari solet
universale Matheseos objectum, peculiarem
respectum includit ad numerum, quod indicio
sit magnitudinis & numeri conceptus vix
mente posse disjungi, cum nec nomine potue-
rint separari. Verum liquidius apparebit
hoc ex natura numeri paulò diligentius ex-
cussa perpenſaque. Quocirca 1. Adverto,
quòd nullus omnino numerus ex se quidquam
distinctè significet, cuius determinato subje-
cto conveniat, ullam rem certo denominet.
Benim unusquisque numerus quodvis unum
quantum a quo jure denotet & denominet:
Ac quilibet unus numerus omni quanto pari-
ter attribui potest; ut v. g. linea quævis A
possit indifferenter appellari unitas, duo, vel
tres, vel quatuor, vel alterius cujusvis numeri
cognomentum adſciscere (vel si majoris sim-
plex, duplex, triplex, vel quomodocunque
multiplex dici poterit) quatenus indivisa
manere, bisecari, trisecari, quadrise-
cari, vel alio quovis modo secari potest (aut ex
quolibet partibus aggregari, seu componi)
et pari modo quovis idem numerus, ut 5, po-
test attribui quibuscunque quantis A, B, C,
& aliis infinitis, quatenus illa constare pos-
sunt ex 5 partibus. Unde patet numerum
quemvis haud quicquam designare certi, vel
absoluti, sed utranque pro arbitrio aptum
natum esse cuiusvis quanto designando. 2. Ob-
servo, Prout singuli numeri seorsim & abso-
lutè spectati nihil certi significant, ità duos
(vel

1.

2.

(vel plures) numeros inter se collatos nullam ex se determinatam habitudinem, seu proportionem sortiri, aut indicare. Ternarius ex. gr. ad binarium nec ex se sesquialteram, nec ullam aliam certam proportionem indigitat. Sit enim linea A tripalmaris; ex quo A vocetur tres, hoc est tres palmi; & linea B bipedalis; unde B nuncupetur duo, hoc est duo pedes; liquet illum ternarium ad hunc binarium non habere proportionem sesquialteram (nec enim ternarius palmarum ad binarium pedum se habet ut 3 ad 2) multo minus aliam quamvis his numeris expressam, licet habeat aliunde. Imò patet binarium istum, quo linea bipalmaris denominatur, illi binario, quo bipedalis effertur linea, neutiquam exæquari. Similiter 3. Adnoto, Numeros ex se nec invicem addi posse, nec subtrahi, vel ut summam aliquam component, vel ut excessum, seu differentiam demonstrant. Ut in exemplo præcedenti ternarius ille lineam exprimens tripalmarem binario lineam bipedalem representanti, nec adjici potest ut constituatur summa 5 seu palmorum seu pedum, seu cujuscunque alterius mensuræ, ex istorum numerorum significatione notificatur. Nec si subducatur ex illo ternario binarius hic, emerget quævis explicita differentia, vel excessus dignoscibilis. Pariterque si tres anguli quatuor rectis lineis adjungantur, nulla summa constabitur: Aut, si ternarius equorum ex angelorum quinario detrahatur, nulla resultabit differentia. Unde provenit igitur (dices) numerorum certos ad usus determinatio? Quod ipsi definitam innuant rationem, quod sibi met addi soleant

& subduci? Respondeo, quòd hæc numeris subinde convenient, ex rerum quibus attribuantur conditione suboriri. Nempe si res quibus ipsi denotandis inserviunt, homogeneæ sint & cognomines, & propterea comparatæ mutuam inter se proportionem habeant, adeoque possit una alterius adjectione augeri, vel abstractione diminui, tum ipsas denominantibus numeris sua impertiunt attributa, easdem proportionem, similia incrementa vel decrementa. Ut quoniam linea bipedalis cum linea tripedali congenerem naturam, idemque nomen obtinet, idè binarius, quo denominatur & significatur illa, ad ternarium quo denominatur hæc, certam inluit proportionem subsesquialteram; eandem scilicet quam habent ipsæ lineæ, quas denominant; atque idcirco binarius ille huic appositus ternario quinarium efficit (quinos nempe pedes) & ille subtractus ab hoc relinquit unitatem, pro excessu vel differentia. Eademque fermè ratione, quæcunque numeris apud Arithmeticos convenire probantur attributæ, numeris illa non tam abstractis & ex se, quàm concretis, & propter rerum, quibus attribuantur, conditionem convenient. Quòd igitur quidam apud nos doctissimus, & merito suo celeberrimus Mathematicus Geometriam asserit Arithmeticæ quasi subordinatam, & Arithmetices universalis effata rebus suis applicare; item res Arithmeticas altiores esse, magisque abstractæ naturæ, quàm Geometricas, hæc potissimum ratione fretus; *Quoniam, inquit, non eo quòd linea bipedalis addita bipedali facti quadrupedalem, idè duo & duo faciunt quatuor, sed potius quia hoc, ergo illud: Respondeo, & rehero;*

*D. Wallis
Arithm.
pag. 69.*

¶

Quòd

Quòd linea bipedalis addita lineæ bipalmari non conficiat lineam vel quadrupedalem, vel quadripalmarem, vel utcumque quaternario denominatam, unde evenit, si abstractè, hoc est universaliter & absolutè, verum sit $2 + 2$ conficere quatuor? Dices; quia numeri isti non applicantur eidem materiæ vel mensuræ: Atqui hoc ipsum volui, ac inde deduco non ex abstracta numerorum ratione $2 + 2$ facere quatuor, at ex conditione materiæ cui applicantur; hoc est quia magnitudo quælibet binarii nomine donata magnitudini adjuncta cognomini pariter à binario denominatæ magnitudinem efficit à quaternario denominabilem: Nec certè fingi potest quidvis absurdius, quàm magnitudinum proportionem inter se à numerorum quibus exprimi possunt habitudine dependere. Quanquam alioqui quòd $2 + 2$ faciant 4, cum isti numeri homogeneis mensuris applicantur, non tam scientiæ cuius Arithmetici debetur, quàm ipsorum vocabulorum significationi communi usu stabilitæ, per quam sc. 4, seu voce notatus, seu caractere notatus idem signat quod bis duo. Sicuti revera totum illud Arithmetici vulgaris artificium, quodcumque est, non aliunde deducitur, aut aliter demonstratur; quis enim aliter inferat aut probet, quòd $3 + 5$ exæquent 8; vel $8 - 3$ relinquat 5, quàm ex istorum vocabulorum arbitrario significatu? Sed ut hæc pateant amplius. 4. Animadverto, rerum quibus attribuantur numeri magnopere diversam fore conditionem. Alio nempe pacto tribuuntur numeri rebus quantis certam mensuram (hoc est determinatam aliquam magnitudinem,

itudinem, ad quam ejusdem generis alia referantur) designantibus, alio autem rebus non nisi genericâ quadam ratione convenientibus inter se. Ex. g. cum dico, tres ulnæ; singulæ unitates, ex quibus componitur iste ternarius, æquantur sibi mutuo, paræque sunt singulæ aliis unitatibus quemcunque numerum ingredientibus, quo longitudo aliqua similiter ex ulnis composita denominatur. Unde tales numeri proportionem servant perpetim eandem inter se, quam ipsæ magnitudines, quas denominant, iisque proinde exprimendis appositè deserviunt, atque conducunt. At verò cum enuncio, tres montes, vel tres angeli, vel tres lineæ, vel demum tres numeri; nullam habent necessariò singulares unitates ex quibus componitur ille ternarius, æqualitatem inter se; ac saltem convenientiam vel similitudinem quandam generalem in ratione communi montis, aut angeli, aut lineæ, aut numeri. Quando, inquam ex. c. dico tres numeri 5, 7, 9, singuli isti numeri, quatenus illi tres sunt, rationem habent unitatis, & liquet illos inæquales esse, sed omnes in ratione numeri conspirare. Sin alter adsciscatur numerorum ternarius, puta 10, 15, 20; non erit ille prior ternarius æqualis huic ternario. E qua consideratione duplex emergit quasi genus numeri, quorum illud appellari possit Mathematicum (quoniam ipsum Mathematici præsertim contemplantur, ac adhibent ad magnitudinum dimensiones exprimendas & comparandas inter se; eisque magnitudinum proprietates quadrant, & Mathematicæ conclusiones applicantur) hoc verò transcendente vel

Metaphysicum; tum quia tribuitur omnibus indiscretè (etiam ex partibus quantitatis, heterogeneis, imaginariis, privativis; dicimus enim duo puncta, 3 dimensiones, 4 chimææ, 5 prædicabilia, 10 cæcitates) tum quia deprehendi potest huiusmodi numerorum aliqua notio, non modò Geometriæ prævia, sed vel ipsi Arithmeticæ præsupposita: Ut cùm dicimus non modò triangulum tribus lateribus concludi; sed & numerum planum ex duorum in se numerorum, solidum ex trium in se multiplicatione definimus. Unde patet argumenti solutio, quo Nichomachus Arithmeticam naturâ priorem Geometriâ conatur adstruere; quia scil. Geometria numeros usurpare solet & necesse habet in primis figurarum definitionibus, comparisonibus, & proportionibus mutuis explicandis; ut cùm in ea triangulum, quadratum, pyramis, cubus, reliquæque figuræ ex laterum vel angulorum numero definiuntur; & cùm quadratum diametri duplum ostenditur quadrati ex latere; cùm cylindrus coni æquæ alti super æqualem basim constituti triplus demonstratur; & in similibus: Ex dictis enim promptum erit respondere Geometriam, pariter ac ipsam Arithmeticam, quos vel in definitionibus suis extruendis, vel in ratiociniis utcunque suis enunciandis, adhibet numeros transcendentales, eos vel ex usu communi (pènes quem jus est & potestas numeris juxta ac aliis rebus nomenclaturas affigendi) vel saltem ex prima philosophiâ mutuari, ad quam pertinet generalissimas rationes rerum considerare, ac definire; unde videmus multum & sæpe agi de numeris, in Philosophi Metaphysicis.

Quan-

Quamquam alioqui fatendum ſit, perfectam Geometriam & ſuis omnibus numeris abſolutam, Arithmeticā indigere, veruntamen haud velut ſcientiā totaliter à ſe diverſā, ac alienā, ſed ut parte ſui (ſicut poſtea videbimus) quomodo ad ſtereometriam (doctrinam ſolidorum) quæ pars eſt Geometriæ magis compoſita, præſternenda requiritur Empedometria (doctrina planorum) pars ejuſdem naturā prior & ſimplicior.

Nec minùs hinc liquet quid reſponderi poſſit prædicto doctiſſimo viro ſic diſputanti: *Eſt aſſertio illa de æqualitate numeri quinarij cum numeris binario & ternario conjunctis, aſſertio generalis, quibuſcunque alijs rebus non minùs quàm Geometricis applicabilis; nam & angeli, duo & tres ſunt angeli quinque.* Reſpondeo breviter:

Pag. 73.
Arithm.

1. Ut jam ante, quòd 2 angeli + 3 angeli faciant 5 angelos, provenire non ex abſtracta ratione numerorum, ſed ex eo quòd uterque numerus, binarius ille & ternarius, ejuſdem generis & nominis enti tribuatur. 2. Quòd iſti numeri, quatenus angelis tribuuntur, ſint transcendentales, non aliquam ſingulorum angelorum inter ſe æqualitatem propriè dictam, at naturæ duntaxat ſimilitudinem innuentes; adeoque ad Mathematicam conſiderationem minimè pertineant. Cæterum hanc, quam ſubnotavi diſtinctionem numerorum acutè perſpexit, & diſertè prodidit Plato, in Philebo; Recitari merentur ejus verba:

Pag. 399.
Fig.

Ἀριθμητικὴν — ἀρ. ἐκ ἄλλων μὲν πῆρα ἢ πολλῶν φατέον, ἄλλ' ὡς δ' αὖ τὴν τ' φιλοσόφων; — ἐσμικρὸς ὅς ἐστι, ὡς πρῶτον κε. Οἱ μὲν γὰρ περὶ μονάδας ἀνίσχουσιν καταριθμῶν, ὅς ἐστι ἀριθμῶν. Οἷον πρῶτον πέντε, δύο, καὶ βίς δύο.

δύο· Καὶ δύο τὰ σμικρότατα, ἢ τὰ πάντων
 μέγιστα· Ὅτι δ' ἐκ αὐτῶν ποτὲ αὐτοῖς συγκα-
 λυθῆσιν, εἰ μὴ μονάδῃ μονάδῃ ἐκάστης
 τῶν μονάδων μονάδῃ ἄλλῃ ἄλλης διαφέρῃ
 τις δῶσει· h. e. Annon Arithmetice aliam vul-
 gi, aliam Philosophorum statuamus oportet? Si-
 quidem non exigua est discrepantia. Pulgo
 quippe eorum, quæ numeris exprimuntur, unita-
 tes dinumerant inæquales, veluti duo castra, duo
 boves; Et duo quævis seu minima, seu etiam
 maxima omnium. Verum philosophi nunquam
 ista assequuntur, nisi quis unitatem singulæ
 partium singulæ alteri unitati posuerit æqualem.
 Ità Plato numeros istos, ex unitatibus inæ-
 qualibus conflatos, ad vulgus rejicit, alios
 philosophis, hoc est Mathematicis, adjudica-
 cat; id quod forsitan ex antiquioribus Pytha-
 goreis observatum hauserit; ut innuere vi-
 detur Aristoteles, ex illorum, opinor, sen-
 tentia proloquens: Ἐν γὰρ τῷ μαθηματικῷ
 ἀριθμῷ ἐστὶν διαφέρει ἐς μίαν μονάδ' ἑτέρα
 ἑτέρας. Ecce Mathematicum numerum,
 eumque ex minimè disparibus inter se unita-
 tibus constitutum. Sed ut adhuc rem pro-
 prius attingam; & ipsum controversiæ quasi
 jugulum petam. 5. Animadverto & assero.
 Quod numerus Mathematicus (qualem mox
 descripsimus, & de quo præsertim sermonem
 instituimus) etsi possint etiam quæ dicuntur
 per justam analogiam transcendentali quoque
 numero quadaptenus applicari, quatenus
 naturæ similitudo, est veluti quædam æqua-
 litas, aut affinis æqualitati) quod, inquam,
 numerus Mathematicus non sit aliqua res
 existentiam habens sibi propriam, & revera
 distinctam à magnitudine quam denominat, sed

Met. X.I.
 cap. 6.

5.

ſed ipſius tantummodo magnitudinis certo pacto conſiderata nota quædam vel ſignum; quatenus illa nimirum à mente noſtra concipitur vel ut proſus incompoſita, vel ut compoſita certis ex partibus homogeneis æqualibus (quarum ſingulæ concipiuntur incompoſitæ, & unitatis nomine donantur) vel ut rationem innuens ad alias magnitudines itidem certo modo compoſitas. Etenim ut hunc noſtrum conceptum exponamus, & declaremus, magnitudinem, iſtam certi numeri vocabulo vel charactere designamus; qui proinde numerus nihil eſt aliud quam nomen aut ſymbolum magnitudinis iſtius taliter apprehenſam. Hæc generalis eſt natura, viſ, & ratio numeri Mathematici: Verùm ſpecialius quilibet numerus (effabilis aut rationalis quem vocant) diſtinguitur ac internoscitur ab alio, conſequenter ad actus mentis magnitudines alias atque alias ex una aliqua, quam incompoſitam concipit, per repetitionem ejus (vel ei æqualis adjectionem) continuò ſucceſſivam componentis, aut compoſitam cogitantis. Quæ repetitio primùm mente peracta, tum ſermone prolata dicitur numeratio.

Optimè in hanc ſententiam Ariſtoteles. *Ἀνάγκη ἀριθμῆσαι τὸ ἀριθμὸν καὶ τὴν πρόθεσιν. Ὅτιον τὴν δυάδα, πρὸς τῷ ἐνὶ ἄλλῃ ἐνὸς προσηδύντῃ, καὶ τὴν τριάδα ἄλλῃ ἐνὸς πρὸς τοῖς δυοῖ προσηδύντῃ, καὶ τὴν τετράδα ὁσούτως.* Ut cum magnitudinem A mente repeto ſemel, aut illi æquale n alteram adjectam concipio, magnitudinem illam, quam concipitur ita compoſita, designo nomine, vel charactere binarii; quòd ſi mag-

*Met. XIII.
cap. 7.*

nitudinem eandem A adhuc recogito, vel alterâ vice superadjicio prius conceptæ magnitudini, binarii notâ designatæ, conceptus efficitur alterius compositæ magnitudinis, quam itidem enuncio nomine, vel describo caractere ternarii. Atque ita porro de reliquis. Sed de generali numeri ratione quæ supra diximus, exemplo nonnihil elucidemus. Sit e.g. linea quævis A; huic nullus ex parte rei numerus peculiariter competit; at si cogitemus ipsam ex aliqua linea per trinam sui repetitionem, modo exposito, componi (vel quod eodem recidit, in tres æquales partes fore divisibilem; idem enim est ex tribus æqualibus componi, quod in tria æqualia resolvi posse) ea propter ipsam appellabimus tres (vel tres tertias ipsius A) & congruo ternarii caractere denotabimus. Sin concipiamus eandem A ex septem æqualibus lineis aggregari (vel in 7 æquales lineas posse distribui) ex quilibet iisdem particulis decem altera linea B composita (seu in totidem illas resolvable) censetur, hinc linea A vocabitur septem vel septem decimæ partes ($\frac{7}{10}$) lineæ B. Quod si eadem linea A nullatenus aut composita aut divisa cogitur, unitatis ipsa gaudebit nomine & caractere. Sin adhuc apprehendatur dicta linea A ceu media proportionalis inter lineam quamvis B ex duabus lineis æqualibus conflata (bisectamque æqualiter) & unam istarum æqualium linearum (hoc est inter totam B, & semissem ejus) vel inter quamvis rectam C, & duplam ejus; propter istum conceptum linea A designabitur nomine, vel caractere radicis secundæ (vel lateris quadrati, $\sqrt{2}$) nu.

numeri $\frac{1}{2}$, vel numeri 2, respectivè; ut sit nempe radix $\frac{1}{2} B$ ($\sqrt{\frac{1}{2} B}$) vel radix $2C$ ($\sqrt{\frac{1}{2} 2C}$). Ex quo proinde, 6. Sequitur advertendum tres esse (præter unitatem ipsam, quæ numerorum veluti fons est ac prigo) differentias & quasi species numerorum; hoc est, integrorum, fractionum, & radicalium vel surdorum, quos vocant. Quorum integri quidem nomina sunt vel symbola magnitudinum, compositionem ipsarum subindicantia certis ex partibus æqualibus (quarum unaquæque simplex censetur & nominatur unitas) ut si magnitudo A conficitur ex sex partibus æqualibus (vel ex una sexies repetita) appellabitur A sex. Fractioni verò (quibus accenseo mixtos, qui constare possunt ex integro & fractione) notæ sunt cujuscunque magnitudinis itidem innuentia compositionem ejus ex partibus æqualibus, non quidem absolute, sed ipsam comparando cum alia magnitudine composita ex aliquot partibus, quæ prioris partibus æquales sunt, & cognomines: Vel, numeri fractioni sunt symbola cujuscunque magnitudinis certo modo compositæ æqualiter, exhibentia proportionem ejus ad alteram magnitudinem, ex iisdem æqualibus partibus compositam. Ut si A componatur ex 6 partibus æqualibus, & B ex totidem iisdem novem, erit A sex nonæ partes ipsius B ($\frac{2}{3} B$) vel A se habebit ad B, ut sex ad novem. Eadem nempe magnitudo, unitatis nomine nuncupata, sexies accepta componit A, novies verò sumpta constituit B. Numeri verò radicales, vel surdi notæ sunt magnitudinis cujuscunque, commonstrantes ipsam esse proportionem qualitercunque mediam

6.

mediam inter quamlibet assumptam magnitudinem homogeneam, æqualiter compositam secundum exigentiam apppositi numeri seu integri seu fracti, & partem ejus unitatis vice fungentem (vel quod perinde est, inter acceptam quamvis magnitudinem simplicem ac indivisam, & propterea unitatis vicem obeuntem, ac aliam ita prout adjunctus existit numerus multiplicatam) ut radix secunda, vel quadratica, numeri 3, denotat mediam proportionalem inter quamvis assumptam magnitudinem, & ipsius triplam. Et radix tertia, vel cubica, ternarii designat primam ex duabus mediis proportionalibus inter quamvis assumptam magnitudinem, & triplam ejus. Et radix quarta (vel quadrato quadratica, quam etsi minus commode solent appellare) numeri 5, significat primam ex tribus mediis proportionalibus inter quamvis magnitudinem & quintuplam ejus, & sic pariter de cæteris. Quòd verò spectat ad surdos hosce numeros (quos & irracionales, inefabiles, irregulares, inexplicabiles, nullo suo merito, & quasi per convicium atque calumniam appellitant) illos complures propriè numeros esse negant, & ab Arithmetica seclusos ad aliam, (quæ tamen nulla est) scientiam, Algebram nempe, solent ablegare. Quo pacto suam Arithmeticam membro demutilant amplissimo, & utilissimo (sepius enim, dum magnitudines metimur, & inter se comparamus, ad hosce surdos, quàm ad rationales quos vocant numeros computando devenimus.) Mihi verò minimè dubium est, quin hi numeri pari jure numeri censendi sint, & æquè spectent ad numeros

rum

rum ſcientiam, ac alii quivis integri vel fracti; quum pariter apti ſint, & juxta neceſſarii magnitudinibus exprimendis, comparandis, determinandis (in quo tota numeri ratio, viſ, uſus conſiſtunt, ut toties monuimus) & cum nulla ſit generalis numeri proprietas, aut operatio numeris conveniens integris vel fractis, quæ & non & his æquæ congruat. Nam e. g. æquæ capio quid ſignificet radix quadrata trium ulnarum, ac quid denotant tres ulnæ, vel $\frac{1}{3}$ ulnæ. Et illam pariter, ex vi ſignificationis ſux, ac has reipſa poſſum exhibere. Nam aſſumptâ rectâ A, quæ æquetur uni ulnæ, & alterâ B tres ulnas exæquante, inventâque inter has mediâ proportionali, modo in Geometriâ commonſtrato, erit hæc inventa recta quæ designatur radice quadrata trium ulnarum. Poſſunt & hi numeri, ex certiffimarum regularum præſcripto, ſibi mutuò adjici, & ſubtrahi; duci in ſe; ſibi applicari (vel à ſe invicem dividi) & quocunque modo ſupputari, menſurari, proportionem magnitudinum exprimere. &c. Quare nulla eſt ratio cur pro numeris habendi non ſint, aut ex Arithmetica debeant eliminari. Atqui ſatis offendunt hi numeri (quos proinde non incongruè Geometricos appellat Stevinus) numerum à magnitudine nihil diſſerre reipſâ; quos certè nec ipſâ mente putem abſtrahi poſſe ab omni magnitudine. Quid enim abſtractè ſignificet $\sqrt{2}$? An radicem abſtracti numeri 2? At hic numerus illo pacto nullam radicem habet (hoc eſt nullus numerus integer vel fractus in ſe ductus efficit 2) an mediam proportionalem inter 1, & 2? At nullus

nullus omnino talis datur numerus medius. Ad magnitudinem igitur omnino recurrentum est, ut hic numerus quid designet mente concipiatur. Nam etsi inter numerum 1, & numerum 2, nullus datur medius proportionalis numerus, inter magnitudinem tamen unitatis nomine significatam, & magnitudinem binario denominatam, datur media magnitudo proportionalis radice binarii nomine commodè designanda. Idem arguunt numeri fracti, præcipuam fermè partem constituentes Arithmetica, utpote qui compositionem ac divisionem (proprias affectiones magnitudinis, nec aliis rebus, nisi secundo adjectæque magnitudinis gratiâ, competentes) intimè connotant, implicantque. Qui verbi gr. dicit aut concipit $\frac{1}{2}$, nihil omnino dicit aut concipit aliud præterquam magnitudinem aliquam ex duabus componi, quilibet ex tribus altera magnitudo componitur; vel aliquam magnitudinem in tres æquales particulas dirimi, de quibus duas assumptas concipit aut enunciat. Nec aliter integri numeri magnitudines exprimunt & repræsentant; compositionem quippe vel divisionem etiam hi conceptu suo involvunt & significanc. Ex quo obiter perspicere licet quid judicandum sit de aliquoties memorati egregii viri sententia; qui sc. ut Arithmetica Geometriâ multo latius extendi faciat manifestum, universam Algebram Geometriæ abjudicatam addicit Arithmetica; æquationes Algebraicas altiùs ascendere statuit, quàm Geometricas; negatque Geometriam tot suppeditare dimensiones, quot Arithmetica gradus ostendat, & in illam sen-

sententiam pluscula. Quæ tamen facillimè
discuti possunt omnia, dicendo, per istas
æquationes (vel dimensiones) Algebraicas,
gradûsve Arithmeticos vel omnino nihil in-
telligi, nil revera significari; at omnes ima-
ginarias esse Chimæras, & mera *τερεπίσματα*;
vel aliquid ipsis in Geometria respondere,
quod significant & repræsentent. Sicut revera
de facto nullus est quisquam numerus, nulla
potestas Algebraica, nullus gradus Arithmeti-
cus, cui non respondeant infinitæ, quovis in
genere, magnitudines, quas illi numeri re-
præsentant & exprimant appositè. Instan-
tiæ causâ proponatur quadrato quadratum
(vel quarta potestas) numeri ternarii; vis
hanc potestatem exhiberi Geometricè? Su-
matur utcunque magnitudo quævis (perinde
fuerit an lineam, superficiem, aut solidum
accipias, at) simplicius erit si capiatur recta
linea, puta A. Hujus autem tripla sit B; &
continuetur ratio ipsius A ad B sic ut 5 rectæ
A, B, C, D, E, sint continuò proportionales;
eritque E recta per ternarii quadrato qua-
dratum (vel quartam potestatem) denotabi-
lis. Nam si a dicatur 1, erit B, 3; & C, 9;
& D, 27; & E, 81; hoc est quadrato quadra-
tum numeri 3. Habetur igitur quadrato qua-
dratum Geometricum numeri 3, vel lineam
B, quam iste numerus designat. Pari ra-
tione quilibet Arithmeticus gradus, vel Al-
gebraica potestas Geometricè potest exhiberi.
Nihil igitur validi continent ejusmodi ratio-
cinia. Possẽm huc in hanc mentem plura:
Sed piget, extra ordinem, in re tam liquida
diutius immorari. Quòd vero Philoso-
phus Arithmeticam pronunciet accuratio-
rem

Τὰ εἶδη
χαίρειται
Τερεπίσ-
ματα γὰρ
ἔστιν. Ατ. I.
Ποστ. c. 28.

I. Met. c. 2. rem Geometriā: Αἱ γὰρ (inquit) ἐξ ἀλατ-
τόνων ἀκριβέστεραι τῇ ἐν προθέσει λεγόμενῃ,

1. Anal. οἷα ἀριθμητικὴ γεωμετρίας. Et alibi explica-

Post. c. 27. tius: Ἡ ἐξ ἐλαττόνων (ἐπισήμην ἀκριβέστερα)

τῇ ἐν προθέσει, οἷα γεωμετρίας ἀριθμητικῇ

λέγω ὅτι ἐν προθέσει, οἷα μονὰς εἶσα ἀδε-

τῇ, σιγμῇ ὅτι εἶσα δευτέρῃ. Et eum expo-

nens Proclus: Ἀριθμητικὴ μὲν ἀκριβέστερα

γεωμετρίας. Αἱ γὰρ ἐκείνης ἀρχαὶ τῇ ἀπλο-

τη διαφέρουσι. Ἡ μὲν γὰρ μονὰς ἀδετῇ

ἐστίν, ἡ δὲ σιγμὴ δεῖσιν ἔχουσα, καὶ ἀρχαὶ μὴ

Γεωμετρίας (legendum ἀρχὴ) ἡ σιγμὴ πε-

λαβεῖσα τὴν δεῖσιν, ἀριθμητικῆς ὅτι ἡ μονὰς.

Ista nec veritati consentanea sunt, & infir-

missimo tibicine nituntur omnia. Quæ enim

scientia Geometriā esse poterit accuratior?

Quenam sibi præstruat evidentiora vel cer-

tiora (addo vel simpliciora) principia Geo-

metricis pronunciatis? Vel in eliciendis con-

clusionibus suis Logicam exerceat strictio-

rem, & rigidius accuratam? At simplicior

est, inquit Aristoteles & Proclus, unitas

Arithmetica (rectius numeri dixissent) prin-

cipium, quàm punctum, quod est principium

Geometriæ (vel magnitudinis potius). Quod

punctum implicet positionem, unitas non

item: Τὸ μὴδαμὴν (inquit Aristoteles) δια-

φερόν καὶ πόσον σιγμῇ καὶ μονάδῃ. Ἡ μὲν ἀδε-

τῇ, μονάδῃ. Ἡ δὲ δευτέρῃ, σιγμῇ. Verum

imprimis deterrima est, & pessimas in Ma-

thesin derivat consequentias ista puncti Geo-

metrici cum Arithmetica unitate collatio:

Nam unitas reverà parti cujusslibet magni-

tudinis aliquotæ respondet, non puncto: Ut si

linea dividatur in sex partes æquales, sicut

ista tota linea respondet numero sex, ita

quæ

quæ

quæ

quæ

quæ

quæ

quælibet particula sexta respondet unitati, minimè autem puncto, quod nulla pars est istius rectæ. Et punctum rectè dicitur indivisibile; unitas verò nequaquam; (nam v. g. quomodo $\frac{2}{3} + \frac{1}{3}$ æquatur unitati, si unitas indivisibilis est, & incomposita, & inftar puncti se habens) quin potiùs sola unitas propriè divisibilis est, & ex unitatis divisione procreantur numeri. Multo veriùs & tutiùs (ut postea monstrabimus, cum de puncto Geometrico se præbebit occasio differendi) punctum Geometricum cyphræ, vel nihilo Arithmetico comparetur; quæ cipra revera terminus est numeri, finiens unumquemque numerum, & numeris intercedens se proximè consequentibus, non verò pars ejus; quæ numero apposita non auget ipsum, nec ablata minuit; à quâ desumitur initium computandi, cum ipsa non computetur, quæque præcipuas Geometrici puncti proprietates planissimè refert. Quòd verò de positione dicitur, nec id usquequaque sanum est & solidum; nam punctum universaliter acceptum haud minùs indeterminatum est, & expers positionis, quam unitas itidem sumpta universaliter: Singulariter autem accepta unitas definitam æquè positionem, & reliquas singulares includit circumstantias, ac ipsum singulare punctum. Denique non diversa, nedum impar est harum scientiarum (Arithmetice & Geometricæ) ἀκρίβεια; sed prorsus eadem; ex iisdem haustæ principiis; circa res easdem occupata. Huc denique spectantia, & hinc consequentia plurima possem attexere; sed

Nè

Nè rem longius extraham & tædio fim, nemini non satis liquebit, opinor, hæc quæ suggestimus & talia serio perpendenti, numerum (qualis saltem à Mathematicis pertractatur) ab ipsa continua magnitudine haudquaquam reipsa differre; nec aliunde quas habere videtur proprietates (compositionem, divisionem, proportionem, atque consimiles) quàm ab illa, vel propter illam, quatenus illius vicem gerit & personam, quasi sustinet, adipisci; nec proinde numerum esse speciem quantitatis magnitudini contradistinctam, nec objectum alicujus scientiæ à Geometria (quæ circa magnitudinem versatur universam) diversæ, sed ipsius quæcunque sit contemplationem ad Geometriam pertinere, easque includi. Proinde nec inconsultè fecisse σοφιστήν nostrum (quicquid obstrepat Ramus illum sugillans hoc nomine) qui Geometricis elementis Arithmeticas inseruerit speculationes; imò potius rei Mathematicæ plurimum interesse, nè scientiæ istæ seu naturæ disparatæ segregentur aut divellantur à se invicem; adeoque de ipsis promeriturum egregiè, qui commodam in Geometria sedem assignaverit Arithmeticæ. * Sed hic pedem sisto.

* *Qualem
certè vide-
tur antiqui-*

ritas obtinuisse; siquidem vel ipse magnus Orator de Geometria obiter tractans, de recepto opinor usu posuit quàm ex ingenio suo dicat, Geometriam in numeros atque formas esse divisam. Quinil. T. 10.

L E C T. IV.

DE Mathematicarum Scientiarum partitione quæ mihi visa sunt ex usu proposui. Quam verò plerique tradunt ipsarum divisionem in theoreticas & practicas consultò prætermisi, ceu parùm probam & minùs necessariam; utpote quæ non diversas scientias, sed ejusdem duntaxat scientiæ diversos innuit respectus. Enimverò, meo judicio, omnis scientia cùm speculativa est, tum practica: Speculativa, quatenus veritates (hoc est veras propositiones) objecto suo convenientes speculatur, hoc est quærit, invenit, demonstrat; practica verò, quatenus illæ veritates inventæ, demonstratæque ad usum referri, in praxin redigi possint. Speculatur ex. gr. philosophus politicus, & rationibus excussis concludit, quæ sit optima forma Reip. quæ leges publicæ salutem conducant: Ethicus, quale sit in talibus rerum circumstantiis constituti viri boni officium considerat & pronunciat (hoc est, investigat & condit theorema quoddam, regulam præscribit universalem) Physicus simplicium, quæ vocant, naturas, virtutes, & temperamenta (num refrigerandi vel calefaciendi, desiccandi vel humectandi polleant facultate, salubria sint an noxia) disquirît, & ex ratione vel experientiâ determinat: Eatenus istæ scientiæ theoreticæ sunt. At si quis conclusionibus istis utatur ad praxin suam dirigendam;

H iisque

illique suas actiones attemperat: Si temp. administret ex istius politici theorematis præscripto; si juxta præceptum illud morale vitam instituat; si plantam istam salutis causa sumat, aut respuat, eo fit ut istæ scientiæ, istæ conclusiones evadant practicæ. Idem contingit in casu nostro. Geometra demonstrat universim quodvis triangulum parallelogrammi cujusvis super æqualem basim constituti & æquæ sibi alti dimidium æquare; vel conum æquari tertiæ parti cylindri super æqualem basem consistentis, & æquæ alti; hæc sunt universaliter veræ propositiones & regulæ, quas Geometra reperit & comprobat speculando; quibus uti potest quisquis areæ cujusvis triangularis mensuram determinare, vel Vas quodvis conicum cum mensura cylindrica conferre sibi propositum habet; unde practica dici possint ista theoremata, quatenus usum & praxim respiciunt; sed ineptè propterea utrumque illud theorema duplex statuatur, seu dividatur in theorema speculativum & practicum. Est igitur unica Geometria diversos subiens respectus, & quæ contemplativa dici potest quatenus vera, activa quatenus utilis. Res clara est, quid attinet plura; quod si cui regulas quasdam utiliores, quæ præcipuarum magnitudinum dimensiones ostendant, Geometriam excerptas conquerere libet, vel easdem præcipuè materiali cuivis subjecto accommodare (licet id forsitan obstat principali scientiæ, & præstet illas non alibi quàm in ipsa Geometria, hoc est, in suo loco, & ordine nativo, suis fundamentis affixas demonstrationibus suis adhærentes reperiri) haud admodum repugnem: Sed non

ideo

ideo censeri debet ejusmodi regularum con-
geriem constituere partem quandam aut spe-
ciem Geometriæ à contemplativa differentis.
Non sunt igitur, Trigonometria (doctrina
de dimensione triangulorum rectilineorum &
sphaericorum) Altimetria, vel Euthymetria
(quæ distatias, investigandi modum indicat)
Planimetria (quæ superficies planas descri-
bere & emetiri docet) Stereometria (quæ
solidorum corporum mensuras comparat)
Geometriæ practicæ magis quàm speculativæ
partes; at unius Geometriæ, quæ respectu
vario speculativa dici potest, & practica. Sed
de hac re sufficiant ista.

De Mathematicarum Scientiarum objectio
generali, deque partitione ipsarum hactenus
est dissertatum. Proximè succedit, ut de
modo dispiciamus, quo circa suum objectum
versantur; qui certè non alius est ab eo, qui
debet quoad ejus fieri potest, in aliis, propriè
dictis, scientiis obtinere. Siquidem id sibi
propositum habent omnes scientiæ, ut objecti
sui præcipuas proprietates, affectiones; &
passiones, cum ejus essentia conjunctas, aut
ab ipsa manantes, immediatè sc. aut mediatè,
investigent; hâsque illi necessariò competere
per evidentem & certum discursum ostend-
ant. Etsi de factò præstetur hoc, ob ma-
teriz conditionem, à quibusdam, ut non uno
loco advertit Aristoteles, ἀπὸ τῆς οὐσίας &
ἀναγκαστικῆς στέρξης & fortius, ab aliis μα-
λακῆς τῆς οὐσίας dilutius & dissolutius. Ejusmodi
verò discursus ἀπὸ δειξίς (demonstratio) dici
solet (ideo forsàn, quod per illum deducta
conclusio fam intellectui constat liquidò,
quàm sensui manifestè pateat res exerto di-

V. Metaph.

cap. 2.

XI. Metaph.

cap. 7.

gito demonstrata; nam *δεικνύειν* est indig-
tare, velut extento digito ostendere; *δεικ-
νοδεικτείν*; unde *δεικνύειν*, quasi *δεικνύ-
ειν*) de hoc verò discurrendi modo non est
mei vel officii vel propositi, sed ad Logicam
propriè spectat, generatim pertractare: Il-
lum qui nōsse cupit intimiùs, & a primis fon-
tibus degustare; ipsum consulat oportet
egregium ejus inventorem simul, & luculen-
tum auctorem Aristotelem; in libris Analy-
ticis, Posterioribus præsertim, demonstra-
tionis enucleantem naturam, & leges ei
præsentem; mihi suffecerit, ut res feret,
ab illo dicta præscriptaque, quatenus Ma-
thematicis congruunt ratiociniis insinuare.
Aded verò, si rem crassius ælliminius, con-
venit hisce scientiis demonstratio, ut ipsarum
quasi propria & peculiaris habeatur, nec ex
æquo jure convenire censeatur aliis discipli-
nis. Unde (moralium initio) Aristoteles
quoddam res Ethicas pinguiori Minervâ expo-
neret, nec à se dicta strictè demonstraret,
indè petit excusationem, quod Mathematicis
scientiis iste demonstrandi rigor, non ejus-
modi doctrinis congrueret, subiciens; *ὅρα
πλήστον δ' οὐδὲν μαθηματικῆ τε πιθανο-
λογεῖν ἀποδέχεται καὶ ῥητορικῇ ἀποδείξει
ἀπειτεῖν*. Parique ratione negat exigen-
dam à naturali philosopho Mathematicam
ἀκριβολογίαν. Τὴν δ' ἀκριβολογίαν μαθημα-
τικῶν (inquit) ἐκ τῶν ἀπαιτητέων,
ὅτι ἐν τοῖς μὴ ἔχουσιν ὕλην. Quod cum
animadverteret auctor Logicae minime sper-
nendus Jac. Zabarella, prout alicubi de se
testatur ipse, demonstrationis naturam ut
assequeretur rectiùs, & feliciùs explicaret,
Eucli.

I. Metaph.
cap. ult.

Euclidea Geometriae elementa semel atque iterum sedulo pervolutavit. Operæ verò forsan pretium sit, unde proveniat hoc discrimen, (quamobrem sc. quæ in Mathematicis ubique reperitur, & sola locum obtinet, in reliquis disciplinis nusquam aut rarò compareat, demonstratio) causas paucis exquirere. Etenim ex ista collatione cujusmodi sit demonstratio Mathematica, nescio an facilius & clariùs, quàm alià quâvis viâ, constabit & elucescet. Itaque provenit hoc exinde, 1. Quòd, quas hæ scientiæ contemplantur, res animo clarè concipimus, & ipsarum distinctas ideas faciliè consequimur; eò quòd simplicissimæ sint, & communissimæ; maxime familiares nobis, sensibus expositæ, obviis exemplis conspicuè representabiles, adeoque intellectu facillimæ. Nihil abstrusi, impliciti, insolentis ipsarum complectitur natura. Quid enim v. g. sit linea recta, quid plana superficies, triangulum, quadratum, circulus, pyramis, cubus, sphaera, quò clarè distinctèque percipiamus, admodum pauca requiruntur, & quæ paucissimis exprimi verbis, & lucidissimis exemplis representari possunt. Unde fit ut de rebus tam evidenter & accuratè perceptis non adeò difficile sit quædam demonstrare, quæ scilicet istis ideis cohærent, vel ab iis statim consequuntur. In aliis verò scientiis plerumque secus accidit; ut nempe res, quas illæ speculantur, magis reconditam, à sensibus abjectam, involutam, & compositam naturam habeant, & ut illas obscuriùs atque confusiùs apprehendamus. Quid ex. c. sit in Physicis color, in moralibus felicitas, in politicis jus gentium, difficile

I.

sit imaginari distinctè, exquisitè definire:
 Istarum rerum nulla fermè perspicua notio
 nostris animis obversatur; & si qua sit à plu-
 rimis utcumque conflatur & pendet, talisque
 existit, cui nemo forsàn alius per omnia simi-
 lem habeat, aut quam iis, quibuscum congre-
 dimur, approbare valeamus. Unde talium
 quot auctores & interpretes, tot fere repe-
 riuntur diversi conceptus, & explicationes
 admodum inter se discrepantes: Et conse-
 quenter evadit arduum ejusmodi de rebus
 perplexis & indeterminatis certi quicquam
 statuere vel demonstrare. Adhuc, 2. Evenit
 hoc ex eo, quòd Mathematici vocabula, qui-
 bus utuntur, perspicuis & omnem ambigui-
 tatem excludentibus definitionibus expli-
 cant; vel, ut meliùs dicam, conceptus illi
 suos nominibus efferunt propriis, adæquatis,
 significationis certæ & invariabilis; ita qui-
 dem ut exaudito rei propositæ nomine re-
 spondens ei conceptus se continenter objiciat
 animo, neque de qua re quidvis affirmetur
 aut negetur, ulla suboriatur dubitatio, vel
 controversia; quod ad propositionum certi-
 tudinem nemo non videt quantopere con-
 ducat. In aliis verò disciplinis, ut notionum
 obscuritas, intricatio, confusio; sic & ambi-
 guitas atque inconstantia vocabulorum in sig-
 nificando magnam parit ac infert necessariò
 conclusionum caliginem & incertitudinem.
 Nam quæ usurpant nominum definitiones ut
 plurimum negligunt, & locutiones sæpiùs ad-
 hibent improprias & metaphoricæ; tum
 alio & alio sensu eadem vocabula accipiunt;
 diversi saltem authores ipsa variè sumunt, &
 diversimodè describunt, suæque quisque signi-
 ficationi,

ficationi, vel descriptioni ſuas conſuſiones accommodat: Unde propoſitionum non tantum incertitudo, ſed & repugnantia ſubnaſcatur necelle eſt; inde veritatis contemplatio degenerat in diſputationem, diſputatio deſinit in meram λογομαχίαν; cum in verborum indefinita ſignificatione potiſſima pars verſetur controverſiæ. Neque quas ſubinde proferunt deſinitiones, vel deſcriptiones vocabulorum, his vitiis plerumque remedium aſſerunt, at majores haud raro tenebras & tricas inducunt quæſtioni. Quid enim ab ejuſmodi deſinitionibus aſſulgeat lucis? Motus eſt actus entis in potentia, quatenus in potentia: Lumen eſt actus perſpicui, quæ perſpicui. Anima eſt εντελεχεια (vel ενδελεχεια, perinde eſt ad intellectum) vel Anima eſt, ἀριθμὸς ἑαυτὸν κινῶν. Quibus ſc. explicationibus implicamur potiùs & confundimur, quàm illuſtramur aut inſtruimur. Ut plerique deſinitionibus melior ſit & ad uſum commodior illa per jocum à Democrito prolata deſinitio hominis; Homo eſt quod omnes ſcimus. Atqui demum cum propoſitionum demonſtrandarum materia ſint vocabula, rerum ab animo conceptarum ſymbola, niſi certò ſignificent illa, de propoſitionum veritate conſtare non poterit, 3. Quòd Mathematicis adeò peculiaris ſit demonſtratio procedit inde, quod illi nulla adſumunt aut adhibent principia, vel axiomata non univerſaliter vera; non inductione perpetuà comprobata, non communi ſuffragio conſeſſa, non denique ſuâ vi firma, ſuâ luce conſpicua, penitus ἀντίπαρα καὶ ἀντοφανή; ita quidem ut quæ ex his inferuntur conſuſiones audien-

3.

tis rationem necessario constringant. Quis enim, eidem tertio æqualia sibi met ipsis exæquari; si ab aliqua magnitudine detrahantur, aut eidem apponantur æqualia, residua vel composita suboriri æqualia; partem à toto superari; hisque gemina semel ac audierit non intelliget facile, non promptè agnoscet, ceu verissima, notissima, jugi experientiae consentanea, nullam exceptionem patientia, nullam aut probationem aut declarationem ampliorem postulantia. In reliquis verò disciplinis, quæ ad alias astruendas sumuntur & inserviunt pronunciata, vel plerumque quoad universalitatem suam infirmari possunt instantiis contrariis; & propterea, nè falsitatis arguantur, exceptiones nonnullas, limitationes, seu distinctiones requirunt; vel non admittuntur nisi precatio, nec audientis consensum extorquent, vel ulterioris indigent confirmationis, aut explanationem prolixiorē desiderant quo fit ut ex illis elici nulla possit universaliter vera, manifesta, indubitata & invicta conclusio; nec fundamentis adeò lubricis & vacillantibus ulla superextruatur stabilis & inconcussa demonstratio, cui nemo contra hincere audeat, aut refragari. Nempe talibus ex pronunciatis; natura nihil facit frustra; omnia appetunt bonum; nihil dat quod non habet; quid obsecro firmi vel certi deducatur? Quot ex illis, modicam impendendo subtilitatem, sibi contradictorias propositiones inferre licet, inferre solent argutiarum opifices? Quibus nimirum extricandis & inter se conciliandis distinctiunculas comminisci necesse habent innumeras (mirificas illas plerumque)

4.

Procl.

que) è quibus resultat concertatio multa, nulla conflatur demonstratio. Huic affinis est alia ratio, 4. Quod Mathematici petitiones adhibent, aut supponunt hypotheses non nisi clarè possibiles, & facillimè imaginabiles (*ευντελής, ευνόητος, ευνόητος προ- γαγος*); quasque aded nemo, utcumque præfractus, asper, illiberalis ingenio, non ultrò largiatur & indulgeat postulantis. Ut e. g. cum supponunt, aut postulant, ut inter duo quævis designata puncta ducatur, aut ducta concipiatur recta linea; quovisque puncto in centrum assumpto, ut per aliud ididem acceptum punctum, circuli circumferentia transeat, aut intelligatur transire. Corpus aliquod plano transfadigi; semicirculum circa suum axem rotari; & istis consimilia; quis inficias eat hæc fieri posse, quis dubitet facta concedere; quis obstrepat tam evidenter possibilia supponenti? Quum talia fieri posse sentiat & facta videat quotidie. In aliis verò scientiis aliter se res habet. Nec enim ut rerum causas utcumque videantur explicare, suppositiones verentur procondere, suis ratiociniis præstruere, sibi condonandas expetere prorsus arbitrarias, admodum duras, horridè immodestas; nedum creditu difficiles, at subinde vel conceptu arduas. e. g. Cum in physicis ad explicandum modum visionis, aliqui sibi postulant concedi, quòd à quovis objecti visibilis signo species nescio quæ intentionales undicunque dispergantur, aut propagentur. Alii verò quòd effluvia quædam corporea, seu cuticulæ quædam omni cogitatione tenuiores à rebus objectis derassæ discriptæque, versus aspectum ubicunque situm

situm rectè deportentur. Nonnulli demum, quod à quolibet objecti lucidi, vel illustrati puncto ad unumquodque punctum medii circumfusi motus quidam (seu actiones vel nifus) facili sc. negotio, dictum factum, dirigantur & deriventur. Cujusmodi hypothesium cuilibet, etfi ingeniosè confictæ, nemo ferè tam simplex est aut credulus ut statim consentiat, aut à seipso protinus impetret concedere, non modò quòd vera sit, at verò quòd omnino possibilis, aut saltem aliquatenus probabilis; cùm multæ paulisper attendenti se difficultates objiciant, fidem diffidentes, aut obruentes. Et illorum, qui talia sibi plurima, perfrictâ fronte, obstinata mente, condonari volunt quis non importunitatem repellat, in verecundiam aversetur? Saltem ejusmodi fluxis arenis quis solidam inniti putet demonstrationis fabricam? Accedit his, 5. Quòd Mathematici non tantum pronuntiata manifestè vera præmittunt, & hypotheses adsumunt liquidò possibiles; at

5.

Arist. 1. Post. cap. 25.
 Ἐὰν γὰρ αὐτὴ ἢ ἀποδείξις
 βελτίον (ἢ ἄλλων ἢ
 αὐτῶν ὑπαρχόντων) ἢ
 ἐξ ἐλαπίδων αἰτημάτων,
 ἢ ὑποθέσεων, ἢ προτά-
 σεων. Εἰ γὰρ γνώριμοι
 ὁμοίως, τὸ δᾶπον γνω-
 ναὶ διὰ τῶν ὑπαρξέει.
 Τὸτο δ' αἰρετώτερον.

in utroque genere strictissi-
 mam paucitatem affectant,
 vel potius efflictim depere-
 unt. Axiomata præmittunt
 inquam, paucissima; parcis-
 simè quidvis petunt, adsu-
 munt, aut præsupponunt.
 Est enim tenerrimæ frontis;
 & stomachi robustissimi, pu-
 dentissimum genus homi-
 num, & tædii patientissimum.

Quemvis concoquere malunt
 laborem in dictis suis demonstrandis, quàm
 assensum gratuitum emendicare, vel nimiam
 audi-

auditorum liberalitatem expeſiri. Proprii ratiocinii virtuti, non alienæ facilitati deberi volunt concluſionum ſuarum evidẽtiam & firmitatem. Solertiã ſuã dignum arbitrantur è tenui ſorte mirificè tandem locupletes evadere; ab exili radice in immenſam ſcientiæ proceritatem excreſcere; ſuper anguſto fundamine vaſtam, nec minùs firmam erigere molem concluſionum. Per longas igitur ambages moroſiùs & prolixius aſquas propoſitiones, alioquin facillimas, deducere ſatagunt, eo quòd à multiplicando poſtulatorum & axiomatum numero vehementer abhorreant.

Quo nomine magnus ille cenſor (dicam an carptor?) Ramus Euclidem acriter reprehendit, quòd plurimàs is propoſitiones ſuſceperit demonſtrandas, quas, ut ille quidem opinatur; ſatiùs fuiſſet ceu ſuã luce claras arripere, indemonſtratas anticipare, in axiomatum cenſum referre. Et potuiſſet eodem jure totam catervam veterum Geometrarum ſimilis culpæ reos peragere, ipſumque in illis divinum Archimedem increpare, quòd axiomata vel poſtulata plura quàm necesse fuit adſumendi licentiam reſugiens, admiranda ſua theorematà, quæ brevius potuiſſet & clariùs, iſtã nimirum adrogatã ſibi poteſtate, maluiſſet utcuque nonnihil intricatiùs proponere, prolixiusque demonſtrare. Mihi verò contra neutiquàm videtur improbandum, at magnopere potiùs laudandum & amplectendum eorum inſtitutum. Siquidem nulla debet nimia cenſeri diligentia, vel ſollicitudo, quæ primis ſcientiarum fundamentis impenditur ſtabiliendis.

Longè

*Schol. Mathematicæ.
lib. 3.*

Longè præstat ut multæ demonstrationes redundare, quàm ut una videatur deficere. Detrahenda est Epicureis ingeniis omnis an-
 fa cavillandi, vel argumentationis cuiusvis principio, seu incerto vel minùs notorio, consensum detrectandi. Est amolienda, quoad fieri potest, ex hisce disciplinis omnis suspicio, omnis formido, omnis hæsitatio. Neque discentium immodicè pertentanda fides est; nec ipsorum animi longius distinendi sunt & obtundendi hypothesum multitudine; neque nimis assuescendi temerariæ præsumptioni. Saltem haud inutile sit, nec injucundum ipsarum inter se primarum propositionum, operâ syllogisticâ coherentiam & cognitionem ostendere; denique sicut magnificentius est & gloriosius exiguis copiis hostem debellare, ità paucis ex principiis innumeras veritates astruere, plus admirationis conciliat, impensioris aliquid laudis victrici promeretur rationi. Quare nec omnino vituperandum existimo (nedum ambitionis aut furoris arcessendum, cum non nemine) istam magni Apollonii curiosam, sed ingeniosam, sedulitatem; qui celeberrimum illud axioma, quæ eidem æqualia, conatus est demonstrare. Ut nec Regiomontani carperem supervacuum studium primas Arithmeticæ vulgaris regulas ex Euclideis, ut perhibent, elementis aggressi deducere. Quos amulatus quidam è nostris, ignotus nemini philosophus, etiam clarissimi pronuntiati, Totum parte sua majus est, demonstrationem attentavit.

Illud utcunque constat ex dictis, quod ostendere propositum mihi fuit, tantus ubi labor

labor ſuſcipitur, tam anxia cautela adhibetur, nè facilè propoſitio quævis in axiomatis dignitatem adſurgat, & nè conferta turba ſuccreſcat hypotheſium. ibi nihil miri contingere, ſi cunctæ concluſiones quàm validiſſimè demonſtrentur. In aliis autem doctrinis diſpar procedendi, modus eſt & ratio. Nam axiomatum iſthic infinita ſeges pullulat, quæ vel ſpiſſa voluminum horrea replendo ſit. Quævis enuntiatio veriſimilis ad principii gradum aſpirat; & alicui comprobandæ concluſioni qualemcunque præſtat operam, quamvis gratis aſſumpta. Cuilibet autem expediendæ quæſtioni, vel phænomeno explicando nova diſtinctaque procuditur hypotheſis. Quo fit ut in ea ſem (quæ dicitur & habetur) ſcientia reperiantur hypotheſes innumeræ; quot, inquam, materiæ tractandæ, tot hypotheſes diverſæ, auſcultantium nedum fidem ſuperantes, at vel ipſam memoriam obruentes; quæ vix ullâ ratione fieri poteſt ut omnes conſiſtant, & conſentiant inter ſe, neque quòd non plures ſibi mutuò diſcrepent & adverſentur. Unde quale provenerit demonſtrationum ſyſtema nemo non videt, non experitur. At porro, 6. Generationes magnitudinum, quas Mathematici pertendunt, quibus ipſas definiunt aliquando, & è quibus ipſarum proprietates educunt, etiam imaginatio noſtra cœu maximè poſſibiles aſſequitur & percipit faciliſſimè, ratione pròtinus adſtipulante. Ex. gr. cùm ex rectæ linæ, uno extremo ſine permanente, circumductu circulum effici dicunt; ex trianguli rectanguli circa crus unum immotum rotatu conum eſſormari; ex ſemicirculi circa diametrum, velut

6.

velut axem, gyratione sphaeram detornari; cum itidem rectam lineam ex puncti gressu brevissimo & inflexo; parallelogrammam superficiem ex rectae lineae per idem planum transverso, perpetuumque retinente parallelissimum, itinere; prisma vel cylindrum ex consimili rectilineae planae figurae, vel circuli parallelo transitu deducunt, aut definiunt; cum spiralem & quadraticam lineas curvas ex duplici motu uniformi (uno recto, vel parallelo, altero circulari) conficiunt; parabolam ex duplici motu uno uniformi, altero uniformiter accelerato describunt, & ex ejusmodi causis magnitudines ortas concipiunt; quin tales motus peragi possint, & tales ab illis effectus necessariò resultent, qui tantisper attendet abnuere nemo potest, aut ullatenus ambigere; adeò clarè percipit intellectus noster, quid ex istis generationibus suppositis consequatur. Unde nullo negotio talibus ex causis, magnitudinam proprietates elici possunt & demonstrari. Non ita naturalium, aut aliarum rerum productiones in propatulo sunt, aut ex causis quibuscvis suppositis effectorum proprietates deduci possunt. Posita v. g. tali elementarium qualitatum complexione, seu temperie; vel tantum sulphuris adustione; vel quòd materiae cuiusdam subtilis rotatus incessui directo praevalcat; quis audacter asseveret, aut statim agnoscat talem ad spectui apparentiam iri necessariò productum, qualis rubicundum colorem constituere solet aut comitari? Nec proinde quispiam ex istiusmodi confictis generationibus rerum passiones & affectiones demonstrat. Hisce causis accenseri potest,

7. Ordo

Leſt. IV. *Mathematica.*

71

7.

7. Ordo, quo Mathematici ſuas materias pertractant, ſuas veritates indagant, ſuas propoſitiones diſponunt accuratus. Notat Ariſtoteles ordinem in Mathematicis uſurpatum memoriæ conducere: 'Εἰν (inquit) ἐμνημόνευτα, ὅσα τῶν πρὸ ἔχει, ὥστε τὰ μαθήματα at ratiocinium promovet ampliùs iſte ordo: Circa quem præſertim obſervari poteſt, quòd primas propoſitiones ſuà luce conſpicias, aliſque demonſtrandis præſtratas (definitiones nempe, pronuntiata, poſtulata) ſedulò congeſtas prima ſede collocare ſolent, ſic exigente noſtri diſcurſus naturà; proximo loco ſimpliciores ſtatuunt propoſitiones ab iſtis immediatè deductas; tum illas quæ ab his proximè conſequentur, ac ità nuſquam interruptà perpetuà ſerie, ſic ut à præcedentibus poſteriora lucem pariter ac firmamentum accipiant, & catena quædam neſtatur argumentationum, nullà vi diſſolubilis. Quo fit etiam, ut ſingulæ cuiuſvis propoſitionis à primis uſque principiis propaginem derivare; ejus ab illis dependentiam, & connexionem perſpicere liceat, ejùſque proinde veritatem infallibili quadam ratione dijudicare. Item advertere licet quòd apud Mathematicos è propoſitionibus inventis ac demonſtratis, ſi quæ ſunt inſignioris notæ, vel communioris naturæ, ſuà vel elegantia vel utilitate nobiles, illæ peritorum examine comprobataz ratazque habitæ velut in cenſuales quafdam tabulas digeruntur, in theſaurum reponuntur, in penu quodam publico aſſervantur, unde ſicuti poſtulabit uſus, depromi poſſunt, aliſſque cum inveſtigandis tum demonſtrandis pro-

Tract. de memoria & reminif. cap. 2.

propositionibus inservire. Tales pleræque sunt veterum Geometrarum propositiones, quæ magnitudinum quarundum menti nostræ præsertim obviarum præcipuas exhibent proprietates, (puta, Euclidis elementa, Sphærica Theodosii, Apollonii Conica, Archimedis de sphaera & cylindro, reliquæque) quæ nempe veritatum Geometricarum circa varias materias quasi totidem seminaria sunt, totidem promptuaria, de quibus innumeræ conclusiones, quæ ad istas materias pertineant respectivè, per facilem discursum eruantur; totidem velut elementa reliquarum ferme omnium propositionum inventiones ac probationes ingredientia; totidem denique *κρίσιρα*, vel quasi Lydii lapides, ad quos reliquarum veritas examinetur & exigatur. In aliis disciplinis secus accidit plerumque. Nam principia si quæras, nunquam deprehendes, aut saltem reperies cum conclusionibus indiscretè permista, confusaque; planè tanquam *Æneæ* toto disjectas æquore classes. Id quod animum studiosi valde turbat, & impedit scientiam: Nam bene * Proclus, *εἰ τις εἰς ταῦτα συμψύχῃ τὰς τε ἀρχαίς, καὶ τὰ ἀπὸ τῶν ἀρχῶν, ὥστε ὅτι ταυτὶ τὸν σύμψυχον γινώσκῃ, καὶ συγνοῇ τὰ μηδὲν προσήκοντα ἀλλήλοις*. Nec ipsarum propositionum ullum ordinem, ullam fere connexionem observabis; adeò ut singulæ cuiusque propositionis originem ad prima principia persequi nequeas, nec adeò tibi certo constare possit, utrum vera sit necne; at juxta dictum Hieroclis, *ἡ μετὰ θεοῦ ἀγλαοζήτης* τῶν κρίσεων, rerum transpositio iudicium decipit at pervertit. Tam nulla pro-

* Lib. 2.
pag. 22.

prostant elementa passim ob omnibus agnita, communique suffragio stabilita, ad quæ discursus omnis referatur, è quibus petatur inventio theorematum, & quæstionum resolutio; per quæ denique propositionum veritas exploratur. Ultimò, de Mathematicis observari potest, quòd res tantummodò sibi compertas attingunt, ignotas & incertas prætereunt. Non proſtèntur omnia scire, nec affectant de omnibus dicere; quæ vera sciunt & invictis argumentis alſtrere queunt, ea proferunt & theorematibus includunt, de reliquis tacent, & abſtinent ſententiam; malentes inſcitiam ſuam agnoſcere, quàm temerè quidvis affirmare; nihil immiſcent, aut inferunt argumentationibus, vel aſſertionibus ſuis non planiſſimè perſpectum, & extremo cum rigore exploratum; conjecturas omnes probabiles, & bellas argutias rejciunt; authoritati nil deferunt; affectibus nequaquam indulgent, verborum illecebras deteſtantur; ſententias ſuas efferunt, ut in Areopago, *ἀπὸ τοῦ ἀνδρὸς καὶ τοῦ ποιοῦντος*. Illo pacto ſuas ſcientias ab omni labe vel erroris, vel dubitationis conſervant immunes & incorruptas. In reliquis, quas appellant, ſcientiis certis dubia, compertis præſumpta, maniſeſtis obſcura, vera falſis promiſcuè confunduntur. Omnia proponunt ſibi diſcutienda, explicanda, decidentia, juxta quæ ſciunt, quæque ignorant; cum certas rationes afferre nequeunt, qualeſcunque conjecturas proferunt, pulchris coloribus inſucatas; divinant ſæpius quàm demonſtrant; denique quaſi de noſtris cauſas agunt quàm poſſunt diſertiſſimè; & quæ probare nequeunt, ſtudent perſuadere.

I

Sed

*Rationes,
quæ à Geo-
metriis ad-
feruntur,
non perſua-
dent, ſed
cogunt.
Sen. l. Qu.
Natur.*

Sed vereor, nè collationis hujus prolixius & crassius institutæ pigere vos incipiat. Ex quâ tamen utcunque liquere potest qualis sit apud Mathematicos ratio demonstrandi; nempe talis, quod cum res sibi suscipiant contemplandas, quarum in animo claras & distinctas ideas habent; hæcque propriis, adæquatis, invariatisque nominibus designent, ad ipsarum indagandas affectiones, & veras de iis conclusiones compingendas, tantummodò notissima, certissima, paucissima quædam axiomata præmittunt; hypotheses itidem paucissimas præstruunt, & rationi summopere consonas, nec à sanæ mentis quolibet recusandas. Generationes etiam, seu causas adsignant à nemine non intelligendas facile, non promptè admittendas. Ordinem denique servant exquisitum, ut nulla propositio non liquidò consequatur à prius positis ac probatis; rejectis demum omnibus, utcunque verisimilibus & speciosis, quæ tali modo colligi deducique nequeunt. Hujusmodi verò argumentatio quin propriè sit demonstrativa, scientiâque pariat, qualis capax est humana mens, certissimam, neminem videri possit iturum inficias, aut addubitaturum concedere. Nam si, quas adsumunt, præmissæ sint adeò certæ, ut nemo tam effrons sit, illis qui contradicere sustineat, aut ipsas ausit in dubium revocare; si legitima quoque sit inferendi ratio, Logicæ ad infallibilem amussim exacta; quid obstat quò minùs illatæ conclusiones sint necessariò veræ; discursus ipse summo jure dicatur demonstratio; ejusque effectus, hoc est in animo residens habitualis cognitio, meritò habeatur sci-

Lect. V. *Mathematica.*

75

scientia? At nihilominus quidam adeò subtiles fuerunt olim, & jam sunt, ut negaverint Mathematicas esse verè scientias, & veras in illis demonstrationes reperiri; quibus deducti rationibus, cum jam non vacet, proximâ lectione, dispiciemus.

L E C T. V.

Peractis quæ de Mathematicum objecto, nec non de partitione succurrebant differenda; postremâ Lectione de modo, quo circa suum objectum versantur, occepi dicere. Quem utique non abs re duxi, ex instituta harum cum aliis disciplinis collatione quadantenus illustrare. Et Mathematici quidem discursus efficacia quibus præsertim ex fontibus promanet, haud obscure hinc insinuavi, ejusque firmitatem adserui *κατασκευαστικὸς*. Nunc *ἀνασκευαστικὸς* agendi partes obveniunt; incumbitque nobis *τὴν ἐξ ἐναντίας*, Mathematici ratiocinii certitudinem & præstantiam impugnantium, impetus sustinere, captionibus occurrere, tricas expeditare. Ad rem.

Mathematicas scientias, Aristoteles appellat *ἀκριβοῦς ἀληθείας*. Idem *ἀκριβολογίαν*, exactam differendi rationem, seu peculiarem illis attribuit; hisque consentanea passim innuit, atque supponit; nullusque dubito, quin ad has potissimum attendendo, demonstrationis quam primus tradidit doctrinam effinxerit, ad illam saltem illustran-

II. de Calo. cap. 7. Metap. I. cap. ult.

dam ac confirmandam ex his pleraque de-
 promit exempla. Nihilominus extiterunt olim,
 & haud pridem inventi sunt (etiam inter
 ipsos quod demiremur peripateticos, qui
 philosophiæ Aristotelicæ nomen addixerunt
 suum, æque ipso Aristotele, quantumvis in-
 vito & reclamante, videri volunt opinionis
 suæ firmamenta desumpsisse) qui Mathema-
 ticas esse verè scientias, quòdque verè den-
 tur in illis demonstrationes, non dubitârunt
 inficiari. Apud veteres quidem, præter
 Pyrrhonios, & Ἐπειρητικὸς (qui scientiam pa-
 riter omnem sustulerunt, & posse qualibet de
 re certi quicquam affirmari gravati sunt con-
 cedere, imò non veriti negare) præter hos,
 inquam, Epicuri grex Mathematicis præser-
 tim insensus, ipsorum principia convellere,
 demonstrationes studuit infirmare. Quo-
 rum ex hara prodeuntis Zenonis cuiusdam
 Sidonii Posidonius aggressiones integro vo-
 lumine perhibetur refutasse. Horumque
 nonnulli recentiores insistant vestigiis. Nos
 etsi vix πρῶτον ducamus hominum illuden-
 tiam aliis, nec suis ipsorum dictis fidentium
 (quique revera sunt in philosophia hæretici,
 hoc est αὐτοκατάκριτοι) cavillationibus re-
 fellendis multum subtilitatis impendere; ip-
 sorum utcumque rationes, hoc est è præcipuis
 unam, aut alteram, excutiemus. Ogge-
 runt primò, ut aliqua fiat demonstratio, de
 primarum propositionum universali veritate
 certò constare debet; hæc verò, sicut ipse
 docet & contestatur Aristoteles, non aliunde
 potest innotescere quàm ex inductione, hoc
 est ex observatione perpetuâ, perfectâque
 recensione singularium. Ex inductione verò
 colligi

Proclus,
 pag. 55.

colligi nequit universalis veritas propositio-
num; tum quoniam enumerando percurri
nequeunt omnia singularia (quippe quæ in-
finita, vel indefinitè multa possunt existere)
tum idèò quod inductio nititur sensu, qui
fallax & plurimis nominibus obnoxius est er-
rori; nec idoneus proinde testis est aut index
veritatis. Ergo nulla firma basis est extru-
endæ demonstrationi. Ad hoc palmarium
ἀρχαίον (quod nempe non Matheseos so-
lummodò, sed omnis scientiæ certitudinem
impetit) respondeo primùm illos seriò per-
contando, ipsorùmque pulsando conscien-
tiam, si detrahantur ab æqualibus æqualia
quòd superfutura sint æqualia, annon clarè
percipiant, sibi persuasissimum habeant; num
illius propositionis veritatem amplectantur
assensu firmò; vel de ea quicquam addubi-
tent, seu fidem illi habentes falli reformident.
Si dicant se dubitare, protinus inepti, deliri,
infani, scuticæ vel helleboro digni videbun-
tur omnibus, ipsissque velint nolint sibi. Sin
abnuere vel tergiversari nequeunt, ergò ve-
ritatem istam certò cognoscunt; quid enim
aliud designat cognitionis certitudo quàm
rem cognitam animo cognoscentis manifestè
veram videri, sic ut omnis formido contra-
rii penitus excludatur? At quomodo, scisci-
taberis, obvenit aut parabitur ista certitudo?
Respondeo, quicquid sit de modo, & quacun-
que ratione, seu per inductionem & multi-
plicem experientiam colligatur, seu ab insitis
animo notionibus exurgat, seu quâvis aliâ
viâ comparetur axiomatum certa notitia,
sufficit ejus nos intimè conscios esse; nos
illam menti nostræ indelebili caractere im-
pressam

pressam experiri: Nec enim de modo cognitionis obtinendæ, vel de certitudinis origine, sed de re ipsa, num habeatur, disquirimus & disceptamus. Nescio fortè modum sentiendi, num idcirco non video mihi posita ob oculos, non audio quæ feriunt aures meas, non tango quæ sunt præ manibus? Ità certus sum (irrefragabili, inquam, propriæ conscientiæ testimonio certus) me propositionis istius veritatem attingere; certus es etiam tu ipse * quicquid dissimulas, aut cavillaris; sed quomodo vel unde certus evaserim, non perinde scio, nec admodum refert ut sciam; saltem indicio sit rem certò cognosci, quodd de certitudinis acquirendæ modo quærimus, & contendimus. Sed videamus utcunque de modo certitudinis hujus adipiscendæ (istorum importunitati nonnihil gratificantes.) Circa quem primò de connatis notionibus haud quicquam affirmabo (fusiorem illa quæstio dissertationem exposceret, & extra oleas propositi nostri me abriperet longiùs) id saltem adverto, si verum sit quod sanè complures non infimæ notæ philosophi, Platonici sc. & Stoiciæ scholæ sequaces arbitrantur & contendunt acriter, ejusmodi dari φυσικὰς ἐννοίας. & προλήψεις, ceu veritatis || semina, nostris animis infitas à natura, quarum luminì non liceat oculis occludere, quarumque vi resistere nequeamus; hoc, inquam, posito, confecta res erit, & quomodo certi sumus facilè constabit, ἀδίδακτοι nempe vel αὐτοδίδακτοι, naturæ solius, magistræ fidelis, infallibili ductu instinctuque — Semel dixit nascentibus author quicquid scire licet. — Nec alià ratione primis istis decre-

tis

* Οὐ γὰρ
ἐστὶν ἀνασ-
κᾶσιον ἀπὸς
λέγει, ταύ-
τα καὶ ὑπο-
λαμβάνει-
ναι. *Arist.*
adv. Hera-
clitum in
Metaph.

|| Ἐπὶ π
ἀληθὲς ἡ
ψυχὴ ἐν-
νέειται, ἀ-
νάγκη ἀ-
ληθὴ ἐᾶν
παντὰ τὰ
σπέρματα
ἐμπερι-
τεμμένα
τῇ ψυχῇ.
Max. Ty-
rius Dis-
sert. 28.

tis aſſenſum præſtabimus, quàm quâ lapis terram petit, ſol lucem ejaculatur, ignis fomitem ſuum depaſcit. Sed hoc modo prætermiſſo, tranſeamus ad alios, ſi qui ſunt. Et quidem de ſenſu, quòd is bene ſecundum naturam comparatus, & affectus, ut ſit in plerisque ſanis, objecta quædam certò diſcernat; ſolem e. g. jam lucere, vel iſtum hominem adſtare, velle dubitare non cordati philoſophi, ſed inepti nugatoris eſſe videtur; ſeipſum juxta cum aliis ludificantis; ſuz, inquam conſcientiæ pariter ac aliorum omnium authoritati repugnantis (nemo enim non perfectiſſimam *συγκατάθεσιν* præſtat, non inconcuſſa animi *πληροφορία* acquieſcit à ſenſu perceptis) nè dicam hominis erga naturam injuſti, ingratique; ejus nimirum vel bonitati vel potentiæ derogantis, quaſi nos veri certò comprehendendi capaces aut noluerit, aut nequiverit efficere, ſed maluerit in perpetua rerum caligine cæcos palpare, inſtabiles jactari, vagos oberrare.

Ariſtoteles è contrà ſenſus proprium ſtatuit ut ſemper verax ſit. *Ἡ μὲν γὰρ αἰσθησις, de Anima, cap. 3.* inquit, *τῶν ἰδίων, ἀπὸ ἀληθείας, καὶ πάντων ὧν παρὰ τοῖς ζώοις.* Ego tamen quòd ſenſus aliquando fallax, hoc eſt, falſi judicii cauſa ſit (& quidem interdum ferè neceſſaria, ac inevitabilis) cùm aut ipſe malè, præter naturam & morbidè, diſponitur, aut objecta minus commodè exhibentur, non uſquequaque abnuerim. Quòd verò nunquam certò ſcopum aſſequatur, hoc eſt, nunquam rerum objectarum ſpecies ità menti repræſentet ut illa fidens ipſorum testimoniis falſò nequeat judicare, id verò ſeriò concedere, mihi nil

In Lucullo.

videtur aliud, ut modò dixi, quàm solenniter delirare, sibi vñ inferre, naturam infamare. Melius apud Ciceronem differit ille: "Suum ita clara iudicia & certa sunt, ut si optio natura nostræ detur, & ab ea Deus aliquis requiratur, contentane sit suis integris incorruptisquè sensibus, an postulet melius aliquid, non videam quid querat amplius — Est maxima in sensibus veritas, si & sani sunt & valentes, & omnia remouentur, quæ obstant & impediunt. Cui sententiæ quicquid ore profitetur, nemo non animo astipulatur. Sed quomodo sciam, regeres, quomodo distinguam an omnia rite comparentur ad certò sentiendum? Aio; non est operæ tuæ scire vel distinguere; ipsius rei evidentia necessario convinceris, & manus das; impulsu naturæ volens nolens in consensum adigeris. Atque dices, à sensibus multoties decipior; eum iridi veros colores inesse, cum remum inflecti, cum solem propinquum & parvum, cum quadratum longè distitum rotundà specie præditum sensu duce cogito. Esto; sed iridem apparere, remum aquæ insistere, solem, allucere, rem specie rotundà conspici, absoluta talia rectè percipis; relativas verò determinationes istas magnitudinis, distantia, figuræ discernere ac diiudicare non sensus est negotium, sed rationis; huic igitur, non illi tuus in his, quicumque sit, error debet imputari. Enucleatius hæc possem, & magis ad vivum refecare; sed nolo quæstioni penitus philosophicæ me ipsum altius immergere, vel a proposito longiùs evagari. Satis sit pro rato fixoque sumere ac supponere (id quod nemo revera non concedit, & cordiculus

Ἀεὶ καὶ ἐστὶν
ἐν τῇ φύσει
πρὸς τὸ εἶναι
λόγον.

Ἡμεῖς πρὸς
τὸ εἶναι λό-
γον καὶ αἰ-
δί. Post. cap.
10.

Ἡ γὰρ φύσις
τῶν φιλο-
σοφῶν καὶ
Εὐριπί-
δου, ἢ φρί-
δου, καὶ
ἑστὶν ἢ
καὶ.

tus amplexatur) sensus adminiculo quædam, et si non omnia, rectè perspicitur, certè judicari. Jam quid si fieri posse dicamus, ut mens humana (rectè constituta nec emota sicut in extremè fatuis, ac dementibus) nativâ facultate polleat universales propositiones intuendi, simili planè modo quo sensus discernit singulares? Nempe, sicut istarum propositionum veritas, Socrates existit, aquila volat, Bucephalus currit, à sensu immediatè perspicitur & quasi dijudicatur; ita istas; contradictoriæ propositiones nequeunt esse simul veræ; quòd aliquando capit existere, ab alio ducit originem; actio rem arguit existere (vel ut effertur vulgò, non ens nihil agit) & ejusmodi propositiones nostra mens (etiam sine prævia notione, nulloque adhibito discursu, vi suâ nativâ) directè speculatur & comperit esse veras; qui modus attingendi veritatem peculiari nomine vocatur νόσις, & ipsa facultas νῦς. Quid obstat verò quo minus tali facultate percipiantur Mathematicæ demonstrationis principia? Sed philosophus, aies, propositionum omnium universalium, etiam primorum principiorum, veritatem non aliunde colligi docet, quàm ex inductione. Sic enim ille: Οὐ

μὲν ἀλλὰ ἐκ τῆ διαρρεῖν πολλάκις τὸ το συμ- I. Post. A-
βαίνειν, τὸ καὶ δὲ αὖ διαρρεῖν αὖ ἀπὸ δι- nal. cap. 13.
ξιν εἶχον· Ἐκ γὰρ τῆ καὶ ἐκαστα πλειόνων
τὸ καὶ δὲ αὖ δῖλον. Et expressius; δῖλον δὲ, I. Anal.
ὅτι ἡμῖν τὰ πρῶτα ἐπαγωγῇ γνωρίζον ἀνα- Post. cap.
καίον· Καὶ γὰρ ἡ ἀπόδειξις ἐκ τῶν τὸ καὶ δὲ αὖ ἐμ- ult.
ποιεῖ. Et adhuc, si fieri potest, manifestius
in Ethicis ad Nicomachum: Εἰσὶν αἶροι αἶρ- Lib. VI.
χαί, ἐξ ὧν ὁ συλλογισμὸς, ὡς ἐκ τῆς συλλο- cap. 3.
γισμὸς,

πισμὸς, ἐπαγωγὴν ἀπα. Quibus consonant ex eodem desumptæ sententiæ; nihil est in intellectu quod non fuit prius in sensu: Intellectus adinstar se habet rasæ tabulæ; eoque redigas quæ apud eum reperiuntur talia:

Lib. de memor. cap. I.

Lib. III. de Anima.

Noεῖν ἐκ' ἐστὶν ἀνευ παρὰσματος; Et, Ἀναγόμεν' ὑμῶν ἐστὶν ἀν' ἡμῶν, ἐκ' ἐστὶν, &c. Ex quibus constare videtur in ea sententia versatum esse philosophum, quod scientiarum principia sensuum testimoniis, & singularibus experimentis omnino nitantur. Quod si verum esse concedatur, vix diffidendum sit inde aliquid decedere rigidæ certitudini, nec istâ hypothesi admissâ, quodvis humanum ratiocinium supra conjecturæ probabilis fastigium adscendere. Attamen ubi quævis propositio perpetuæ experientię deprehenditur consentanea (præsertim quæ non circa rerum accidentia versari videtur, at præcipuas ad proprietates, & intimam ipsarum constitutionem pertinere) saltem tutissimum erit, & à nobis exiget summa prudentia promptum ut ei consensum præbeamus. Sicut enim ille, quod nos vel semel decepit indicio fidem adhibere, non injuriâ postuletur inconsultæ temeritatis, ita quod millies exploratum expectationi nostræ quàm accuratissimè respondit, præcipuæ fuerit prudentię ei nequaquam diffidere, sed assentiri fortiter, mordicus adherere; præsertim cùm assensui roborando accedat naturæ sibi nunquam dissimilis constantia; & immutabilis sapientia primæ causæ, res cunctas juxta simplices ideas formantis, & certos ad fines dirigentis: quæ consideratio penè sola conficere potest, ut de crebris experientis

mentis confirmatà propositione, tanquam universaliter verà, certi esse debeamus, nec ut de illa subdubitando naturam esse fluxam, & rerum auctorem sibi fore disparem suspicemur. Imò nonnunquam hac de causà, propter naturæ constantiam, vel ex unico aliquo experimento prudenter colligamus universalem propositionem. ut notat Aristoteles, & appositissimo confirmat exemplo.

Ἐνία γδ εἰ ἐρωτῶμεν ἐκ αὐτῶν ἐζητῶμεν, ἐχ' ὡς εἰδότες πῶς ὁρῶν· Οἷον εἰ τῷ ὕδατι περυσμένῳ ἐρωτῶμεν, καὶ τὸ φῶς διόν· Δῆλον αὖν ὡς καὶ διὰ τὴν φωνήν, διὰ τὸ νοεῖν μὲν χωρὶς αὐτῆς ἐκάστης, νοήσαι δ' ἅμα ὅτι ἐπὶ πασὶν ὅτως· Unde vel hoc nomine (ut hæc applicemus nostro proposito) qui pronunciat Mathematice assensum detrectaverit, extremæ saltem imprudentiæ, hoc est fatuitatis & amentię, notam haud effugerit. Nec opus est ad demonstrandam Mathematici discursus efficaciam, ut amplius quicquam expetamus, quam ut præter dementes & insigniter stolidos, omnes eo constringantur.

Veruntamen, si rem ipsam ex vero, auctoritate seclusà, perpendamus, nulla ratio nos adiget ut fateamur Mathematica principia solà inductione, seu perpetuo sensuum testimonio niti. Siquidem notari potest imprimis, quòd si quempiam hominem sciscitemur cur aliquòd axioma Mathematicum credat esse verum, non respondebit, opinor, eo quòd ità multoties accidisse viderit & observarit, at verò forsàn nescire se causam cur credat, attamen obstinatè credere profitebitur; quòd indicium est aliunde quàm ex sensu derivari, qui Mathematicis axiomatis præstat, tur,

*I. Poss. A-
nal. c. 32.*

tur, assensum. Tum notari potest secundò, res plerasque Mathematicas, quamvis ex sensu de illis cogitandi sumamus occasionem, ipsas tamen immediatè directèque sensum non incurrere, sed quòd existant, & quales sint à sola ratione colligi dignoscique. Quis enim unquam vidit, aut ullo sensu dignovit exactam lineam rectam, aut circulum perfectum? Quis duas quascunque res exquisitè sibi congruas, aut invicem æquales animadvertit unquam aut attigit sentiendo? Tantum abest ut ipsarum attributa sensu compariamus, aut propositiones, in quibus attributa rebus annectuntur, universales ex eo colligamus. Aensione quidem, nec illa multiplice, sed unicà, deduci possit hypothesis Mathematicarum possibilitas: Quod v. g. possit inter duo assignata puncta duci recta linea: Sentimus enim ab uno ad alterum utcunque fieri posse progressum, in quo si quid inest asperum & à rectitudine deficiens, illud abradi possit, eatenus quidem manu nostrà, donec ad sensum recta videatur effecta linea; unde pari ratione colligamus licet, ex parte rei non repugnare, ne reliquæ asperitates seu exorbitantiæ lævigentur & corrigantur, adeoque ut linea perfecte recta constituatur. Similique ratione quòd quævis à Mathematicis tractata magnitudo possit existere, unica sensus observatio satis attestetur; quòdque possibles sint omnes hypotheses Mathematicæ, quòd magnitudines componi, dividi, moveri, spatium replere possint, non opus est ut longa dies doceat, sed unicum sensus indicium evicerit abundè. Ubi perstringi potest obiter illorum opinio, qui

qui figuras Mathematicas in sola mente, nec
aspiciam alibi rerum in natura volunt existere
(quod equidem miror viros alioquin Mathe-
seos apprimè peritos concedere; in quibus

Blancantus, cujus hæc verba sunt: "*Quamvis*
"*igitur resipsæ non existant (entia Mathematica)*
"*quia tamen tam in mente auctoris natura, quam*
"*in humana eorum idea, tanquam exactissimi*
"*rerum typi existunt, ideo de ipsis eorum ideis,*
"*quæ per se primò intenduntur, & quæ vera sunt*
"*entia, agit Mathematicus. Aliusque non*

nemo ex Mathematicorum sententia: "*Non*
"*est, inquit, in rerum natura ulla sphaera, quæ*
"*solum tangat x^{ti} sphaeræ; semper enim parte*
"*aliquâ superficiei suæ attingit subjectam lineam*
"*(superficiem) planam, quemadmodum Geo-*
"*metris objiciebat Protagoras, ut est apud Ari-*

stotelem. Quæ tamen sententia planè
falsa videtur, & ex superiori discursu per-
spicue refutabilis; eique quæ maximè adver-
satur, habetur mihi verissima; quod nempe
materiæ cuius particula reverà insint omnes
quotquot intelligi possunt, figura Geome-
tricæ; insint, inquam, actu, & perfectissime,
quamvis sensui non compareant, prorsus eo-
dem modo, quo sub rudi marmore delitescit
effigies Cæsaris, quam certe sculptor non de
novo producit, at solummodo profert in
apricum, aspectuque prodit poliendo, hoc
est, materiæ partes illam involventes, & ob-
umbrantes submovendo. * Ita si particula n

Sculptor ille nobilissimus, Sculpturam baud aliud esse dixit
quam purgationem à superfluis. Deme enim à ligno aut
lapide omne quod superfluum est, & reliquum erit imago
quam intendis. D. Watton de Architectura II.

Libro de
natura Ma-
them. p. 7.

Vossius de
Mathem.
pag. 4.

I. Metaph.
cap. 2.

* Unde
Michael
Angelus,

quam-

quamvis mundanæ materiæ, vacuo nusquam hiantem, manus angeli (Dei saltem potentia) dignata fuerit expolire, comparebit & oculis exponetur accuratè rotunda superficies sphaerica; non illa recenter procreata, sed è materiæ circumjacentis latebris, involucris, & curvis eruta, detecta, patefacta. Quinimò reverà quicquid ullo sensu attingimus, est figura Mathematica, quamvis ut plurimum irregularis; at nulla est ratio cur irregulares figuræ ubivis existant, regulares nusquam existere queant. Quod si ponatur hoc, (quòd sc. res Mathematicæ nequeant existere) actum erit quoque de istis ideis, seu typis in mente deformatis; erunt enim mera somnia, vel idola rerum nusquam existentium: sed hanc quæstionem jam fufids persequi non vacat; è diverticulo repetamus iter institutum, hoc est, inquisitionem de modo parandæ certæ Mathematicorum axiomatum notitiæ; qua de re proponam ultimò; quòd, Fieri potest ut propositionum quarundam veritas nec ab immediato mentis intuitu, nec à crebra sensus observatione, nec ab anticipatis notionibus inclarescat, sed ex ipsâ terminorum significatione declarata, seu ex suppositâ manifestè possibili, & sensus suffragio consentanea, rei generatione, per implicitum quendam, & quasi virtualemente discursum, intuitivæ notitiæ affinem, deducatur. Quomodo se res habere videtur in plerisque pronunciatis Mathematicis. E. g. Quòd totum parte suâ majus sit, aut, Pars toto minor, satis evidentè consequi videtur, ex intellecto vocabulorum totius, & partis, majoris, & minoris proprio

fig-

ſignificatu. Siquidem per majus altero denotatur id, quod alteram rem continet, aut alteri rem æqualem, aliquidque præterea; per minus altero id quod, vel id cui æquale, continetur in altero ſic ut aliquid præterea ſuperſit. Totum verò ſtrictius designat id quod continet aliud, & aliquid inſuper; pars, id quod continetur in alio, ſic ut illo ſublato remaneat inſuper aliquid. Ex quo liquet majus reſpectu totius, & minus reſpectu partis, vi ſignificationis vocabulorum, ſe habere ut genus ad ſpeciem, ſeu magis univerſalis nominis ad nomen minus univerſale; proindeque juxta Logicæ regulas inſallibiles, recte prædicari, Totum eſt majus; Pars eſt minor.

Hand abſimiliter æquales fore magnitudines, quæ eidem alteri magnitudini æquantur, ex æqualitatis, quæcunque ſtatuatur, notionem ſtatim, opinor, eluceſcet. Ut ſi cum Apollonio, cùmque * aliis nonnullis, ponatur alteri æquale designare, quod alteri collatum per omnia congruet, hoc eſt idem ſpatium replebit, eundem locum occupabit; inde per *ἀσχυοισιν* quandam, celerrimo mentis ictu, diſcurſuque velut instantaneo conſequetur dictum axioma: Poſito quippe magnitudinem quamvis A occupare locum χ , & ipſi æqualem B propterea (ob ſuppoſitam ſc. æqualitatis ſignificationem) eundem locum χ occupare; item ipſi A æqualem eſſe C, & proinde C locum χ etiam occupare, quoniam oſtenſum eſt B & C eundem locum χ occupare, erunt B & C æquales itidem ex dicta definitione vel ſignificatione æqualitatis præſuppoſitâ. Niti quidem poterit hujus-

Apud Pro-
clum, pag.
54.


** Hobb. in*
Philof.

huiusmodi discursu certa cognitio istius axiomatis, at illum mens exerit nullo negotio, & quasi virtualiter potius quam explicitè; quem quidem discursum à præclarissimo Geometra Apollonio excogitatum sugillat Proclus, ita tamen ut si tanti res foret, & opportune fieri posset, haud difficile videatur magnum virum à censura vindicare. E quibus obiter adverti potest axiomatum plerorumque veritatem resolvi in definitiones, seu explicationes terminorum, aut vocabulorum quibus efferuntur, & ab iis confectari ceu porismata facili quodam & tacito ratiocinio; quas tamen definitiones Geometræ propter nimiam solent evidentiam negligere. Οὐ

*I. Analyt.
Eab. c. 10.*

λαμβάνει τι σημαίνει, τὸ ἴσα ἀπὸ ἴσων ἀρτλῶν, ὅτι γινώσκωμεν, ait Arilloteles. Simili modo pronunciata quædam per implicitum discursum elici possunt, ex supposita rei subiectæ generatione. Ut posito circumulum oriri ex rectæ lineæ circumductu, uno rectæ istius extremo, quod centrum dicatur, fixo permanente, inde subito, mente vix parum peragitata, infertur ejusmodi pronunciatum, omnes à circuli centro ad ambitum ejus ductæ rectæ lineæ sunt æquales inter se. Item quod quæ rectæ lineæ se non intersecant præterquam in unico puncto, ex generatione rectæ lineæ præstratæ, per tacitam quandam argu-

mentationem velut imprudentes colligere videamur. Scilicet cum recta lineæ AB producta



ducta (concipiatur ex continuo) lineam B F interſecat, non niſi in puncto A eam interſecare poſſit. Non opus eſt ex aliis edificere hæc principia, quàm ex vocabulorum quibus conſtant, definitionibus, ſeu explicationibus. Sed hætenus diſſertatum ſit adverſus præcipuum *Ανάλυſιν*, quo Mathematicarum demonſtrationum certitudinem evertere conantur adverſarii; quam diſputationem claudo Luculli verbis apud Ciceronem: *Necceſſe eſt ut Lantem in libra ponderibus impoſuit deprimi, ſic animum perſpicuis cedere.*

Sed aliam præterea machinam admovent, non certitudinī quidem ac evidentiæ, ſed dignitati atque præſtantię Mathematicarum detrachere ſtudentes. Quod enim Mathematici diſcurſus non ſint demonſtrationes, ſcientificæ, potiſſimæ, perfectæque inde conſtituntur inferre, quod cum ſcire ſit rem per cauſam cognoscere; (ſecundum Ariſtotelis effatum, *ἐνταύτῃ οἷον ὅτι τὸ πρῶτον ἐστὶν αἰτία*) Mathematicus tamen (iſſiſſima ſunt verba Pererii, non ignobilis Peripatetici) neque conſiderat eſſentiam quantitatis, neque affectiones ejus tractat, prout manant à tali eſſentia; neque declarat eas per proprias cauſas, per quas inſunt quantitati, neque conſicit demonſtrationes ſuas, ex prædicatis propriis & per ſe, ſed ex communibus & per accidens. Sic illi. Quibus reſpondeo, quas demonſtrandi legum conſultiſſimus Ariſtoteles ſcientificas demonſtrationi præfigit conditiones, illas Mathematicis ratiociniis apprimè congruere. Exigit iſ, ut præmiſſæ ſint univerſaliter ac neceſſariò veræ; quæ verò fortior cogitari poteſt neceſſitas illa, quam præ ſe ferunt

ferunt axiomata Mathematica, quarum æterna est, & immutabilis veritas? Vult ut primæ sint ac immediatæ, hoc est, ut nullo præcedente argumento, nulla præviâ notatione comprobentur; quis non videt hoc iisdem pronunciatis convenire, quæ *ceci* *non* comprobant, sed assument? Præcipit etiam ut notiores, & evidentiores sint illatæ conclusiones; atqui notissima sunt & manifestissima ista decreta, nemo ququam ut sit, qui simul ac audierit & intellexerit, non statim assentiatur; & notiora quidem conclusionibus deductis, quia per illa, adhibito legitimo discursu, constat de harum veritate. Denique requirit, ut causæ sint conclusionis: Quæ conditio dupliciter accipi potest; vel tantum ut in illis contineatur ratio, propter quam conclusiones necessariæ veræ credantur, & assensus certò producat (hoc est ut medius terminus assumptus obtineat qualemcumque necessariam connexionem cum terminis ingredientibus conclusionem); vel strictius, ut adhibitus iste medius terminus plusquam necessarius effectus, & certum signum, nempe propria causa sit attributi, vel proprietatis, quæ de subiecto prædicatur in conclusione. Quod autem ista conditio priori modo intellecta, conveniat præmissis cujuscunque syllogismi Mathematici, non est ulla ratio quod dubitemus, siquidem nullus est eorum qui non assensum validissime cogit atque constringit; neque consequitur hoc ex eo, quod præmissæ necessario veræ sunt (aliàs enim eas non admitterent Mathematici); ista verò necessitas arguit subesse terminorum essentialem

rialem inter se copulam, causalemque dependentiam, in qua fundetur; cum accidentia sic comparata sint, ut separari possint, & accidentalia proinde predicata non nisi contingenter subiecto tribuantur. (cfr. Aristot. *Metaphysicæ* lib. 9. c. 10. & *Physicæ* lib. 2. c. 12.) Et huiusmodi quidem argumentatio quælibet parit scientiam ad minus ratiōnem, censeturque demonstratio, (quod clarissime convincit animum, & validissime confirmat veritatem) sed inferior & ignobilior, quoniam ex effectu vel ex signo, non ex causa, monstrat rem ita se habere. Nullus igitur discursus Mathematicus non hucusque scandit assurgitque. Ceterum quod posteriori modo sumpta prædicta conditio multis etiam congruat Mathematicis rationibus, hoc est, quod in iis adsumptus medius terminus instar habeat alicuius causæ respectu proprietatis in conclusione subiecto attributæ; primū auctor est nobis Aristoteles. (is nempe, qui sicut aliquoties dictum, demonstrationis naturam accuratissime perspexit, & uberrimè pertractavit, & cuius proinde in hoc negotio auctoritas plurimi est facienda) is, inquam, causalium demonstrationum ex Mathematicis disciplinis exempla petit, omnium, quæ profert, clarissima, firmissimæque, forsitan & sola. E.g. pro demonstrationis ex causa utraque materiali & formali desumptæ exemplo adducit illud celebre theorema, quo sc. angulus in semicirculo rectus demonstratur. Et differt scientias mixtas, vel physico-mathematicas, quas vocat *ἐκτετακταις*, quæ puris con-

I. Pos.
cap. 6.

II. Pos.
cap. 11.

* I. Pos.
cap. 13.

I. Post.
cap. 14.

ferens ita proloquitur: *Ἐνταῦθα ὅς τὸ μαθηματικὸν εἶναι, τὸ δὲ δὴν τὸ μαθηματικόν.* Item rursus de primæ figuræ syllogismis verba faciens: *Αἴτι δὲ (inquit) Μαθηματικὰ τὸ ἀριθμητικὸν διὰ τὸτε ἀριθμὸς ἀποδείκνυται, καὶ ὅτι, ὅς εἶναι, ὅτι τὸ δὴν νοῦν ὅτι οὐκ οὐκ.* Ubi demonstrationes Mathematicas supponit esse præsertim dioticas, seu causales. Verum, auctoritate dimissa, ut ex rei veritate disseramus, Mathematicas demonstrationes fore cum primis causales, inde videtur constare, quod conclusiones suas non adstruant aliunde, quam ex pronunciatis præcipuas & generalissimas omnium quantitatum affectiones exhibentibus; & ex definitionibus specialium magnitudinum generationes constitutivas, & essentielles passiones declarantibus. Unde quæ ex ejusmodi præstratis principiis emergunt propositiones, ex intimis istarum rerum essentis, & causis promanent oportet. At nimio prolixior sum & gravis vestræ patientiæ, si quomodo causales sunt ex principiis istis Mathematicis ortæ demonstrationes, nunc aggrededer distinctius explicare; nec non quod hujusce disputationis reliquum est nunc absolverem. Itaque reservo.

LECT. VI.

Mathematicæ evidentæ ac certitudinè consultum est aliquatenus lectione proximæ superiori; restat ut ipsarum dignitati

tati succurramus, quòdque reverà scientificæ
sint, potissimæ, causales, & quomodo distin-
guis exponamus; necnon ut præcipuis, quas
adversarii pertendunt, instantiis occurramus.
Quod modum attinet causalitatis, notemus
imprimis cum Aristotele, quòd in omni de-
monstrativa scientia tria potissimum conside-
rentur; subjectum, cujus illa necessarias
passiones contemplatur, investigat, demon-
strat; communia pronunciata, quorum sub-
sidio quærit, & demonstrat passiones de sub-
jecto; & passiones ipsæ, de subjecto demon-
strandæ. Πᾶσα δὲ ἀποδεικτικὴ ἐπιστήμη 1. Post.
οὕτως ἐστίν, ὅσα τι ἴδιον ἔχει. Ταῦτα cap. 10.
δ' ἐστὶ, τὸ γένος. ἢ ἢ καθ' αὐτὰ πθημα-
των ἐστὶ θεωρητικόν. Καὶ τὰ κοινὰ, ἃ λέγο-
μεν, ἀξιώματα, ἐξ ὧν πρώτων ἀποδεικνύσθαι
καὶ πῶς, τὰ πᾶσι, ὧν τι σημαίνει ἕκαστον
λαμβάνει. De subjecto Mathematicarum
demonstrationum nihil occurrit admodum
observabile, nisi quòd id semper aliqua sit
species magnitudinis, specificata, determi-
nata, discreta ab aliis per aliquam recipro-
cam proprietatem, ut mox explicabimus;
ex. g. Linea recta, angulus, triangulum, cir-
culus, cubus, sphaera, &c. sunt subjecta de-
monstrationum Mathematicarum. De pas-
sionibus verò demonstrandis observo, quòd
illæ duplicis generis sint; communes & pro-
priæ. Communes sunt, quæ subjecto con-
veniunt, necessario quidem, at non soli,
atque ità ut aliis quoque subjectis verè tribui
possint. Ità triangulo isosceli convenit ha-
bere tres angulos pares duobus rectis, qua-
drato habere quatuor rectos angulos circuli
circumferentiz secari à recta linea non nisi
duobus

duobus punctis; nam etiam Scaleno triangulo accidet habere tres angulos pares duobus rectis; & parallelogrammo oblongo habere quatuor angulos rectos; & innume-
 ris curvis lineis, præter circuli circumfere-
 tiam, non tectari a recta linea præterquam
 duobus punctis. Unde patet huiusmodi pas-
 siones non ex speciali natura subjecti sui, sed
 ex magis universali quâpiam ratione proma-
 nare, quæque convenient illi non imme-
 diatè, sed quatenus illud sub alio superiori,
 latiorisque genere magnitudinis comprehen-
 ditur. Deinde huiusmodi passionibus neutiquam
 ingredi definitionem illius specialis subjecti,
 nec illi determinando sufficere, quum amplio-
 res sint; & illis positis subjectum poni mi-
 nime consequatur. Passiones autem pro-
 priæ soli subjecto convenient, cumque eo
 reciprocantur omnino, sic ut illis possit
 etiam subjectum necessariò statuatur. Ità
 circulo soli convenit, inter omnes figuras,
 ut pares radios habeat, & quæcunque figura
 pares à centro ad perimetrum radios emitit,
 est circulus. Eisdemque sic congruit ut à
 sumpto in diametro puncto quolibet, ac inde
 excitatà ad dictam diametrum perpendicu-
 lari recta, quæ circumferentiæ occurrat, in-
 tercepta rectam quadratum æquetur rectan-
 gulo ex segmentis diametri (vel ut intercepta
 recta sit media proportionâlis inter segmen-
 ta diametri) congruit, inquam, hoc circulo,
 & cuicunque figuræ convenit hoc, illa circulus
 est. Item ut ab extremitate diametri ducta
 ad ejus ambitum rectæ lineæ rectos semper
 angulos constituent, convenit circulo; &
 vicissim cuicunque figuræ convenit ea passio,
 illa

illa circulus erit. Ita quoque parallelis rectis
lineis reciproce convenit, ut illæ indefinitè
productæ nunquam concurrant; ut illis infi-
nitens alia recta faciat angulos alternos æqua-
les, vel externos internis æquales, vel inter-
nos æquales duobus rectis; utque interceptæ
quælibet rectæ, ad æquales angulos ductæ,
sint æquales inter se; ac ut interceptæ æqua-
les rectæ faciant cum illis æquales angulos.
Ex quibus constat, ab huiusmodi passionum
qualibet subiectum determinari, & circum-
scribi; & proinde quamlibet
earum subiecto definiendo rectè
supponi, vel adsumi posse; *Refragatur his Ari-
stoteles Top. VI. 5.*
quippe cum hæ tam essentiali, *Παρά τις (inquiens) ex*
arcto, reciproco nexu inter se *ἐν τῷ αὐτῷ ὁρίσ-
μῳ ὁρίσμενός ἐστι.* Sed
necessariò consequantur. Inde *οὐδὲν ὁρίζεται, juxta dictum*
quoque liquet has passiones ex *ἑαυτοῖς, at nunquam*
parte rei fore *ἑαυτοῖς, coor-*
dinatas, & simul-taneas naturæ *ἵσταναι λανθάνον, ὁποῦ*
(*ἀντιστοιχείας, καὶ τὴν αὐτὴν ἐστὶν*
ἀντιστοιχείαν, καὶ τὴν αὐτὴν ἐστὶν
ἀντιστοιχείαν, καὶ τὴν αὐτὴν ἐστὶν
magis, quàm illam ab hac de-
pendere. Quòd & inde clarè
confirmatur, quoniam habitò ad istas passio-
nes respectu subiectum diversimodè potest
generari; ut circulus nedùm ex rotatù lineæ
rectæ, sed etiam ex ductu perpendicularium;
ex angulorum rectorum effectione, totque
aliis omnino modis, quot habet ejusmodi re-
ciprocas passiones. Deque reliquis magni-
tudinibus specialibus eadem est ratio. Sin
una quædam talis passio præ aliis arbitrariè
susciplatur ad subiecti definitionem, eatenus
illa causæ rationem subit; & harum respectu,
quo-

quoniam illius ceteri medii interventu reliquæ per necessariam consequentiam resultant; & notificantur. Ut si circulus definiatur ex paritate radiorum, inde demonstrabitur interceptam perpendicularis quadratum æquari rectangulo ex segmentis diametri; & quod anguli in semicirculo recti sint; eritque proinde paritas ista harum passionum origo, quoad modum nostri discursus. Sin, ut fieri possit, circulus definiretur figura tali proprietate prædita, quod assumptâ quavis rectâ, erectâque utcumque additam perpendiculari ad figuræ perimetrum terminatâ, quadratum illius perpendicularis æquetur rectangulo ex segmentis dictæ rectæ; vel si definiatur circulus ejusmodi figura, in quâ sumptâ quavis rectâ, rectæ ab ejus extremis ad figuræ perimetrum quomodocunque ductæ rectos angulos constituent; ex harum postremarum definitionum utralibet prior illa passio, nempe paritas radiorum, faciliè deducatur & demonstretur; eritque propterea paritas ista velut effectus dictarum passionum respectivè, ejusque cognitio dependebit ab illarum notitiâ discursui præstratâ. Pariterque, si definiantur rectæ parallelæ ab æqualitate angulorum alternorum factorum ab insistente rectâ, ex illâ ceteri causa reliquæ prius memoratæ parallelarum proprietates orientur. Haud diffiteor ex his reciprocis passionibus alias quasdam aliis simpliciores & evidentiores; magis obvias & manifestius possibiles videri, quomodo paritas radiorum reliquis circuli, quas commemoravi, proprietatibus facilior videtur & clarius, quoniam ex generatione per radii circumductum faciliè

LEVI VI. *Mathematicæ.*

limè effectibili planè deducitur: Et Euclidi
visà est; (licet infelicitè, ut nonnulli pu-
tant, in quibus ipse propter multas rationes
nomen profiteor meum) negativa proprietas
ista parallelarum; quòd nunquam coeant
quantumvis protrahæ, omnium, quæ paral-
lelis multæ competunt, proprietatum facil-
lima, clarissimæque; nec non agnosco quòd
expediat à facilioribus, magisque familia-
ribus istis passionibus argumentandi initium
sumere, hoc est, ab illis potius quàm ab aliis
quod contemplamur subiectum definire; cir-
culum, inquam, e. g. potius ex radiorum pa-
ritate, quàm ex quadrati cum rectangulo, ut
supradictum, æqualitate definire. Quoad
captum nostrum, fateor, hoc præstet; ac per-
inde fuerit ad ipsius rei naturam attendendo,
unde discursum auspicemur; quemcunque
catenæ annulum apprehendas, tota sequetur,
at illum quàm magis obuius & præ manibus, ex
usu censemus arripere. Se res habet ut in
progressu circulari; à quocunque circumfe-
rentiæ puncto ordiaris cursum, universam
emetieris. Talis est revera nec alia causalitas
& dependentia mutua terminorum demon-
strationis Mathematicæ; arctissima scilicet
& intima connexio ipsorum inter se; quæ
causalitas formalis utcunque dici potest, eò
quod ex una proprietate primitus assumpta
reliquæ passionès velut ex forma resultant:
Nec aliam in rerum natura causalitatem exi-
stere puto, in qua necessaria consecutio fun-
datur. Crepant quidem Logici demonstra-
tiones nescio quas ab externis causis efficiente
vel finali, cuiusmodi tamen nullum genuinum
exemplum exhibent, vel exhibere possunt.

imò

amo quales, ut ego quidem existimo, repug-
 nat dari. Nec enim illius externæ, puta
 efficientis, causæ cum suo effectu talis esse
 potest connexio (saltem à nobis nulla talis
 intelligi potest) propter quam à posita causâ
 efficiente necessariò poni effectum; vel ab
 effectu posito determinatam aliquam causam
 statui, strictè loquendo, licebit arguere. Si
 quidem in rerum natura nulla datur (quæ
 philosophicæ sit *ex causa*) efficiens causâ
 prorsus necessaria; omnis enim efficiens
 causæ tum actio, tum actionem consequens
 effectus pendet à liberrimâ voluntate, sum-
 mæque potestate Dei O. M. qui pro suo arbi-
 tratu prohibere potest influxum & efficaciam
 cuiuscunque causæ; itémque nullus est ef-
 fectus sibi causæ alligatus, quin ab aliis for-
 san innumeris possit produci. Ergo fieri po-
 test, ut huiusmodi causâ sit, nec effectus subse-
 quatur; vel ut effectus sit, & nulla peculiari
 causâ quæquam conferat ad ejus existentiam.
 Unde ab efficiente causâ ad effectum, vel per-
 mutatim ab effectu ad causam nulla datur
 argumentatio legitimè necessaria. e. g. Ex
 eo quod ignis sit, haud consequitur necessariò
 fomitem appositum ustulari, vel fumum
 emitti; de facto secus accidisse certis ex hi-
 storis habemus compertum. Neque vicis-
 sim ex cinere vel fumo necessaria colligatur
 ignis existentia: Nam posse cinerem & fu-
 mum immediatè creari à Deo, vel aliis modis
 produci quis addubitet? Fortè dices cinerem
 & fumum relationem ad ignem intrinsecam
 connotare; respondeo breviter, ex eo sup-
 posito fiet ut procedat argumentatio non à
 causâ efficiente vel effectu, sed à causâ vel

cau-

causato formali; ac saltem ejusdem naturæ
res, eademque specificæ, ut loquuntur, qua-
lis est cinis, vel fumus potest circa ignis effi-
cientiam existere, aliisque ex causis oriri;
id quod facit ad nostrum propositum. Nec
ex altitudine solis, omnino demonstret Astro-
nomus ejus morari supra horizontem, aut
tempus diei præterlapsum; legimus enim
aliquando fixum in cœlo solem, legimus &
subinde retrogressum. Item ex eo (exem-
plum est demonstrationis ab efficiente causa
celeberrimum, & tritissimum apud Aristote-
lem, & reliquos Logicæ scriptores) quod
tellus intercedat soli, non sequitur lunam
pati luminis defectum; nam volente Deo
solares radii telluris corpus permeabunt;
aut à recto tramite declinantes, adeoque
terræ non occurrentes, Lunam attingent,
vel aliunde luna luce perfundetur: Imò po-
sito sole non ponitur lumen; nam sane cum
Dominus noster oppeteret mortem, & mundi
lux melior occideret, ipse sol horrore facti
perculsus, & pudore quasi suffusus, suos intra
se radios recepit, & faciem suam occultavit;
sol, inquam, meridianus deliquium perpeffus
est, nullâ lunâ intercipientem lucem ejus, nullâ
nube ipsius fulgorem offuscante. Ergo non
ex interfectu corporis opaci concludi poterit
eclipsis, nec vicissim ex hac iste: juxta na-
turæ sateor legem & consuetudinem nun-
quam non ex talibus causis tales prodeunt
effectus; quod condomandum sit Aristoteli
naturam arbitranti intrinsecæ necessitati
suppositam, nec externæ superiori potestati
obnoxiam; sed revera aliud est accidere na-
turaliter, aliud necessario existere. Enim-
verò

Ἡ σελὴν
ἐμπρο-
σθεν τοῦ
ἡλίου. Τὸ
ἵδιον ἐμπρο-
σθεν τοῦ
ἡλίου
ἄρα ἐκλεί-
πει. *Pli-
top. in 1.
Post.*

71. *Ethi-*
rum. cap. 3.

1. *Ana-*
Post. cap. 8.

verò necessariz propositiones veritatem habent universalem, immutabilem, æternam, arbitrio nulli subditam, nullâ potentia impediendam. Aristoteles. Ἐξ ἀνάγκης ἐστὶ τὸ δῆλον τὸν Αἰδὸν ἀρεῖ. Ταῦτ' ἐξ ἀνάγκης οὐκ ἄλλως αἰδία πάντα. Ταῦτ' αἰδία ἀγέννητα, καὶ ἀφθάρτα. Idem. Ἀνάγκη καὶ τὸ συμπέρασμα αἰδίων ἐστὶ τὸ ἀποδείκναι. Itaque quoniam agentium efficacia fitti, vel immutari potest, & effectus omnis à variis causis potest proficisci, non dabitur ulla demonstratio ab efficiente causa, vel ab effectu. Et par est ratio de causa finali, & mediis ei respondentibus; posito nempe fine, neutiquam consequuntur media quævis determinata; neque positis mediis finis resultabit necessarium. Ex quibus confectatur nihil esse quod miremur nullas in Geometria dari demonstrationes à causâ effectrice, vel finali deductas, sed omnes à forma, & internâ rei constitutione per definitionem expressa procedere. Nec non iniquè facere eos, qui tales à Mathematicis demonstrationes exigunt, quales ipsi ne quidem in somnis ulla viderint, qualiumque nusquam extet vola, vel vestigium. Sed de ista re satis. Ex antedictis verò consequitur syllogismus in quo una passio essentialis cum alia connectitur, vel ab alia inferitur, esse demonstrationem causalem, ex causa nempe formali deductam. In exemplum proponatur talis syllogismus. In omni figura pares habente radios quadratum ex perpendiculari æquatur rectangulo ex segmentis diametri. Figura Z pares habet radios (ex hypothesi sc. aut ex ostensis) ergo in figura Z quadratum ex perpen-

diculari

discolari æquatur rectangulo ex segmentis
 diametri. Ibi passio quædam, æqualitas sc.
 quadrati cum rectangulo, demonstratur de
 subjecti figura, per æqualitatem radiorum;
 quæ respectu ejus est causa formalis, ut
 supra expositum est. Talis etiam sit hic syl-
 logismus. Rectis lineis nunquam conveni-
 entibus insitens recta linea facit angulos al-
 ternos æquales. At rectæ lineæ A, B, nun-
 quam conveniunt inter se (ex hypothesi puta,
 vel ex prius demonstratis) ergo, rectis lineis
 A, B, insitens recta linea facit angulos alter-
 nos æquales. Sed de passionibus demon-
 strandis hæc sufficiant animadversa. Quoad
 pronuntiata observo, quod illa vel omnibus
 quantis lineis, superficiebus, corporibus, an-
 gulis, & propter hæc numeris, moribus,
 ponderibus, temporibus, & reliquis secu-
 ndario quantis conveniunt; vel specialibus
 quantis peculiariter congruunt; ista com-
 munita nuncupare licet, hæc propria. Com-
 munita pronuntiata quasdam indicant om-
 nium quantitatum essentielles passiones adeo
 simplices & claras, ut vix per alias ex hypo-
 thesi priores demonstrari possint, saltem de-
 monstratione non indigeant. Ita quantis
 omnibus absolute convenit, ac de his pronun-
 tiari potest, quod quantum divisibile est in
 quanta homogenea (hoc est linea in lineas,
 superficies in superficies, corpus in corpora;)
 quanta homogenea componi vel sibi addi
 possunt. Quanto minori subtrahi potest
 æquale quantum a majore quanto. Omnis
 magnitudo spatium replere potest ad æqua-
 tum sibi. Omnis magnitudo determinati
 situs capax est; potest quiescere, potest mo-
 veri,


veri, motu quovis; directo, in gyrum; uniformi, difformi; veloce, tarde. Huiusmodi quidem absoluta pronuntiata subticentur; Geometris ob nimiam evidentiam; ac subintelligi debent ob alia pronuntiata, propterque definitiones magnitudinum specialium, & propter cuiusquemodi hypotheses. E.g. cum dicitur, magnitudines, quæ congruunt inter se, vel quæ idem spatium occupare possunt, æquantur, supponitur magnitudines posse spatium occupare. Cum definitur angulus rectus ex tali insistentia rectæ lineæ super rectam, supponitur rectam posse insistere; vel talem positionem obtinere. Cum definitur circulus ex rectæ lineæ circumductu, subsumitur ut possibilis iste motus; ista gyratio. Quantis autem inter se comparatis conveniunt & attribui possunt ejusmodi passiones; æqualitas duorum quantorum consequens eorum æqualitatem ad aliud; æqualitas ex congruentia, vel ejusdem spatii completionem resultans; æqualitas ex compositione, vel divisione; ex additione vel subtractione æqualium emergens, & similes. Haud absimiliter pronuntiata propria quantorum specialium exprimunt passiones, quas ob simplicitatem & evidentiam suam demonstrare non liceat, aut non expediat. Ut e.g. rectæ lineæ convenit, & de ea pronuntiari potest, quod ab alia recta linea non intersectetur præterquam in uno puncto; quod non habet aliquam communem partem cum altera recta; quod non potest cum unica altera recta spatium concludere vel figuram constituere. Etiam ei convenit, ut possit duobus quibuscvis assignatis punctis interjacere;

cere; ut possit in continuum protrahi utrunque, vel indefinite; ut possit esse radius circuli (quæ sanè postulant Geometra, sed possent apud alios pronunciare, sunt enim passionum rectæ lineæ, ex ejus, quæcunque sit, definitione facillè deductibiles) ista verò pronuntiata fortè possint, ut in præcedentibus exposui, qualitercunque demonstrari; sed quia veritas ipsorum facillimè perspicitur, & conceditur ab omnibus, non est necesse, nec expedit ut id fiat. Cum igitur hæc pronuntiata contineant passionem essentialem aut quantis omnibus, aut specialibus certè quibusdam, & proinde necessariò coherentes inter se (intelligo quasdam quibusdam respectivè), liquet illas ad demonstrationem rectè adhiberi, ac ex iis confici demonstrationes causales. Exemplum sit ejusmodi syllogismus. (Quæ congruunt inter se, sunt eidem æquales.) Magnitudines A, B, congruunt inter se (ex hypothesi, vel ex antè demonstratis) ergo, Magnitudines A, B, sunt eidem æquales. Ubi dicimus magnitudinum æqualitas respectu ejusdem deducitur ex ejus causa (quasi) formali, sc. ex congruentiâ istarum magnitudinum. Sed de pronuntiatis impræsentiarum plura non addam, tantum dico quòd cum ex his, hoc est ex generalibus omnium magnitudinum affectionibus, & ex specialium magnitudinum proprietatibus reciprocis deriventur omnia theoremata Mathematica, satis apparet illa suis ex causis demonstrari. Igitur opportunum est ut pergàm ad id quod reliquum est ex disputatione contra Mathematicæ demonstrationis impugnatores institui. Ut nempe quas obediunt instantias bre-

breviter expendam. Primò ipsum Geometrie caput impetunt; & primæ elementorum propositionis probationem negant ex propriis causis deduci, adeoque nec illam potissimè ratione demonstrari: Aiunt enim in illa triangulum fore æquilaterum ex eo inferri, quòd inter duos circulos æquales constructum sit, hoc verò triangulo æquilatere non per se, sed ex accidente convenire, futurumque id æquilaterum, etiam si duo isti circuli nequaquam ducerentur, aut abessent omnino. Ad hanc instantiam & alias consimiles à variis diversimodè respondetur, & quidem ab omnibus satis appositè: Ego nihilo inmutabor, & aliorum responsis prætermisissis meo modo respondeo, primùm advertendò multipliciter accipi demonstrationis vocabulum. 1. Pro singulo quovis syllogismo scientifico (juxta definitionem philosophi *ἡ ἀπὸ διζήσεως ἐστὶν συλλογισμὸς ἐπιστημῆος*) hæc demonstratio simplex appellari possit. 2. Pro congerie vel systemate plurimè ejusmodi syllogismorum serie quidam inter se connexorum ac ad unius propositionis probationem conspirantium. Qualis demonstratio non incongruè dici possit composita. 3. Pro ultimo illo syllogismo, quo proposita conclusio firmatur immediate, ad quem reliqui syllogismo conducunt, & collimant. Quò posito, subnoto, quòd si singuli syllogismi compositæ demonstrationis sint causales, præsertim ultimus, quo velut extremo ictu lapis confringitur, etiam tota demonstratio composita merito censeri debet causalis & scientifica. Præterea adverto, quòd adsumpta quædam vel probata, inde

cursu

curſu totius demonſtrationis, reſpectu unius alicujus (v. g. ultimæ) concluſionis acciden- talia videri poſſunt, quæ tamen aliarum reſpectu propria ſint & eſſentialia; quòdque non opus ſit, ut omnia prædicata in compo- ſitæ demonſtrationis ſerie adhibita per ſe conveniant extremæ concluſionis ſubjecto, verùm ſufficit ut unumquodque ſuæ propriæ concluſionis ſubjecto taliter congruat. Qui- bus ex obſervatis pleraque omnes contra Mathematicas demonſtrationes allatæ instan- tiæ diſſolvi poſſunt. Adeoque ſi ſinguli ſyl- logiſmi in dictæ primæ elementorum propo- ſitionis ſeu conſtructionem, ſeu demonſtra- tionem adductæ ſint demonſtrationes ſimpli- citer ſcientificæ, cenſeri debeat ipſa propo- ſitio ſcientificè demonſtrata. Quapropter inſpiciemus illos; at brevitatæ cauſâ pro ſyllogiſmis enthymemata ſubjiciemus, & con- ſequentiæ neceſſitatem inſinuabimus. Ipſa propoſitio (quod opinor nemini è vobis ignotum) talis eſt.



Super quavis datâ rectâ (AB) triangu- lum æquilaterum conſtituere. (vel in theo- rematis

L

rematis

rematis formam redacta, quod perinde est, siquidem omne problema possibile pro theoremate potest haberi, quatenus ista possibilitas est demonstrabilis; theorematice, inquam, proposita talis erit. Potest super quavis datâ recta (ut AB) triangulum æquilaterum constitui.)

1. *Enthymema.* Quævis recta potest esse radius circuli. Ergo, AB esse radius circuli (cujus centrum A .)

Antecedens continet essentialem proprietatem rectæ lineæ, ut supra insinuatum est.

2. *Enth.* Eâdem ratione, centro B , intervallo A circulus describi potest. Supponantur igitur ducti circuli BCD , ACE , quoniam ostensum est hoc fieri posse.

3. *Enth.* Duo æquales circuli communi radio descripti se mutuo interfecabunt. Ergo, circuli BCD , ACE se interfecabunt, (puta in puncto C .)

Antecedens nimio nimis est manifesta, ex evidentissimâ proprietate circuli, quod undique claudatur & terminetur.

4. *Enth.* A dato puncto ad datum punctum duci potest recta linea. Ergo ab A ad C duci potest recta AC .

Antecedens est proprietas rectæ lineæ, ut antea diximus. Ducatur ergo AC , quoniam id fieri potest.

5. *Enth.* Simili ratione, duci potest recta BC . Ducatur ergo. Jam, liquet constitutum esse utcunque triangulum ACB , ex definitione & natura trianguli. Peractaque est constructio problematis. Demonstrandum restat triangulum ACB esse æqui-

æquilaterum, quôdque reliquum eſt ſuſcepti negotii converti poteſt in huiusmodi theorema. Triangulum conſtitutum ex rectis, à centris duorum æqualium circulo-
rum communi radio deſcriptorum ad ipſorum interſectionem ductis, eſt *æquilaterum*. Cui demonſtrando theoremati inſerviunt hæc enthymemata.

Rectæ lineæ à centro circuli ad ejus circumferentiam ductæ ſunt æquales inter ſe. Ergo rectæ AC, AB, ſunt æquales. In antecedente eſt notiſſima proprietas circuli; quâ definitur. 1.

Eodem diſcurſu, rectæ BC, AB, æquantur. 2.

Quæ eidem æqualia ſunt, inter ſe ſunt æqualia. Ergo, rectæ AC, BC, æquales ſunt inter ſe (quippe quæ oſtenſæ ſunt æquales eidem AB). 3.

Antecedens eſt evidentiſſima, nobiliſſimâque proprietas comparatarum magnitudinum, de qua ſupra dictum.

Sequitur ultimus decretorius & rem totam conficiens ſyllogiſmus. Omne triangulum habens æqualia tria latera eſt *æquilaterum*. Triangulum ABC (ex modò demonſtratis) habet æqualia tria latera. Ergo, Triangulum ABC eſt *æquilaterum*. Major eſt definitio trianguli *æquilateri*; & evidentiſſimè continetur in præmiſſis cauſa concluſionis. Quæ ſit enim vel fingi poſſit cauſa, cur triangulum ABC ſit *æquilaterum* propior & intimior hæc, quòd habeat æqualia tria latera, equidem nequeo conjectare. Vidimus igitur ſyllogiſmos omnes 4.

hujus propositionis tam constructioni, quam demonstrationi constructionis inservientes esse totidem veras demonstrationes; utpote ex essentialibus rerum subjectarum attributis deductas; ultimum præsertim esse summopere causalem & scientificum. Est igitur illi, ut spero, instantiæ factum satis. Verum alteram, si bene memini Pererius & alii producant instantiam, & celebrem istam propositionem, quæ est trigesima secunda primi elementi, sugillant ut minus scientificè demonstratam. Nam & hic aiunt ad demonstrandum omnes angulos trianguli duobus rectis exæquari, protrahi latus unum, & alteri parallelum duci, quæ ut fiant omnino extrinsecum est & accidentale proposito negotio, nec ullatenus ex illis dependet angulorum, qui in triangulo sunt, æqualitas astruenda. Ergo, ista demonstratio non procedit ex iis, quæ per se, nec adeo parit scientiam. Scilicet hi subtilissimi, vel fastidiosissimi potius argutiores ratiocinia ni fallor desiderant absque medio quovis invento vel adsumpto; argumentationem expetunt sine argumento. Aristoteles quidem argumenta rejicit ἐντοπῶν, ex alterius naturæ scientia deprompta; hi cuncta respuere videntur, rem probari volunt ex se, nihil aliunde patiuntur adscisci. Sed ad rem, 1. Saltem Aristoteles ipsissimam hanc propositionem adducit in exemplum eorum, quæ per se insunt subjecto, & per causam ostenduntur, disertis his verbis. Ἐκαστον ὃ ἐνταύθα μὴ καὶ συμβε-
 1. Post. A-
 mal. cap. 9. *Εκαστος, ὅταν καὶ ἐκείνο γινώσκωμεν, καὶ δ' ὃ
 ὑπάρχει ἐν τῷ ἀρχῶν τῷ ὁνομα, ἢ ἐκείνο· ὃ
 το*

1. Post. A-
 mal. cap. 9.

τὸ διπλὸν ὁρθῶς ἴσως ἔχειν, ὅ ὁ πῦρξαι καὶ δὲ
 διπλὸν τὸ εἰρημύον, ἐν τῇ ἀρχῇ τῇ τέτῳ.
 Quodd rem ipsam ſpectat repono breviter,
 quoniam triangulum ex rectis lineis consti-
 tuitur, rectæ lineæ proprietates eatenus
 ad ipsum pertinent. Rectæ verò lineæ pro-
 prietas est, ut protrahi possit; ergo pro-
 tractio ista non est omnino triangulo acci-
 dentaria vel extrinseca. Pariter & rectæ
 lineæ proprietas est, antea demonstrata,
 ei ut possit per quodvis punctum extra ip-
 sum duci altera parallela recta. Ergo &
 hoc per se convenit triangulo, quatenus
 ipsius constitutionem ingrediuntur rectæ li-
 neæ, seu latera ipsius. Porro, quodd vera
 sit ista propositio non diffitentur, opinor,
 adversarii; nec ideo quodd demonstrabilis.
 Ergo debet adsumi medium aliquod ei de-
 monstrando. Adsumitur angulus externus,
 & in duas partes divisibilis ostenditur æqua-
 les internis & oppositis duobus angulis tri-
 anguli; unde planissime sequitur omnes tres
 internos duobus rectis æuari. Quodnam
 adsumi posset medium convenientius, aut
 intimius equidem non video, vel potius
 video nullum posse. Adhuc respondeo si-
 cut ad priorem instantiam. Si syllogismi
 singulares examinentur, ex quibus aggre-
 gatur istius trigesimæ secundæ propositionis
 demonstratio, perspicietur illorum totam
 vim inniti definitionibus, vel communibus
 pronunciatis, immediate scilicet aut me-
 diate. Unde constabit istas esse demon-
 strationes scientificas; idcircoque totam ex
 his constatam demonstrationem, ac ultimum
 syllogismum, quo propositio immediate de-
 monstratur.

2.

3.

4.

monstratur. Eodem modo ad omnes, quæ proferri possunt, instantias facile poterit responderi.

Ut longiusculam hanc, & sanè vereor ut nimis tumultuariam, quippe properantiùs excogitatam & effusam, dissertationem aliquando finiam; mihi videtur, quòd omnis discursus certus ac evidens, juxta Logicæ regulas irrefragabiles, fluens ex principiis universaliter & perpetuò veris, adeoque in quo necessaria terminorum connexio reperitur, est propriissimè, potissimè, scientificèptissimèque demonstratio. Quòdque omnis alia, præter istam connexionem superius explicatam, causalitas, huic applicabilis negotio, sit pura puta fictio, nullo argumento fulta, nullo exemplo confirmata; quòdque demonstrationes (quanquam aliæ aliis brevitate, concinnitate, proximitate versus prima principia, & similibus præcellant virtutibus) evidentiâ saltem, certitudine, necessitate, terminorum essentiali connexione & dependentiâ mutuâ sibi cunctæ pares sint; denique quòd Mathematica ratiocinia sint perfectissimæ demonstrationes.

Accuratiùs hæc certè, luculentius & uberius exposuissèm, nisi quòd importunè obvenientes aliæ quædam occupatiunculæ avocarint animum, & meditandi mihi tempus præciderint; nec non ab aliquot diebus languor quidam (non adeò gravis, at non nihil incommodus) corpusculum invaserit; qui facit ut cum ipse non admodum valeam, vos saltem, Optimi Auditores, discipulam valere plurimùm.

Hic

lect. VII. Mathematica.



Hic desinit hunc annum, professionis instituta primo, cui nimirum accidit unicum habere terminum. Amplificando numero, chartæque, quæ superest, propius adimplenda, duas mutuò desumam (vel potius gratis adjiciam). lectiones, anni primas subsequenter.

LECT. VII.

MOS est, Academici, cum humanitate conspirans optime, nec qui magis alibi quam apud vos usu frequente confirmatus invalescit, post diuturnam absentiam oblatos in conspectum amicos ardentiori quodam affectu complecti, profusiori garrulitate compellare. Cui ut ego consuetudini insisterem hodie, si mihi vel mediocrem aut natura concessisset, aut studium comparasset dicendi facultatem, equidem permulta fateor haud segniter urgerent. Nam & affectus stimulos acerrimi persentio; & orationis argumento instructus sum splendidissimo juxta ac uberrimo, ut pro comperta nempe vestra eximia in me benevolentia meritas grates persolverem; ut enixum in præclaras disciplinas studium prædicarem, ut dignam viris philosophis patientiam vestram collaudarem, & congratularer vobis. Sed quum ingenium meum, ad dicendum perquam inhabile, ineptumque reclamet vehementius, & hujus instituti nostri ratio non nihil adversetur, &

vos, opinor, ipsi non Rhetoricis blandimentis demulcendas aures, sed ad philosophicam potius severitatem compositos animos huc adducatis, non tam verba dari vobis, quam rerum scientiam exhiberi cupientes, in patheticos excursus prorumpentem cohibebo linguam, & ab omni procemio prorsus temperabo. Vos tantum, (Optimi, Humanissimique Auditores) omnibus gratitudinis, & benevolentiae ulnis officiosè complectens, plurimam dicens vobis & animis vovens salutem, congressumque denuò nostrum lætum vobis exoptans & auspiciatum, ad muneri nostro debitum opus me protinus accingam. Persequar autem elapso proximè termino inceptum iter, quamque tum exorsus sum telam porro conabor detextere. Placeat igitur vobis, mihi quid tunc agendum proposuerim, & in exequendo proposito quousque processerim recordari. Aggressus nempe sum vestibulum quoddam condere, Mathematicis, quæ mihi pertrahendæ veniunt, disciplinis præstruendum; hoc est generalia quædam de illis quasi prolegomena delibare. Et quidem ipsarum imprimis de nomine, quamobremque disciplinarum sibi peculiari ratione titulum conciliarint, tum de objecto generali quousque se extendat; deque partitione (cùm juxta mentem aliorum, tum ex propria sententia) satis fusè disserui. Proximè verò de modo quo circa suum objectum versantur, hoc est inventionem ac assertionem proprietatum objecto suo congruentium per certum ac evidentem discursum, qui demonstrationis vocabulo insigniri solet, occæpi

occupi dicere. Cujus utique naturam illustrare conatus sum, ex discrimine Mathematicum inter ratiocinandi modum, & illum qui in plerisque aliis adhiberi consuevit scientiis; per utrisque non incuriosam collationem deprehensio; tum verò Mathematicorum discursuum certitudinem, & præstantiam ab adversantium ceu illationibus, & officiis quâ ferme licuit diligentia studui vindicare. His utcumque pro nostra tenuitate discussis proximum esset, & mea vergit illuc animi propensio, ut ad Mathematicæ demonstrationis exponendas species devenirem; nec non ut de Mathematica inventionem, nobilissima sanè materia, disquirerem, nisi quòd conducat huc, & fere necessarium videatur, ut prius syllogismi Mathematici partes expendamus integrales, hoc est ut de præmissis & conclusionibus discursus cujusque Mathematici quales sint & quotuplices dispiciam.

Præmissas quod attinet omnis discursus scientifici, sunt illæ vel prima principia, vel à primis principiis continuâ serie derivatæ conclusiones; quæ postquam ita deductæ sunt, ipsæ principiorum vim habent, obediuntque vices, respectu conclusionum quæ ab illis inferri, vel illarum ope, comprobari possunt. Tota verò vis cujuslibet ratiocinii apodictici tandem resolvitur in certitudinem & evidentiam primorum principiorum; his indivulsis radicibus adhærescit, his inconcussis subnititur fundamentis omnis veritas, omnis firmitas, omnis evidentia omniscunquæ scientiæ. Quare de illis agemus imprimis; paucis quidem generalius

neralius de principiorum natura, tum de differentiis earum (hoc est quot sunt inter se specie diversa) postremo de singulis speciebus separatim. Quod ad principia spectat universum, rectè non uno loco notat Aristoteles, quòd sicut in motu naturali nullus ex infinito vel ad infinitum processus datur, sed ab aliquo termino incipi, in aliquem desinere oportet, siquidem infinitum nequit pertransiri (ὅτι γὰρ ἐστὶ τὸ ἀπείρων διαλείπειν): Ab infinito progressum sumentem nunquam pervenietur huc, nec ab hoc ad infinitum tendens progressus unquam finietur; ita in mentis operatione discursiva, quæ motus instar est continuè successiva, debet aliquis præstitui limes, quo discursus ordiatur, hoc est non omnes propositiones ab aliis, indefinente serie, comprobari, sed quædam à demonstrante sumi, concedique debent ab audiente; alioquin interminabilis, & irrita fuerit omnia quæ suscipitur inquisitio, confirmatio, vel declaratio veritatis. Prout ædes extrus nullæ possunt, sic nec erigi scientiæ, non subtractis quibusdam fundamentis. (Μὴ δὲν γὰρ πάντες ἀναγεῖν τὸ διαλέγεσθαι καὶ τὸ ὅλως λόγον: Et, Περὶ πάντων ἀδύνατον ἀποδείξιν εἶναι). docet & pluries inculcat Aristoteles.) Ejusmodi verò propositiones ideò dicuntur principia, quoniam ab iis (gratis assumptis, utroque concessis ex docentis discensitque quali pacto quodam & consensu mutuo) initium desumit argumentatio, inde progrediens ad alias remotiores notitias. A philosopho proinde definiuntur ἀμεσοπροτάσεις, propositiones immediatæ, quia nullo

Met. XI. 6.

Met. II. 2.

nullo medio vel argumento aliunde adscito
fulejuntur; seu quod immediate, statim,
nullo mediante discursu, impertitur illis
assensus. Quod non ita accipiendum est,
quasi principiorum exigeret ratio, ut ipsa
simpliciter ἀναπόδεικτα sint, omninoque
nequeant demonstrari, vel utcunque com-
probari; sic enim paucissima vel nulla cu-
jusslibet particularis scientiæ pronuntiata,
possent haberi vel appellari principia. Nam
valde dubito, vel eò potius propendeo ut
existimem, præter unicum illud omnis ra-
tiocinii fundamentum, contradictoriæ pro-
positiones nequeunt esse simul veræ, vel
simul falsæ, quod nullum aliqd omnino
datur simpliciter indemonstrabile axioma
(axioma dico; nam de definitionibus & hy-
pothesibus alia quodammodo res est, ut mox
videbimus; quæ tamen suo modo probari
vel illustrari possunt) saltem particularium
scientiarum principia nedum possunt, at
etiam debent, si poscat discipulus, à ma-
gistro demonstrari. Tenetur enim, sua mu-
nia si probè exequi velit, & nomen suum
implere, scientiæ præmonstrator omnem à
studioso rationabilem (itè cum barbaris lo-
qui liceat) scrupulum eximere; ergo sua
quæ adsumit principia, si obscura sunt ex-
emplis illustrare, si dubia confirmare debet
(ut res feret, & subjecta materia patie-
tur) ex aliis notioribus, & magis indubi-
tatis principiis, ad ipsa usque omnium pri-
ma principia, si opus sit, idque petet stu-
diosus, discursum promovendo. Ex. gr.
Siquis de eo subdubitet Optico principio,
quod visibilis puncti species recta desertur
aut

aut radiat in omne punctum medii circum-
 jecti, id ex eo confirmandum est, quod
 experimur objectum punctum ab oculo ubi-
 cumque sito conspici posse, nisi alicubi in
 rectâ à puncto visibili ad oculum lineâ cor-
 pus opacum interponatur. Et quidem ple-
 raque Geometriæ theoremata, respectu
 Opticæ, Mechanicæ, Astronomiæ, & reli-
 quorum Mathematicorum principia sunt, hoc
 est in illis ceu vera supponuntur, nec iti-
 dem omnino demonstrantur; at si de talis
 alicujus theorematibus veritate non constet
 studioso, Optico (vel alterius disciplinæ
 magistro) incumbet id declarare, vel eo
 saltem digitum intendere, ubi declaratum
 invenietur. Imò, si in aliquo hæsitaverit
 axioma Geometrico, non effugere pote-
 rit demonstrator, rem strictè assumendo,
 illius demonstrandi necessitatem: Nec enim
 ulla censeri potest accuratè perfecta, sum-
 mæque scientifica demonstratio, quæ non
 ad primos scientiæ fontes, ad aliquod sim-
 pliciter indemonstrabile, suâ solâ vi fir-
 mum, suâ luce clarum, pervenerit. (Τὸν
 γὰρ οὐρανὸν ἡρώδης ἐκαστον, ὅταν αὐτὸν
 ὑποτίθωμεν τὰ πρῶτα, καὶ τὰς ἀρχὰς τὰς
 πρῶτας, καὶ μέχρι τῶν στοιχείων, δίδωκεν
 nobis philosophus, initio quædam ἀποδοῦναι.) At
 quomodo, percontetur aliquis, ostendetur
 veritas axiomaticorum Geometricorum? Per
 alia, respondebo, simpliciora pronunciata,
 si qua sunt, ex altiore quadam & univer-
 saliore scientia, nimirum è prima philoso-
 phia, deprimenda (è prima philosophia,
 quæ maximè generalium ac simplicium no-
 tionum thesaurus est aut esse debet; Ari-
 stotelisque

Notellique proinde nominatur κυρία πύλη των *Anal. Post.*
 ἀποδείξεων: Proclo, μία ἀνὰ τὸν 7^{ον} (ἐκείνου) 1. 9.
 μὴ) παρ' ἧς αἱ ἀλλὰ ἀποδείξεις τὰς ἀρχαίς)
 sin nulla compareant talia, per definitiones
 terminorum, quibus ipsum constat; ut si-
 quis ambigat de eo, an Totum parte sua
 sit majus; si nullum reperiat in meta-
 physicis theorema vel axioma certius, evi-
 dentius, simplicius isto, per quod ostenda-
 tur, recurrendum est ad definitiones toti-
 us, & partis, majoris ac minoris; è quibus
 rectè positis haud difficile fuerit illud axi-
 oma demonstrare. Paritérque se res habet
 in reliquis. Haud absimili ratione liquet,
 quòd ad principiorum naturam non abso-
 lutè pertinet aut requiritur, ut ipsa sint ex
 se, vel ad omnem immediatè captum evi-
 denter vera, sed duntaxat ut ei, qui ad
 ediscendam particularem istam, cui dicta
 principia deserviunt scientiam, promptus
 & paratus (hoc est animo studiosus, indole
 habilis) accedit, manifestè vera videantur,
 & apta nata consensum ejus extorquere.
 ex.gr. Geometriæ theoremata, quæ ut modò
 dictum in Optica vel Astronomia princi-
 piorum obtinent locum, Geometriæ quidem
 perito clariora sunt, & facillimum ab eo
 consensum impetrant; at difficilè capiun-
 tur, ægréque conceduntur à Geometriæ ig-
 naro: Nec tamen idcirco desinunt esse
 principia, disciplinis istis accommodata; at
 saltem indè consequitur haud idòneum illa-
 rum fore discipulum hominem ἀγεωμέτη-
 ρον. Sapienter igitur & circumspectè phi-
 losophus demonstrationem procedere docet
 non ex absolutè manifestis, sed ἐκ γνωρι-
 μοτέρων

Ὡς ὅτι
 τὸ ἀπλὸς
 γνωρίμων,
 ἐπὶ πάν-
 τιν γνωρίμων
 ἐστίν, ἀλλὰ
 τὰ τοῖς ἐν
 διακειμέ-
 νοις τιμῶ
 διάφοιαν.
 Τορ. VI. 4.

Met. I. ult.

p. 22.

Lib. 2.

p. 22.

Met. I. ult.

Phys. I. 2.

p. 22.

p. 22.

p. 22.

p. 22.

p. 22.

p. 22.

p. 22.

p. 22.

p. 22.

p. 22.

p. 22.

p. 22.

p. 22.

p. 22.

p. 22.

μοτέρων ὅς συμπράσματος, hoc est id semper habent, ut admissa post se trahant conclusionem, illamque suā, si quam habent, luce perfundant. Non sunt igitur necessario particularis ullius scientiæ principia simpliciter ἀμείωτα, vel αὐτόματα, vel αὐτοπαγή, verum solummodo respectu bene comparati auditoris credibilia debent esse, fatisque manifesta. Haud malè Proclus: Οὐδεμία ὁπσιμὴ τὰς ἐαυτῆς ἀρχὰς ἀποδείκνυσιν, ἐδὲ ποιεῖ λόγον περὶ αὐτῶν, ὅτι αὐτοπίστος ἔχει περὶ αὐτῆς, καὶ μᾶλλον εἰσὶν αὐτῇ καταφανέες τῇ ἐξῆς, & ipse philosophus. Λέγω ὅτι ἀρχὰς ἐν ἐκάστῳ γένει, in ipsa singulari quadam scientia demonstrari nequeunt, alioquin non essent principia, sed forsan extra ipsam eorum nonnulla possunt, & debent demonstrari.

Idem huc spectans: Τῶ γεωμετρῶν μανδύοντι ἀλλὰ μὲν ἐνδέχεται προειδέναι, ὧν ὁ ὁπσιμὴ, καὶ περὶ ὧν μέλει μανδάνειν, ἐδὲν προμνησκει. Denuò, τῶ γεωμετρῶν ἐκ ἐπὶ λόγου ἐστὶ πρὸς τὴν ἀνελεύγαν τὰς ἀρχὰς, ὅτι ἡτοι ἐτέρας ὁπσιμῆς, ἢ πᾶσιν κοινῆς, hoc est, Geometra, ceu talis, principia sua non adstruit, neque cum ea respuente congredditur, at vero spectat id ad alteram aliquam, saltem ad communem omnibus scientiam; in ea decidenda lis est principiis indicta.

Primaria verò principiorum conditio est, docente philosopho, quòd universaliter & necessario vera sint, hoc est ut nullam loci, temporis, aut casus exceptionem patiantur, & subjecti naturæ repugnet prædicatum

tum ei non convenire. Aliàs illata con-
clusiones evaderent falſæ vel incertæ, nec
certa ac firma ſcientia qualem pollicetur
demonſtratio, ſed error aut anceps produ-
ceretur ſuſpicio. Siquidem in omni ſyllo-
giſmo ſcientifico, qui conſtat ex uno vel
pluribus immediatè principiis, principium
aſſumptum eſt major propoſitio in prima
figura; quod niſi ſit univerſaliter verum,
argumentatio minimè conſiſtet, ut notiſſi-
mum in Logicis. Ut & quòd principio-
rum ſi qua ſit debilitas aut imperfectio
(quales imprimis ſunt particularitas, &
contingentia) illam in conſuſiones neces-
ſario derivari. Nihilominus circa hanc
principiorum veritatem ex uſu ſit adver-
tere, quòd illa non ſit unius generis, nec
penitus univoca. Nam veritas abſolu-
tè primi principii de contradicторiarum
propoſitionum impoſſibili ſimultate quo-
ad veritatem aut falſitatem, quaſi ſpecie
diſferre videtur à veritate reliquorum prin-
cipiorum. Quod ejus enim originem ſpe-
ctat, quicquid ſit de aliis, hæc certè notio
mentibus noſtris immediatè connata vide-
tur, & indita nobis à Deo, unà cum ratio-
cinandi facultate, cui intrinſecè adnexa eſt;
ſiquidem nulla poteſt edi ratiocinatio hoc
non admiſſo principio; imò omnis ratio-
cinatio non aliò tendit, huc tandem redi-
gitur, ut adigatur adverſarius ſibi contra-
dicere, id eſt, omnium abſurdorum maxi-
mum admittere, quòd propoſitiones con-
tradicторiæ ſimul conſiſtere poſſunt. Hoc
niſi concedatur, inutilis ſit omnis ratio,
inanis omnis diſquiſitio, vel diſputatio circa
veri-

*Ariſt. L.
Poſt. c. 14.*

veritatem. Non pendet hoc ab alia quāpiam prævia notione, suppositione vel argumentatione, sed ratiociniis omnibus includitur, ut fundamentum iis suppositum, ut instrumentum quo habiles reddimur ad ratiocinandum de aliis. Igitur hoc principium præ aliis, & καὶ ἐξ ὁχλῶ verum videtur. (Πάντες ἀποδεικνύοντες ὅτι πάντων ἀνέστην ἐκάτῳ δέξαν, φύσει γὰρ ἀρχὴ καὶ τῶν ἄλλων ἀξιωματικῶν αὐτῇ πάντων; inquit rectè philosophus.)

Met. III. 3.

XI. 7.

Quanquam extremum rigorem adhibendo, quia duabus tibiis firmus incedere debet syllogismus, nec è præmissis unam indubitatè veram esse sufficit, forsitan præterea necessariò requiritur unum & alterum axioma cunctis ratiociniis præternendum; hæc nempe: Quòd sensus sit indubitatum κερταίον verì suo modo; vel, Apparentia rei certum est indicium rem exillere. Item, rei consimilis existentia, rei possibilitatem arguit; vel, ab omnimoda rationis paritate, quoad existendi possibilitatem, valet consequentia. His enim tacitè suppositis inniti videtur omnis scientia rerum, omnis argumentatio de rebus. Siquidem aliorum principiorum indemonstrabilium non alia veritas postulari videtur, præter satis manifestam possibilitatem conceptus, quem animo formamus de alicujus symptomatis existentia; hoc est ut concipiamus, & supponamus aliquid fieri quod revera fieri possit. E. g. Ponamus duas res idem spatium occupare, sibi congruere, coextendi. Ponamus inter duo puncta lineam rectam duci. Ponamus rectam lineam uno quiescente

cente extremo circumduci, donec in primum situm revertatur. Ponamus Soli & Lunæ in eadem recta tellurem interponi. Quoniam nihil in his positionibus, aut conceptibus continetur ἀδύνατον aut ἀνούσατον, ergo hæ hypotheseſ dicentur & concedi debent esse veræ. Estque earum veritas nihil aliud quàm connexio possibilis subiecti cum prædicato, quàm mente clarè percipimus; at quam non aliter forſan quàm exemplo simili vel experimento posſumus comprobare; hoc est, ope principiorum, quæ modò diximus omnium primo de contradictoriis principio subjungenda videri. (id enim, id forte ſolum, apprehendimus ut poſſibile, cui idem ſpecie, vel cui admodum ſimile quomodocunque experti ſumus extitiſſe). Similiter hypotheſis cujuſpiam falſitas nil videtur aliud, quàm conceptus & poſitio rei ceu effectæ vel exiſtentis, quæ nequit effici, vel exiſtere. Ut ſi quis ponat figuram rectilineam triangulam quadrangulam; aut corpus indiviſibile; aut hominem ſenſus ac rationis expertem; ſi quis quadratum fieri petat, aut ſupponat exiſtere, diametrum obtinens lateri commenſurabilem; vel triangulum cujuſ duo latera exæquentur tertio; vel circulum, cujuſ peripheria ſit diametri quadrupla; cùm repugnet ejuſmodi res exiſtere; ſaltem cùm nihil his ſimile fuerit animo unquam noſtro obverſatum, vel repræſentatum ab experientia, repudiandæ ſunt ejuſmodi poſitiones, nec in principiorum cenſum admittendæ.

Ex quibus obſervatis obiter conſectari videtur,

M

detur, quod omnis demonstratio, quod sit efficaciter talis, quodammodo supponat existentiam Dei; non tantum ex parte facultatis cognoscentis, sed etiam ex parte objecti scibilis. Optimè quidem notavit Cartesius, quod absolute certi sumus veritatem nos attingere, requiri ut innotescat facultates nostras veri apprehensivas ac iudicativas fore sinceras; id quod non aliunde quam ex conditoris nostri potentiâ, bonitate, sinceritate constare posse videtur. At verò quoniam principiorum indemonstrabilitum quoque veritas, ex parte objecti pendet à possibili rerum suppositarum existentia, vel effectione; omnis autem possibilitas intrinsecè connotat respectum ad causam vel potentiam, quæ potest efficere, ut existant quæ possibilia dicuntur, aut concipiuntur. Ergo demonstratio supponit potentiam effectricem omnium, quæ sub possibilium ratione concipimus & supponimus; hoc est, potentiam divinam immensam & incomprehensibilem, utpote quæ potest effectum dare, quæcunque nos concipere valeamus ut possibilia; & ex paritate rationis alia præterea innumera à nobis non comprehensa. Supponit, inquam, omnis demonstratio veras hypothèses; veritas hypothesis innuit rei, quæ ponitur, existentiam possibilem; hæc possibilitas connotat effectricem rei causam; (alias impossibile foret eam existere) effectrix omnium causa Deus est. Omnis igitur demonstratio supponit existentiam Dei. Sed hanc, & magis susceptam argumentationem ultra persequi non libet. E dictis etiam sequitur consilium posse demonstrationes

monſtrationes de rebus, quæ nunquam extiterunt, aut exiſtent uſpiam; quia nempe ſufficit ad demonſtrationem, ut hypotheſes adſumantur veræ, hoc eſt quæ nullam implicant *conſuetudinem*. Ex. gr. Exiſtimat Galilæus ſe novam de motu ſcientiam condiſſe, ſupponendo gravia naturaliter verſus centrum terræ deſerri motu uniformiter accelerato (hoc eſt, ita ut is à quiete recedens æqualibus continuò temporibus æqualia ſibi celeritatis momenta ſuperaddat) quod ſi falſum ſit (uti non uſquequaque verum arbitror pluribus de cauſis) iſtiusmodi dari motum in hac rerum natura, quia tamen, volente Deo, talis motus exiſtere poteſt, utpote qui nil continet à poſſibilitate diſſentaneum, ideò quæ ab ejus ſuppoſitione per illationem legitimam reſultant concluſiones pro verè demonſtratis haberi debent. Item, etſi quod ſupponunt Mechanici, puncta quævis corporum gravium premere, conari, vel ad motum propendere per rectas lineas ſibi parallelas, horizonti perpendiculares, & proinde æqualia pondera ad æquales diſtantias æquiponderare, ſit revera naturæ diſconveniens, eoque reſpectu falſum; tamen quia clare concipi poteſt univerſum ſic ordinari, ut corpora tales habeant propenſiones, ideò concluſio tali hypotheſi ſuperſtructa demonſtrati theorematibus dignitatem ac titulum meri poteſt. Non ſecus, etſi quæ Ptolemæus, Copernicus, aliique paſſim Aſtronomi ſubſternunt; aſtrorum motum in circulis peragi vel ellipſibus perfectis; & eſſe illos quomodocumque regulares vel æquabiles;

M 2

item

item illos easdem perpetuâ constantiâ temporum periodos, itinerum orbitas conservare; aliâque talia, sint hujus naturæ (variabilis & in minoribus incertæ), horum syderum respectu, opinor, falsa, vel saltem incomperta; quia tamen nil impedit quò minus divinum numen ejusmodi mundum creare possit, in quo factis syderibus tales motus exquisitè convenient, ideò verissimæ sunt istis hypothesibus innixæ demonstrationes; & eorum Astronomia vera est, non quidem hujus, sed alterius à Deo creabilis mundi: Nobis enim Deus potestatem indidit cogitatione nostrâ innumeros quasi creandi mundos imaginarios, quos ipse si velit reales potest efficere. Denique licet nulli tales in rerum natura motus unquam reperi fuerint, qualibus lineas helices, quadraticas, conchoides, cissoides, & consimiles alias supponunt descriptas Geometrix, nihilo tamen minùs, cum facilè concipiamus nihil ob stare quin tales dentur: æquæ ac alii multi non ab similes, quos indies experimur, ideò quæ ex illis suppositis consequuntur symptomata rectè demonstrantur. Siquidem ratio s imperium naturæ cancellos longè transgreditur: Mundus intelligibilis immane quantum ex porrectior & diffusior est mundo sensibili; multo plura mentis acies, quàm corporis sensus contempletur.

Hujusmodi quæque scientia particularis hypotheses sibi producit, quæ non indigent aliâ probatione, quàm ut explicetur, & exemplo aliquo vel experimento notorio, discentis ad captum accommodato, demonstretur

monſtretur & quoad fieri poteſt evidens reddatur earum poſſibilitas; cui ſi præſtatur nolit acquieſcere, nil ſuperest, quàm ut abrumpatur doctrinæ commercium, & faceſſere jubeatur moroſus iſte, ceu propoſitæ ſcientiæ parùm oīnē & exponēs. E. g. Si quis abnuat ſentire, quòd figura quædam plana (quæ circulus dicatur) rectæ lineæ circumductu præcreari poſſit, neque convinci velit, (obvio circini uſu, vel rotæ circa centrum revolutione, vel experimento conſimili) tale quid conſici, concipique poſſe, monendus eſt ut aliò conferat ſe, nec ut quicquam cum Geometris commiſceat negotiū.

Porrò, conſtare quoque poterit ex his quid ſit, & qualem obtineat veritatem id genus principii, quod definitionis nomine venire ſolet. Nempè quòd ſit propoſitio nomen indicans alicujus rei, quæ reſultat ex aliquâ ſuppoſitione poſſibili. Ut exempli gratiâ (nam dicta ſtudeo quàm facillimis & precipuè familiaribus exemplis illuſtrare) ſi ponam tres in aliquo plano rectas lineas ita concurrere, ut ſpatium aliquod includant, ſeu figuram quandam conſtituant, incluſum ſpatium, ſeu figuram conſtitutam appello triangulum; ſitque trianguli talis definitio, Triangulum eſt figura plana comprehenſa tribus rectis lineis concurrentibus; Si ponam, ſemicirculum circa ſuam baſim, vel diametrum quieſcentem revolvi donec in illum, quem ab initio habuit ſitum reſtituatur, eoque rotatu productum corpus appellem ſphæram; erit indè ſphære definitio, corpus genitum ex ſemicirculi

M 3

circa

circa diametrum unā completā revolutione. Si denique statuam inter solem & lunam collocari terram, ex quo posito lux Solis intercipiatur, & resultet obscuratio Lunæ, quam eclipsim voco; hinc emergit Eclipsis definitio, Obscuratio (vel privato lucis) in Luna, ob telluris interjectum. In quibus perspicere licet definitionis veritatem, quoad ejus subjectum, esse merè arbitrarium; illud enim est nomen merum contingenter & ex arbitrio impositum (scilicet a scientiæ præceptore pro suo jure confectum; vel ab usu vulgari desumptum; vel doctorum consensu adprobatum, vel utcumque nullatenus $\chi\tau\iota$ φύσις, ex suā ipsius natura, sed omnino $\chi\tau\iota$ δόξα, ex hominum instituto significans rem definitam) quare non aliter demonstrari potest illud nomen convenire prædicato, quàm ad Lexicorum auctoritatem, ad popularem consuetudinem, ad doctorum suffragia provocando; vel certè, doctori cuivis in hoc competens, jus sibi met adrogando. At verò quoad prædicatum liquet ejus (definitionis inquam cuiuspiam) veritatem ex dictæ hypotheseos, (quam includit) possibilitate dependere; sic, ut vera sit definitio, quæ nomen adsignat rei possibilem aliquam suppositionem, in ipsa expressam, consequenti (vel ab ea resultanti). Unde porro liquet definitiones ex sua natura non aliter esse demonstrabiles, quàm hypotheses ipsas, è quibus velut emergunt; hoc est quàm ostendendo nomen adaptari rei naturæ conditionem habenti satis manifestè possibilem, juxta quod superius inculcatum est. Nam certè rei incompossibilis,

*Conf. Arist.
Met. XI. 7.*

possibilis, vel repugnantiam implicantis, non est ulla propriè definitio, sicuti nec affectio. (Aristoteles; τὸ μὴ ὄν ἔδδ' οἷς οἷδ' ἐπ' ἐστίν, ἀλλὰ π μὲν σημαίνει ὁ λόγος, ἢ τὸ ὄνομα, ὅταν εἶπω τραγάληος· ἢ δ' ἐστὶ τραγάληος, ἀδύνατον εἰδέναι. Quid significet vocabulum hircocervus utcumque potest intelligi, sed nequit definiri, quia nec ejusmodi res existere possunt. Quod verò spectat ad reliquorum axiomatum veritatem, derivatur illa, sicut antehac insinuatum, ex definitionum antecedentiarum veritate præsuppositâ, per legitimum rationum. Ut v. g. quæ prostant in elementis axiomata: Omnes anguli recti sunt æquales inter se: Rectæ linæ spatium non comprehendunt: Omnes à centro ad peripheriam circuli ductæ rectæ linæ æquantur; ex anguli recti, æqualitatis, spatii comprehensi, circuli definitionibus ritè constitutis inferantur faciliè; saltem inferri debent, ut axiomatum dignitatem jure tueantur. Imò quæ clarissima videntur ex se, nulliusque non audientis suffragium promptissimè consequuntur, non dubito quin eodem modo, per celerrimum è definitionibus discursum colligantur. Quoniam verò suppositiones, è quibus istæ definitiones modo supradicto resultant, sunt omnium evidentissimè possibiles (utpote quotidianis innumeris obviis experimentis consentaneæ) suâque naturâ simplicissimæ, sic ut neminis aut observationem effugiant, aut captum exsuperent; quin & præterea axiomata ista non post longas ambages, at immediatè ex iis consensantur; indè fit ut ille quo comprobantur

tur discursus evadat imperceptibilis, & quasi nullus; sicut usu venit, ut quæ facillimè fiunt, quomodo fiant non sentiantur. Quali pacto fit, ut apprimè dexter & peritus Musicæ vix ipse sibi videatur tam ex arte quampiam, quàm ex instinctu instrumentum pulsare; vix ut suæ rationis ipse motum, vix memoriæ exercitium persentiscat. Simili modo, v. g. quoniam quotidie videmus magnitudines varias, quoad dimensiones omnimodas sibi met applicatas mutuò quadratenus congruere, vel idem spatium replere, vel inter eosdem terminos protendi, idè facile concedimus tale quid supponi; itèmq; cùm usu receptissimum sit, ut quæ ex ista suppositione resultat habitudo seu relatio magnitudinum ad se invicem dicatur æqualitas, indè nullo fere negotio deducimus, ac affirmanti consentimus, quòd quæcunque eidem magnitudini æquantur magnitudines, etiam sibi mutuò æquantur; propter dictæ nimirum hypothesis possibilitatem, & definitionis convenientiam continuò deprehensas. Itaque axiomata vel maxime perspicua vix aliter differunt ab aliis theorematis, quàm eo quòd ad primas & simplicissimas hypotheses ac definitiones accedunt propiùs, adeoque quòd brevius & faciliùs demonstrantur.

E dictis innotescere queat omnis scientiæ naturalis origo, & genuina methodus à primis usque cognitionis fontibus ratiocinandi, quæ fermè talis est. Mens ex observatione rerum objectarum occasionem arripit similes ideas compingendi, quas cùm clarè percipiat convenire rebus quæ possunt exillere,
 illas

illas affirmat & ſupponit, tum aſſingens & approprians eis vocabula, definitiones eſſormat; ex his quomodocunque verſatis, & comparatis inter ſe conſequentias elicit, & theoremata condit, è quibus in certa ſystemata coagmentatis conſtantur particulares ſcientiæ.

Unde præterea conſequi videtur, quòd non opus ſit, ſaltem pro ſcientiis theoreticis (nam de practicis, morales præſertim intelligo, alia res eſt: Etenim harum principia non tam diſcurſu colligi, quàm ex appetitu vel inſtinctu naturali promanare videntur. E.g. talia principia ſcientiæ moralis: Quicquid naturæ conveniens, innocè gratum, utile, amabile eſt, amplectendum & perſequendum: Omne naturæ noxium, injucundum, incommodum (quòd damnum, dolorem, perniciem aſſert) abominandum eſt & defugiendum; talia, inquam, axiomata non videntur ab aliquo ratiocinio dependere vel derivari, ſed eo modo cognosci, quo à brutis etiam animantibus diſcernitur amaros ſapores, odores fætidos, diſſonos ſtrepitus, horrida ſpectacula, reliqua ſenſibus ingrata fore devitanda, iſſque contraria amplectenda eſſe; de talibus igitur ſcientiis, nil affirmamus; at de merè ſpeculativis ſcientiis obtendimus è diſctis conſectari quòd non opus ſit) phyſicas aliquas *προλήψεις*, communes *ενοίας*, congenitas ſpecies ſupponere, cùm ipſa mens abſque illis ſufficienter inſtructa ſit, & nativè pòlbeat facultate neceſſaria ſibimet ad ſcienciã principia ac media conquirendi, modo jam expoſito. Non obſtinatè pernego
tales

tales notiones dari; sed eò proclivis sim ut existimem illas haud necessario supponi; nedum ut hac de causa omnino oporteat Platonicas ullas *ἀναμνήσεως*, & nescio quas animæ dormitantis *ἀνεγέρσεως* confingere, vel comminisci.

Quinetiam non minùs hinc liquere videtur, quòd principiorum veritas non (ut censuisse videtur Aristoteles) inductione solà (vel singularium observatione perpetuâ seu crebrâ) nitatur; cùm ad veram stabilendam hypothesein, ad veram definitionem formandam, ad vera proinde principia constituenda vel unicum suffecerit experimentum, modò satis clarum & indubitatum. Aliquo fateor modo requiritur ad stabilendum hypotheseum veritatem sensûs sinceritas, aut universalitas observationis, aut frequentia non ita.

Multa possem huc adjicere, sed hæc de principiorum natura generatim dicta sufficiant. Et sanè longius hæc extrahi quàm aut ipse cogitaveram, aut forte quàm oportuit, hoc est quàm arriserit vobis, meditatione me sensim provehente: Nec tamen prorsus inutiliter, ut spero, quum demonstrativas ambientibus scientias cum primis expediat ipsius demonstrationis naturam intimè pernovisse. Quare mihi condonatis obtestor hanc *ἀδολεχίαν*, & non aliunde quàm ex attenta rei consideratione profecta vel hausta quæ dixi boni consulatis, & examinetis libere, cautèque.

Confero me jam ad principiorum species distinguendas, hoc est ut quot sint inter se quasi specie diversa principia disquiram:

quiram: Quæ controversia licet è dictis facile dirimi possit, operæ tamen pretium esse puto quid aliis visum referre; vos ut pensatis omnium sententiis quid rationi sit magis consentaneum rectius dijudicetis. At patientiam vestram insultu primo nolim aggredi ferocius, aut acrius irritare, quapropter hanc disquisitionem & alia forsitan quædam de principiis observatu non indigna rejiciam in sequentem lectionem.

L E C T. VIII.

DE principiorum naturâ, conditione, origine, veritate generalia nuperrime quædam attigimus. Succedit ut de ipsorum numero, seu quot ipsorum distinctæ sint species, quid auctores tradant, quid ratio dicat & persuadeat eventilemus. Aristoteles cum in hac materia subobscurus, varius & fere sibi discors videatur, ejus ut mentem vix penitus assequi liceat, eam tamen collatis locis expiscari nitemur, & proditam examinare. Capite secundo primi Post. Anal. tres constituit ἀρχαὶς ἀλλοτρισταῖς. Axiomata, hypotheses, definitiones. Nam ipsas imprimis ἀρχοῦμαι in axiomata, & theses; tum theses in hypotheses & definitiones subdistinguit. Axiomatis naturam sic explicat, ut sit ἀρχὴ ἀλλοτριστὴ ἢ μὴ ἐστὶ δυνάμει, καὶ ἀνάγκη εἶναι τὸ ὅτι ἐν μαθησόμενον (tale principium syllogisticum quod non possit (aut quod non debeat)

debeat) demonstrari, quodque necessario debet habere (hoc est intelligere, admittere, agnoscere) qui alicui disciplinæ daturus est operam. Hypothesin autem & definitionem, quatenus sub generaliiori thesī nomine continentur, definit conjunctim, ἀρχὴν συλλογιστικὴν, ἢ μὴ ἐστὶ δεῖξαι, μὴ ἀνάγκη ἔχειν τὴν μαθησόμενον; hoc est, tale demonstrationis principium quod itidem non possit (aut non debeat) ostendi, quodque non est necessarium ut futurus discipulus in antecessum sciat aut comprehendat. Quatenus autem hæc distinguuntur à se invicem, hypothesin finit esse thesin, quæ sumit aliquid esse vel non esse (ut esse magnitudinem, dari unitatem). Definitionem verò pronunciat esse thesin, quæ sumitur quid sit aliquid. Ut quod unitas sit ποσὴν ἀδιαίρετον (quantum vel quotum indivisum). Capite verò decimo ejusdem tractatus, principiorum alia tria genera statuere videtur, axiomata communia, hypotheses, & postulata. Et hypotheses quidem à postulatis ita secernit. Ὅσα μὲν δεικτὰ ὄντα λαμβάνει αὐτὸς μὴ δεῖξας ταῦτα, εἰ μὲν δεικνύται λαμβάνει τὸ μαθησόμενον, ὑποπίπτει. καὶ ἐστὶν ἢ ἀπλῶς ὑπόθεσις, ἀλλὰ πρὸς ἐκείνον μόνον. εἰ μὲν ὅ ἢ μηδεμίαν ἐξέσης δόξης, ἢ καὶ ἐναντίας ἐξέσης λαμβάνει, τὸ αὐτὸ αἰτεῖ. καὶ τὸ τοιοῦτον διαφέρει ὑπόθεσις καὶ αἰτήμα. ἐστὶ γὰρ αἴτημα τὸ ὑπεναντίον τῇ μαθησόμενῳ τῇ δόξῃ. ἢ ὃ ἂν τις ἀποδεικτὸν ὄν λαμβάνει καὶ χρῆται μὴ δεῖξας. Hoc est, quæcumque cum probari possint, sumit demonstrator absque probatione, si hæc dicentis opinioni consentanea sunt, supponit, nec

nec est simpliciter hypothesis, sed ejus solius respectu; quod si nulla insit, vel etiam contraria insit opinio, tali casu assumpta postulat. Ac hoc differunt hypothesis & postulatum. Est enim postulatum id quod discentis notioni subcontrariatur; vel quod quis cum demonstrabile sit, accipit ac adhibet minimè demonstrans. Ità quidem ex horum collatione, omnino principiorum quinque videantur esse genera, ex philosophi sententia: Axiomata, suppositiones indemonstrabiles, definitiones, suppositiones demonstrabiles, & postulata. Sed in speciem adversantur priori loco dicta illis, quæ tradit in posteriori. Illic enim principia statuere videtur absolute *μη δεικνῆναι*, nam thesin definit, *ὡς μὴ ἐστὶ δειξέαι*; hic autem hypotheses adsumptas, & postulata disertè pronunciat *ἀποδεικνῆναι*. Quibus conciliandis dici possit philosophum priore loco principia simpliciter omnis scientiæ prima respicere, quæ certè demonstrari nefas est (alioquin prima non forent) posteriore verò ad peculiaria subjectarum scientiarum principia digitorum intendere, quæ nil obstat quin possint demonstrari (sicut à nobis in præcedentibus offensum est) vel certè vult principia quævis, in illa ubi ceu talia adhibentur scientia probationem non desiderare, nec admittere, quamvis in alia demonstrari possint, ac debeant.

Verùm in hac Aristotelica recensione principiorum, & eorum explicatione (quod honore salvo dictum velim divini viri, quem quis alius, ob profundissimam sapientiam, & diffusissimam eruditionem summo opere

vene-

veneror ac suspicio, omnibſque commen-
datum velim) nonnulla minſ arrident.
Prima quidem *ὑποθέσεις* (in hypotheses,
definitiones, axiomata) quod ipſa diviſio
nis attinet membra, generalim & cujuſvis
ſcientiæ reſpectu, mihi videtur omnium
rectiſſimè conſtituta; quoad explicationem
ſecũs videtur. Nam per hypotheſin exem-
plis ſuis indicat ſe nil aliud intelligere,
quàm ſubjecti (de quo agitur in aliqua ſci-
entia vel demonstratione) poſitionem ſeu
aſſertionem quodd ſit. Veluti quodd detur
unitas, quodd exiſtat magnitudo (Αἰ, in-
quit alicubi, Αἰ ἢ τὴν μονάδα λαβὲν ἢ
τὸ μέγεθος, τὴ δ' ἕτεραν δεκνύται). Ap-
qui talis hypotheſis prorfus inepta videtur
ad ſcientiam; cum ex ea nil poſſit inferri,
nec ea ſoleat ullum ingredi ſyllogiſmum.
Ex eo nempe quodd ſit, quodd detur, quodd
exiſtat aut exiſtere poſſit magnitudo, quid
ex ſe conſequi poſſit, quia poſſit inde quæſo
derivari conſuſio? Planè nulla, reor. At
ex eò quodd talis ſit, quodd tali prædita ſym-
ptomate, quodd talem ſitum, talem motum
obtineat conſequi poſſit (aliis eò adſcitis
& collatis) alia ei obtingere ſymptomata
cum iſtis connexa. Itaque prædicta ſup-
poſitio non rite ſtatuitur demonſtrationis
principium. Eſt enim de ratione talis pri-
cipii, ut aptum natum ſit aliquam ex ſe
quaſi conſuſionem progignere, aliteriſ pro-
poſitiones utrunque probatoris deſervire
ac conducere. Ex nudâ verò poſitione
ſubjecti quodd ſit nil aliud ſequatur quàm
ipſum eſſe, ſcilicet ita negando, eſt, ergo
eſt. Equidem, fatetur, antecedenter ad
omnium

omnium scientiam quodammodo præcognoscitur & præsupponitur subjecti cognitio, vel conceptio quædam, quatenus omnis propositio conflat ex terminis incomplexis, qui non aliter apprehendi possint quam ut rerum significativi qualemunque habentium essentiam, hoc est quàm concipiendo vel supponendo quòd sint; sed non idè termini incomplexi $\tau\delta$ $\eta\eta$ implicantes sunt principia demonstrationum, sed materia potius vel partes ipsorum integrales.

Etiã illud vehementer improbo, quòd affirmet Aristoteles definitionem nihil affirmare, vel accipere neutram partem contradictionis; hoc est, quòd sumat definitionem non pro integra enunciatione, sed tantum pro ejus prædicato; ut v. g. quòd animal rationale sit definitio hominis, eaque ratione principium demonstrationis; non autem hæc enuntiatio; homo est animal rationale. At enim, quomòd non adversatur hoc ab ipso præstituta definitioni principii, quòd nempe sit $\pi\rho\beta\alpha\tau\epsilon\upsilon\varsigma$ $\lambda\upsilon\epsilon\iota\varsigma$; quomòd non repugnat principii naturæ ac qualitati, quæ requirit ut sit verum, taliter verum ut ex eo possint alia vera deduci? (Cum nempe veritas sit qualitas enunciationis perfectæ, non simplicis termini, nec ex hujus apprehensione quicquam eliciatur.) Quare definitio nominatur ab ipso thesis quædam, si nil ponit aut asserit? Quo denique pacto fiet, ut non perperam & perabsurdè hoc modo sumpta definitio cum axiomatis (quæ sunt enunciationes perfectæ) cum hypothesis, quæ ipso docente aliquid asserunt, in ratione præsupponatur.

principii comparentur, jungantur, convenient? Reverà definitio, quæ demonstrationis habetur principium, est enunciatio completa, de subjecto proposito prædicans aliquam ipsius affectionem, utilem aliis educendis passionibus. Est, inquam, syllogismi apodictici propositio quædam præcipua, causam quatenus fieri potest, ostendens symptomatis demonstrati. Definitio quidem incomplexa (vel prædicatum definitionis complexæ) poterit esse, sepiissime est, medium vel argumentum extruendæ demonstrationi repertum, delectumque; sed non idèò principium est, non magis quàm totum & pars sunt idèò demonstrationis principia, quia pronunciatum illud, Totum est parte majus, principii accensetur. Taceo quòd non usquequaque verum sit, axiomata non posse demonstrari (*à mi èst à l'Eu*) quia philosophi verba, sicut antehac insinuat, aliquam admittunt excusationem & propositionem commodam. De aliis verò duobus, quæ subjungit, principiorum generibus, quæ demonstrator assumit, alioquin demonstrabilia, hypothesebus nimirum & postulatis, illa sentio nequiquam ab axiomatis differre. Quicquid enim demonstrari potest, est theorema; theorema vero quod in aliqua particulari scientia non probatur, at ex aliqua superiore desumitur, axiomatis obtinet locum in ista. Cæterum distinctionis, quam apponit Aristoteles hypothesein inter & postulatam (quòd illi sc. haud illibenter adstipuletur auditor, huic verò dissentiat) perquam exile video fundamentum. Nam
utcumque

utcumque sit de præconceptis auditoris opinionibus, quæ nihil admodum refert quales fuerint, docentis menti consonæ vel discrepantes) priusquam ad demonstrationem efficacem descendatur, necessarium est ut adhibitis quibusque principiis assensum præstet, alioquin nullam sibi persentiscet ingenitam scientiam. Contingere potest, at quid hoc ad scientiæ propositum? Ut discipulus habuerit præiudicia: Illa certè, si qua habuit, exuere debet ac deponere magistri ratiociniis convictus, aut luculentis rei propositæ exemplis illustratus, antequam perfectam, absolutam & propriè dictam scientiam queat indipisci. Qualis enim, obtestor, futura est demonstrationis energia, quis effectus, si discipulus non annuat, non acquiescat, non mordicus adhærescat præmissis? Nè dicam quomodo rectè dici possit *ἀπὸ τοῦ*, quod potest demonstrari. Cur enim accipiat precario, quod jure potest assumere, quod vi valet extorquere? Vel cur non ignavis præceptoris precibus repugnet ὁ μαθησόμενος; quare non perspicio quid philosophum ad hanc adduxerit distinctionem; nec scrupulum eximunt interpretes. Proclum quod attinet (nam in eum jam aciem distingo) dum is Aristotelem sequi proſtetur, pejora meo iudicio reddit omnia. Nam primò tribuit Euclidi tria genera principiorum, axiomata, hypotheses, postulata, quorum differentias exponit ex Aristotelis sententia: Quasi verò definitiones non sint principia, vel eas non agnoverit Euclides, vel Aristoteles eas nunquam accensuerit principiis, disertissimeque

N

secre-

secreverit & contradistinxerit ab hypothese-
sibus. Itaque mira Procli videtur. *ἀλλὰ καὶ*
definitiones, in principiorum enumeratione,
vel omittentis omnino; vel cum Aristoteli-
eis hypotheseibus confundentis; tum quæ
suis demonstrabilibus hypotheseibus ac po-
stulatis ascribit Aristoteles, ea Proclus at-
tribuit definitionibus, & postulatis Euci-
deis, admodum incongrue. Nam quo-
modo Euclidæ definitiones, quomodo po-
stulata Geometrica sunt *ἀπὸ τοῦ*? Quomodo
requiritur, ut postulatis Euclideanis discipul-
sententia refragetur, aut eis verè adap-
tari possit illud, *ὡς ἐστὶν ὁ ἀριθμὸς τῶν ἑαυτοῦ*
ἀριθμῶν, *ὅσους ἀριθμῶν*; quasi velit nō
lit *ἀπὸ τοῦ*, quantumvis reclamet atque
repugnet, ea tamen Geometra confidenter
arripiat. Quid hoc est aliud quàm Geo-
metrix fundamenta convellere; quàm om-
nis disciplinæ commercium dissolvere? Imo
potius Euclidæ postulata tam perspicuam
præ se possibilitatem ferunt, tam familia-
ribus & crebris exemplis possunt illustrari,
non possit ut illis scientiæ capax ingenium
ullatenus obistere vel obmurmurare; im-
modestus alioquin, importunus, ineptus so-
let scientiæ doctor, qui postularet aut sup-
poneret; frustra quæ pergeret in docendo,
vel demonstrando non admittis suis postu-
latis. Sed quid Proclum oppugno, cum
ipse se jugulat, & quas libro secundo ab
Aristotele propinatas crudas portiones inger-
serat, eas tertii initio removere videatur?
Nam *οὐδὲν ἂν ἡμεῖς τὰς ἀρχὰς τῶν γεωμετρικῶν*
ἀρχῶν διαφέρειν τῶν ἀπὸ τοῦ, *τὸ ἀπὸ τοῦ*
ἀπὸ τοῦ, *τὸ ἀπὸ τοῦ*, inquit, alia pleraque
sub-

subnectens in eandem mentem clarè repugnantia prius adstructis, & Aristotelicæ, cui suffragari videtur, postulatorum descriptioni. Sed ut Proclum dimittamus, quid ad hæc Ramus? Arguit Procli distinctionem; at quomodo? Sic ut omne sublatum eat principiorum discrimen, insigni profectò morositate. Quibus autem fretus argumentis? *Quoniam, ait, definitiones, divisiones, & propositiones quævis aliæ per se manifestæ admittuntur in disciplinis, non postulati vel axiomatis, sed ipso tantum suæ claritatis & perspicuitatis nomine.* Quot verba, tot ferè subsunt paralogismi. Quis definitiones in aliqua disciplina credidit admitendas postulati vel axiomatis nomine? Quis accuratè tractans aliquam scientiam non definitiones separavit ab axiomatis? Ac et si nemo distinxisset, non idè possent distingui? Quò ipsius igitur tot novellæ distinctiunculæ? Verùm admittuntur solo claritatis suæ nomine, hoc est, opinor, non quatenus definitiones aut axiomata, sed quia clara: Estò. Quid inde? Ergò non debent distingui: Bella consequentia, per similes huic, Sol & lampas conspiciuntur, non solis & lampadis nomine, sed quia clarè lucent; ergò, Sol & lampas distingui non debent; vel ergò non est alia lux solis, alia lampadis. At porro disputat, ab Euclide adhibetur id discrimen tantum in primo libro, in cæteris postea libris contempta est ista principiorum differentia: Contempta est; unde constat? Certè definitiones alias, alia axiomata subjicit alibi locis opportunis; plura postulata non addit,

*Scb. Math.
lib. 3.*

quia nullis aliis opus videbatur: Sed ubi confundit istas species principiorum, ubi præ se fert ulla contemnere? Nisi postulata non ἀναίτως nominare sit illa contemnere. Sed fortius instat Archimedis gravissimam auctoritatem objectando; qui isorrhophicis suis præstrata principia promiscuè vocat αἰτήματα. Αἰτῶμεθα, dicit, τὰ ἰσorraφῆ ἰπὸ τῶν μαθητῶν ὑποθέμεν (nec absimiliter Euclides in Opticis quolibet adsumpta principia nuncupat hypotheses). De Archimede subnotirat idem jam olim Geminus apud Proclum & Eutocium; cui instantiæ respon-
 'eo, forsan Archimedelem, brevitati studentem. & nè nimium exiguo libello apparatus præstrueret, extremam ἀρχήν consultò neglexisse; quam tamen in libris de sphaera & cylindro, de spiralibus. & aliis curiosius per textis observavit, definitiones ab axiomatis sejungens. Nec adeo mirum est eadem vocabula nunc angustius stringi, nunc extendi latius pro scriptoris ingenio, vel proposito. Sicut Stoici, insignes illi rerum pariter ac vocabulorum quasi libellatores, enunciationes universas axiomatum titulo donarunt; quasi prout virtutes & vitia, sic & propositiones omnes sibi dignitate vellent exquare. Nec diffiteor alioquin petitionis vocabulum, ex significato vulgari, satis accommodatè tribui principiis omnimodis. Nam quoniam utcumque debet impetrari discantis consensus, docens quodammodo petit. Verecundius id certe quàm si dicatur præcipere, veluti subinde disciplinarum magistri dictata sua vocitant præcepta. Non male Ryaltus ad illum locum Archimedis.

Petre

Petere possumus hoc vel illud sic appellari, tum hoc vel illud quod natura lumine cognoscimus ratum statui, deinde hoc vel illud possibile fieri. At omne quod fieri vel sic nominari potest dignitatem appellare nequimus, nec innam mentibus nostris cognitionem definitionem esse concedatur. Satis hoc ad rem apposite. Addo Proclum: Ἦδη αὖ μὲν πάντα αἰτήματα καλεῖν ἀξιοῦσιν, ὡς περ καὶ προβλήματα τὰ ζητούμενα πάντα. Potuit igitur Archimedes, brevitati dans operam, ideoque principia sua simul uno corpore complecti volens petitionum illis nomen assignare non incommode; non æquè potuisset eis omnibus definitionum aut axiomatum titulum adaptare. Simili jure potuit Euclides, possent alii suis principiis indere nomen hypothesium. Nam & vocabulum supponere latissimè capax est acceptionis. Nec improprie quicquid ad demonstrationem utile præmittitur dici potest ὑποκείμενον, vel ὑποπείθετον, subjacere, supponi, subterni in'lar fundamenti, cui superextruantur sequutura demonstrationes. Archimedi solenne est ita loqui. Ante libros de sphaera & cylindro. post definitiones & axiomata, τῶν, inquit, ὑποκειμένων. Ante definitiones præmissas libro de conoidibus, & sphaeroidibus. Ὑπὸ κεῖται. In libro de spiraliibus, ὑποκείνεται τὰ χρεῖα ἔχοντα εἰς τὴν ἀπὸ δειξίν αὐτῶν (ubi ὑποκείνεται æquipollet τῷ ὑποκείμενῳ). Itaque supponere designat universum præmittere vel præternere, fundamenti loco; quâ ratione cunctis congruit principiis. Sicut & λαμβάνειν, assumere, vel pro concessio accipere; licet hoc axiomatis peculiariùs

In libr. de
conoid. &
Sphaeroid.

Lib. 7.
p. 244.

accommodetur: Ut in iis de sphaera & cylindro, post traditas definitiones axiomata subjecturus Archimedes, λέγουσιν ὅτι ταῦτα. Non reticebo; in transcurso, paullo supra memoratum Archimedis Schollasten, Rivaltum, novum nobis ex eo principii genus, aut novum certe nomen extudisse, quod appellat subsidium. Dixerat Archimedes post definitiones, alia demonstrationibus suis praemissa, προελάσαντες ἐν ταύτῃ θεωρήματα, καὶ τὰ ἐπιτάγματα τὰ χρεῖαν ἔχοντα εἰς τὰς ἀποδείξεις αὐτῶν, μετὰ ταῦτα γράψμεν σοὶ τὰ προελάσματα. Hinc Rivaltus ἐπιτάγματα subsidia interpretans, subsidii nomen imponit definitionibus quibusdam, quæ ut opinor loco suo exciderant. Sed Archimedes per ἐπιτάγματα nil aliud intelligere videtur, quam propositiones quasdam lemmaticas in libri sequentis decursu exhibitas, ad primariorum theorematum demonstrationem requisitas; ei igitur τὰ ἐπιτάγματα sunt quæ ordine sequuntur vel inseruntur propositiones, ad illarum instar cohortium, quas historiae Romanae scriptores ἐπιτάγματα, cohortes subsidiarias, solent appellare. Quanquam ferè suspicor Archimedem ejusmodi vocabulo non usum, sed exscriptorum forsitan incuria irrepsisse ἐπιτάγματα, pro ἐπὶ ταῦτα τὰ δὴ ταῦτα χρεῖαν ἔχοντα εἰς ἀποδείξεις, quæ præterea subjiçuntur ad demonstrationem utilia. Quanquam non diffiteor epitagmatis nomen, hujusmodi rebus appositum, etiam alicubi apud Pappum extare; sic tamen ut quomodo sit accipiendum, vix ex contextu liceat divinare. Sed hac etiam ratione. Et sane

sanè vereor, ut vos minus delectent hæ velitatoriz *συμμεταχαι*, hæ triçæ, hæ cumini-sectiones, me certè tædet ipsarum, nec sine quadam animi molestia, dum aliqualem collector *ἀκριβείαν*, in quendam *ἐπιφαντολογίαν* delapsus sentio. Ut hæc quæstione memet expediam ocyùs, reliquas prætermittens aliorum sententias, de re ipsa sic statuo breviter & consentienter antedictis. Principiorum simpliciter ità dictorum, hoc est indemonstrabilium quæ in nulla quapiam scientia demonstrari possunt, aut debent, duo sunt genera, Hypotheses (vel Postulata), & Definitiones.

Hypotheses sunt propositiones, alicujus rei modum aliquem, actionem, aut motum evidenter possibilem assumentes, vel affirmantes. E. g. Ponatur punctum aliquod à loco A ad locum B ferri motu directo & inflexo. Vel, Punctum ità ferri potest. Ponatur recta linea circa unum extremum defixum (vel immotum) rotari, donec in primum situm revolvatur. Vel recta linea tali pacto rotari potest. Ponantur duæ rectæ lineæ concurrere, vel interfecare se invicem, sic ut post occursum abeant in partes diversas. Vel duæ rectæ possunt ità concurrere. Ponatur triangulum rectangulum circa crus unum anguli recti completè revolvì. Ponatur recta linea AB

quiescente extremo A rotari
uniformiter (hoc est ità ut
æqualibus temporibus æquales conficiat angulos) & eodem tempore punctum A ferri uniformiter in recta AB (hoc est ut æquis temporibus æqua decurrat intervalla) ponatur

natur aliquod punctum in circuli vel ellipsis peripheria circumire, sic ut quis temporibus pares efficiat angulos respectu designati puncti, quod sit puta centrum circuli, vel focus ellipseos. Ponatur à corporis lucidi vel illustrati puncto quodam ad oculum lineam rectam protendi. Ponatur lunam in recta collocari, quæ solem inter & oculum porrigitur, linea. Ponatur à puncto visibili per centrum oculi, vel ad centrum tunicæ retinæ radius derivari. Hujusmodi positiones quod non assumantur temerè, quod admitti debeant. hoc est quod nihil continent possibilitati repugnans, sensus ipse commonstrat, experientia clarè contestatur. (Unde obiter liquet, quod à veteribus Geometris est animadversum, sicut inter axiomata & theoremata, ita hypotheses inter & problemata admodum propinquam affinitatem versari. Prout enim problema structuræ cujusdam modum edocet, & possibilitatem demonstrat, sic hypothesis constructionem aliquam adsumit clarè possibilem. Eò scitè Proclus, ex Gemini sententia; *δέσμευον ὅ ὅμως ὡς περ πρόβλημα θεωρήματ' ὅ, ὑπο καὶ αἴτημα ἀξιώματ' ὅ, εἰ καὶ ἀμφοτέρω ἀναπόδεικτα ἐστὶ, καὶ τὸ μὲν ὡς ἐνπόρισον λαμβάνει, τὸ δ' ὡς ἐυγνώστον ὁμολογεῖ.*) h. e. In postulato, vel hypothesi, tanquam in problemate, quid facile factibile adsumitur; in axiomate, seu theoremate, quid facile cognoscibile conceditur). Definitio autem est propositio, in qua nomen imponitur vel adscribitur rei clarè resultantis ex aliqua possibili suppositione, quæ scilicet in ipsa propositione expressa nomen illud

illud determinat ac circumſcribit. Veluti prædictis ſuppoſitionibus inſiſtendo; quod reſultat ex concuſſu duarum reſtarum linearum ſe interſectantium dicatur angulus reſtilineus, vel angulus reſtilineus eſt, qui fit ex tali concuſſu. Quæ producitur ex rotatu linear reſtæ figura plana dicatur circulus: Vel, Circulus eſt figura plana, quæ linear reſtæ circumducta producitur. Quod provenit ex trianguli reſtanguli circa crum unum anguli reſti revolutione ſolidum, appelletur conus reſtus. Vel, Conus reſtus eſt corpus tali revolutione procreatum. Quæ fit ex duobus motibus uniformibus, reſto & circulari, linea curva dicatur Helix; vel Helix eſt linea curva tali motuum compoſitione generata. Motus in peripheria circuli vel ellipſis, æquales reſpectu deſignati puncti conſiciens angulos vocitetur motus medius; vel medius eſt, qui taliter afficitur motus.

A corporis lucidi, vel illuſtrati puncto verſus oculum protenſa reſta nuncupetur radius. Quæ ſit ab interpoſitu lunæ privatio lucis apparentis dicatur eclipſis Solis. A puncto viſibili per centrum oculi, vel ad centrum retinæ manans radius dicatur axis opticus. Quibus exemplis affatim patet, qualis ſit definitionis natura, quæ origo: Quodque in ipſa reciproce conveniant rei nomen, & nomini res; ſeu quod huius ſignificatio illius exiſtentiz poſſibili adæquetur.

Ex hiſce duobus per ſyllogiſticam conſequentiam emergit tertium genus principii, quod vocari ſolet axioma vel dignitas, pro-

pronunciatum; communis notio, prolepsis (vel anticipatio). Hoc autem nihil est aliud quam theorema quoddam in aliqua superiore præcedanea scientia perspicue deductum & demonstratum a propriis definitionibus & hypothesebus illius scientiæ vel immediate, vel per alia intermedia theoremata; adsumptumque proinde sine probatione, in scientia subordinata; vel saltem quod emergit ex hypothesi seu definitione quæpiam in eadem ipsa scientia posita, confectari ad modum per facillimam & evidentissimam consequentiam. Quæ axiomatis species propria dici solet illi peculiari scientiæ, sicut altera vocatur communis; nimirum communis omnibus dictæ primæ subjectis scientiis. E. g. Quæ eidem æqualia sibi æquantur, commune censetur axioma, quoniam numeris, temporibus, motibus, ponderibus juxta convenit ac magnitudinibus; & in sola prima philosophia demonstratur, conclusionis ibidem seu theorematismis rationem habens: Sed, omnes anguli recti sunt æquales; rectæ lineæ spatium non continent, sunt axiomata propria, utpote quæ in sola Geometria primò locum obtinent, inque ea ex definitionibus recti anguli, & rectæ lineæ confectantur, & quodammodo demonstrantur. Sed hæc satis antea luculenter prolatis exemplis exposuimus.

Ita demum quoad principiorum numerum prorsus accedimus Aristotelis primæ divisioni, in secundo capite primi Posteriorum exhibitæ, in hypotheses, definitiones, axiomata, licet eorum minus accuratam,

faltem

saltem minus liquidam expositionem improbemus. Accedimus quoque *τοιαύτην* nostro, itidem principia in tres classes dispartienti, definitiones, postulata, pronuntiata. Siquidem perinde est an suppositiones indemonstrabiles dicantur hypotheses an postulata; modò non ideò credantur dici postulata quòd illa demonstrator accipiat precariò, & quasi emendicet: Habent enim irrefragabilem ipsa certitudinem, ac evidentiam axiomatum claritati nulla ex parte cedentem; imò multis axiomatis clariora videntur, utpote cùm hæc ex illis dependeant & deriventur. Possent etiam axiomatum formam induere, sicut & problemata theorematum; nec fere differunt ab iis, nisi quoad formam, & quia nequeunt, ut illa, demonstrari. Utcunque modestia nominis rei præstantiæ non debet detrachere.

Animadvertatur autem, id quod dictis objici potest, duas ab Euclide propositiones postulatis accenseri, quibus allata postulati vel hypothesis explicatio minimè convenit; illas nempe, Rectos omnes angulos invicem æquari, & si linea recta duabus aliis rectis insistens angulos ad easdem insistentis partes internos duobus rectis minores effecerit, illas duas rectas aliquando, ad istas partes productas, concurrere. Respondeo minùs id. accuratè factum ab elementorum digestore (si quidem ab illo revera factum, nec in alienum locum istæ propositiones irrepsent, aliorum culpâ) rectiusque proinde à Gemino, Proclo, & aliis plerisque interpretibus eas axiomatis annu-

annumerari; sunt enim reverà theoremata, recti anguli, linearque parallelæ definitiones consuetantia.

Postquam hæc de principiis eorūque partitione concepissem animo, chartæque commendâssem, fortè conjiciens oculos in excellentissimi Geometræ Alphonsi Borelli librum perelegantem & perutilem, elementa Geometriæ novâ methodo digesta completentem, cui nomen fecit Euclides restitutus, illum adverti principiorum naturæ & distinctioni elucidandis summam quam potuit curam, & subtilitatem impendisse, cum in præmio operis, tum præsertim in iis quæ primæ elementorum propositioni immediatè præposita sunt. In ejus aliqua dicta, si prius obtulissent se, forsitan nonnihil annotâssem, sed quum nihil ferè contineant, quod acceptum commo-è diffideat à nostris cogitatis, & quod ipse non aliquando perstrinxerim, cūque satis superque fuerit in hac re disputatum, impræsentiarum intacta præteribo, postea tamen cū objecta fuerit opportunitas, unum fortassis, aut alterum punctum discussurus, ea præcipuè quibus Clavianam de definitionis natura sententiam impugnare videtur. Confero me jam ad specialia quædam de postulatis (vel hypotheseis) definitionibus, & axiomatis observanda.

Quoad hypotheses observari potest generatim earum cū fundamentum seu ratio, tum materies & extensio. Fundamentum & ratio hypotheseum (sicut innuimus sæpius, nam effugere non possumus quamvis invici quin eadem subinde repetamus, quod
sane

ſane non abhorret ab huiusmodi lectionum ingenio, & aliquatenus prodeſſe poteſt, cum ex eo dictorum ſenſus, menſque dicentis eluceſcant clariuſ & altiuſ intigantur) hypotheſium, inquam, fundamentum eſt evidens experientia, ſeu per ſenſum aliquem quo forinſecus oblata percipimus, ſive per conſcientiam intimam, qua motus internos, & immanentes nobis actiones perſentimus. Nihil enim ſupponi debet, cujus nullum experimentum edere, quod non appoſito aliquo exemplo confirmare valemus, aut illuſtrare. Cum non alia ratione poſſit hypotheſis poſſibilitas oſtendi, de qua tamen certo conſtare debet auditori, ſcientiam ambienti. E. g. Hypotheſis optica, quod a quovis objecti viſibilis puncto (phyſico ſaltem) recta linea luminola, ſeu radius ad oculum ubicunque ſitum (in medio ſcilicet homogeneo) porrigatur, non aliter eſſet admittendum, niſi fulciri poſſet ejuſmodi notorio experimento, quod ubique objectum aſpicitur, niſi corpus opacum alicubi in recta, illud inter & aſpectum linea collocatum impediatur; incredibile videretur illud, & fere impoſſibile (propter impervestigabilem modi quo fit intelligentiam, & imperceptibilem naturæ ſubtilitatem) niſi planè fidem facere experientia. Ita ſiquid hypotheſis loco tradatur auditori minus probabile, minimè exploratum, tenetur id ſcientiæ choragus aliquo luculento paradigmate ſeu phænomeno commonſtrare (τῇ αἰδιόσει, ἢ τοῖς δακτύλοις, ut ait Ariſtoteles) ſic ut antequam ulteriuſ ad demonſtrationes procedatur, nulla ſuperſit

poſt. II. 7.

superfit. *hesitatio de rei suppositæ possibilitate, seu veritate.*

Materia verò hypothesis est omnis actio, vel motus, vel modus entis, qui sub observationem cadit, aut experiētiā potest deprehendi. Speciatim Mathematicarum, quas præsertim respicimus, hypothesis materies ad omnia magnitudinis obvia cuiusvis sensui symptomata distenditur. Quamobrem ut hypothesis Mathematicarum materia rectè comprehendatur, debent generales, quarum omnis magnitudo capax est affectiones studiosè pensari. Quare de iis jam opportunum erit differere.

Magnitudinis quænam primaria notio sit, & maximè essentialis proprietas, à qua reliquæ dimanant, à quibusdam anxie disquiritur; inani forsā opera, & sine fundamento, cum fortè nulla sit (meo certè iudicio nulla est) cui talis prærogativa naturæ, talis ordinis primatus revera competat; at multæ sunt ejus proprietates ei pari jure, simili nexu congruentes, arctissimo vinculo coherentes, implicite, adunate cum illi, tū sibi in invicem. Quare de ipsarum ordine parum sollicitus primarias ejus affectiones potissimum observabiles, quæque Mathematicis materiam suppediant hypothesis, strictim atque *resolvo* retensebo, considerabo, conabor explicare. Verum sentio me negotium aggredi fusiori dignum expositione, quam ut tribus verbis possit absolvi; quodque malim non incipere, quam statim abruptum; cumque memor sim, toties

toties expertus, quanto brevitati nimia
paratior sit, quàm prolixitati venia, quan-
tòque præter non explere desiderium,
quam creare fastidium auditoribus, in se-
quentes ista lectiones reservabo.

Μένω τὰς σοφῶν θεῶν δόξα. Ἀμήν.

FINIS.
